


# বিভাবতী



শ্রীজিতেন্দ্রনাথ দত্ত

প্রণীত ।

প্রথম সংস্করণ ।

“হ্রস্বা হ্রস্বীকেশঃ হ্রদিস্থিতেন  
যথা নিযুক্তোহস্মি তথা করোমি ।”

{ ১৩২৪ }  
{ আশ্বিন }

---

---

কলিকাতা,

৩৮ নং ইডন হস্পিটাল রোড হইতে

শ্রীজিতেন্দ্রনাথ দত্ত কর্তৃক প্রকাশিত

৩

২০ নং কর্ণওয়ালিস স্ট্রীট, শ্রীগোপাল প্রেস হইতে

শ্রীগোপালচন্দ্র রায় কর্তৃক মুদ্রিত ।

---

---

# উৎসর্গ-পত্র

যাঁহাকে

গুরুর আসনে বসাইয়া

আমি

উপন্যাস লেখায় হস্তক্ষেপ করিয়াছি,

সেই

বঙ্গবিখ্যাত ঔপন্যাসিক

স্বর্গীয়

বঙ্কিম চন্দ্র চট্টোপাধ্যায়

মহাশয়ের

শ্রীচরণোদ্দেশে

আমার প্রথম উপন্যাস

বিভাবতী

ভক্তিরাগে রঞ্জিত করিয়া

উপহার

অর্পণ করিলাম ।

জিতেন্দ্রনাথ দত্ত ।

শ্ৰীশ্ৰীগুৰ্গা ।

## ভূমিকা ।

বহুযত্নে এতদিনে বিভাবতী শেষ কৰিলাম । উপন্যাস লিখায় এই আমাৰ প্ৰথম হস্তক্ষেপ ; সুতৰাং ইহা পাঠক-পাঠিকাসমাজে যে কিৰূপ আদৰ লাভ কৰিবে, তাহা বলিতে পাৰি না । যাহা হউক, যদি সদাশয় ব্যক্তিগণ এই নবীন গ্ৰন্থকাৰেৰ প্ৰতি দয়া-পৰবশ হইয়া গ্ৰন্থখানিকে নিতান্ত অনাদৰ না কৰেন, তাহা হইলে কৃতার্থ হইব ।

আমি লেখনী ধৰিয়া অবধি অনেকৰ নিকট উপহাসাস্পদ হইয়াছি । আবার কতিপয় মহাত্মা আমাকে উৎসাহ দিয়া সে উপহাসেৰ তীব্ৰজ্বালা অনেক পৰিমাণে লাঘব কৰিয়া দিয়াছেন ; এ জন্ম আমি তাঁহাদিগেৰ নিকট যে কতদূৰ কৃতজ্ঞ, তাহা—ক্ষুদ্ৰা-দপি ক্ষুদ্ৰ আমি—ভাষায় কি প্ৰকাৰে ব্যক্ত কৰিব ? ইতি—

৩১ বৈশাখ,  
শক, ১৮৩৯ ।

}

বিনয়াবনত—

গ্ৰন্থকাৰ ।

উপহার

---

উপলক্ষে

এই গ্রন্থখানি আমার

শ্রী

কে

চিহ্নস্বরূপ উপহার

প্রদান করিলাম ।


---

সন ১৩ ৫ ০ সাল

তাং

বার





# বিভাবতী ।



## উপক্রমণিকা ।

অতি মনোহর উদ্যান । চারিদিক উচ্চ প্রাচীর-বেষ্টিত ; প্রাচীরের পর একসারি বড় বড় ঝাউগাছ চারিদিক বেষ্টিত করিয়া আছে ; তৎপরে একসারি নারিকেল গাছ, তাহাতে কচি, ডাব, বুনা, অনেক নারিকেল শোভা পাইতেছে , ঝাউ অপেক্ষা এ গুলি অল্প নিম্নতর ; তৎপরে এক সারি দেবদারু, ইহার উচ্চতা নারিকেল অপেক্ষা অল্প কম । বৃক্ষগুলির পত্রময় শ্রামল মস্তকসকল জলহীন মেঘমালার ঞায় স্তরে স্তরে শোভা পাইতেছে,—রৌদ্রে চক্ চক্ করিতেছে—বাতাসে তর্ তর্ কাঁপিতেছে—বর্ষণে সর্ সর্ শব্দ হইতেছে । বৃক্ষরাজির মাঝে মাঝে মণ্ডলাকারে গোলাপ, গন্ধরাজ, টগর, মল্লিকা, হেনা প্রভৃতি নানাবিধ সুস্বাস্থ্য সুশোভিত ; তাহাতে অশ্রুট, অর্ধশ্রুট, প্রশ্রুটিত প্রসূনসকল হাসিতেছে—সৌরভ ভূর্ ভূর্ করিতেছে—বাতাস কুর্ কুর্ বহিতেছে

## বিভাবতী

মধুকর গুন্ গুন্ উড়িতেছে। উদ্যানের মাঝখানে লৌহ-শলকা-নির্মিত বেঠন-বেঠিত সরোবর ; জল অতি নিশ্চল, নীল, স্থির। দুঃখের বিষয়, সরোবরে শতদল নাই ; কিন্তু তীরস্থ লতাকুণ্ডে একটা শতদল দীপ্তি পাইতেছিল।—সে একটা বালিকা।

তাহার অঙ্গ উজ্জ্বল গৌরবর্ণ ও লাবণ্যময় ; বয়স চতুর্দশ বর্ষের অধিক নহে। বালিকা প্রথম প্রস্ফুটিত প্রসূন। প্রথম জগতে প্রধান ; যদি আধিক্য বলিয়া কিছু থাকে, তবে সে প্রথমেই আছে। প্রথম সুখ বড় অধিক, প্রথম দুঃখ বড় অধিক, প্রথম যাহা, তাহা অধিক। সুতরাং, এ বালিকার প্রথম যৌবনের প্রকাশে, প্রথম সৌন্দর্যের বিকাশে, প্রথম মনোরঞ্জিত প্রস্ফুটনে যে একটা আধিক্য আছে, তাহা সকলকেই স্বীকার করিতে হইবে।

বালিকা লতাকুণ্ডে বসিয়া সরোবর-জলে দৃষ্টিপাত করিয়া আছে। সুশীতল নৈদাঘ সমার-হিল্লোলে তাহার অলকগুচ্ছ ও পরিধেয় বস্ত্রখানি অল্প অল্প কাঁপিতেছে, নব যৌবনের হিল্লোলে নয়নের তারা ও ওষ্ঠাধর কাঁপিতেছে, আনন্দের হিল্লোলে প্রাণ কাঁপিতেছে,—আজ তাহার বিবাহ।

এমন সময়ে আত্মানু-লম্বিত জটাধারিণী, ভঙ্গারূত-কলেবরা, বকুলধারিণী, একটা অপরিচিতা বালিকা তাহার সম্মুখে আসিয়া দাঁড়াইল। তাহার বয়স আট, নয় বৎসরের অধিক নহে। সন্তাসিনী বালিকা কিশোরীর প্রতি চাহিয়া হাসিমুখে বলিল,—

“দিদি ! জগতে ভালবাসার জিনিষ কিছু আছে ?”

কিশোরী বিস্মিতা। একি ! একটা অপরিচিতা বালিকা



তাহাকে একরূপ প্রশ্ন করিল কেন ? ভাবিল পাগল, ভাবিখা  
ছিজ্ঞাসিল,—

“তুমি কে ?”

বালিকা পূর্ববৎ হাসিমুখে কহিল,—

“আমার পরিচয়ে তোমার আবশ্যকতা নাই। আমার প্রশ্নের  
উত্তর দাও, জগতে ভালবাসার জিনিষ কিছু আছে ?”

কিশোরী বলিল,—

“আছে বৈকি।”

বালিকা।—কি ?

কিশোরী।—মাতা, পিতা, ভ্রাতা, ভগিনী ইত্যাদি।

বালিকা।—না।

কিশোরী ভাবিল, এ বুঝি প্রেমোন্মাদিনী, বলিল,—

“স্বামী ?”

বালিকা।—না।

কিশোরী।—তবে কি ?

বালিকা গম্ভীর ভাবে কহিল ;—

“ধর্মু” !





# বিভাবতী



## প্রথম খণ্ড।

### প্রথম পরিচ্ছেদ।

কলিকাতার কিঞ্চিৎ দক্ষিণে পুণ্যতোয়া গঙ্গা-তীরে একটা বড় পল্লী ছিল। পল্লীটির নাম যাহাই হউক না কেন, আমি ইহাকে কমলপুর বলিব। কমলপুর স্বভাব-সৌন্দর্য্যময় গ্রাম, কিন্তু সমৃদ্ধিশালী নয়। তাহা হইলে বোধ হয়, প্রকৃতি দেবীর এত অনুগ্রহ থাকিত না; কারণ ইহাদের মধ্যে বিবাদ কিছু কম নয়। সমৃদ্ধি কোন স্থানে গিয়াই আগে কৃত্রিমতার সাহায্যে প্রকৃতিকে তাড়ান, প্রকৃতিও সে স্থান ত্যাগ করিয়া আরও দুর্গম স্থানে গিয়া লুকান।

কমলপুরে এখনও সমৃদ্ধির তত আধিপত্য হয় নাই; সেই জন্য প্রকৃতির এত অনুগ্রহ। গ্রামের পশ্চিম ধার দিয়া গঙ্গানদী নাচিতে নাচিতে বহিয়া যাইতেছে; তাহার তীরে অসংখ্য বৃক্ষ-সকল শোভা পাইতেছে। কোথাও ক্ষুদ্র ক্ষুদ্র কণ্টকময় বৃক্ষসকল

## বিভাবতী

ক্ষেত্রের পর ক্ষেত্র জুড়িয়া আছে ; তাহাদের শ্যামল মস্তকসকল অটোলিকার ছাদের মত দেখায় । কোথাও তাল, নারিকেল, সুপারী প্রভৃতি বড় বড় বৃক্ষগণ গগন স্পর্শের বাসনা করিতেছে । কোথাও আম, জাম, কাঁঠাল প্রভৃতি গাছ সকল শাখা প্রশাখা বিস্তার করিয়া নিয়ে সূর্যের গমনাগমন বন্ধ করিয়াছে ।

গ্রাম ধানির তুলনায় লোক সংখ্যা নিতান্ত অল্প । অক্ষলের মাঝে মাঝে দুই একখানি বাড়ী ; তাহাও একখানি এখানে, একখানি সেখানে, একখানি ওখানে । কিন্তু সুনীল আকাশ-গাত্রে মেঘন একখানি শুভ্র মেঘ, সেইরূপ এই শ্যামল পল্লিটির মাঝখানে শুভ্র 'অটোলিকাময় উচ্চপ্রাচীর-বেষ্টিত এক প্রকাণ্ড বাড়ী দূর হইতে দৃষ্ট হয় । বাড়ী খানি দুই মহল । অন্দর মহলের একটা সুসজ্জিত প্রকোষ্ঠে একদিন অপরাহ্নে বিভাবতী পালঙ্কে বসিয়া ভাবিতেছিল ।

বিভাবতী বিংশবয়সী যুবতী—সুন্দরী । বিভাবতী একমনে ভাবিতেছে ; কি ভাবিতেছে, জানি না । উপধানে কুণ্ডল স্থাপিত, বাম করতলে কপোল ন্যস্ত । মস্তক করতলে হেলিয়া পড়িয়াছে, তৎসঙ্গে অক্ষও ঈষৎ হেলিয়াছে, কম্বুকণ্ঠ-বিলম্বিত রত্নহার ঈষৎ হেলিয়াছে, আলুলায়িত রাশীকৃত কেশভার ঈষৎ হেলিয়াছে. বিশাল নয়ন-যুগল ঈষৎ হেলিয়াছে, বক্ষিম ক্রয়ুগল ঈষৎ হেলিয়াছে, সৌন্দর্য্যও বুকি ঈষৎ হেলিয়াছে । অলঙ্কৃত চরণ-যুগল ভূমি স্পর্শ করিয়া আছে, সে কেবল হেলে নাই ।

নিয়ে তাহার শিশুপুত্র কতকগুলি ক্রীড়নক লইয়া খেলিতেছিল, তাহার দৃষ্টি সেই শিশুর উপর নিবদ্ধ, কিন্তু লক্ষ্য সেদিকে

নাই। তাহার ললাট হইতে বিন্দু বিন্দু ঘর্ম্ম ঝরিয়া নাসিকার অগ্রভাগে হীরক খণ্ডবৎ শোভা পাইতেছিল; কদাপি উরুদেশে একবিন্দু আসিয়া পড়িতেছিল, আবার আসিয়া শোভা পাইতেছিল। গণ্ডদেশে ঘর্ম্ম নাই, কিন্তু লাবণ্যের প্রাচুর্য্যে ঘর্ম্ম সিক্তবৎ ঢল ঢল করিতেছিল। অধরে হাসি নাই, তথাপি হাস্যময় বোধ হইতেছিল। যুথ পশ্তীর, তথাপি কিন্তু তাহাতে সারল্য ক্রীড়া করিতেছিল। সে প্রবল চিন্তা-স্রোতে ভাসিয়া যাইতেছে। যুক্তবাতায়ন-রন্ধু দিয়া আমোদ-স্পর্শ-শীতল বসন্ত-বায়ু প্রবেশ করিয়া তাহার অলকাবলী কাঁপাইতেছিল,—সৌন্দর্য্যের উপর সৌন্দর্য্য খেলিতেছিল।

এমন সময় নির্মল বাবু তথায় প্রবেশ করিলেন। দ্বারদেশে পদার্পণ করিবামাত্র বিভাবতীর সুন্দর মূর্ত্তি তাঁহার দৃষ্টিপথে পড়িল। তিনি চৌকাট ধরিয়া দাঁড়াইয়া, যুগ্মনয়নে সে অলৌকিক, অনির্বচনীয়, স্বর্গীয় মূর্ত্তি দেখিতে লাগিলেন। বিভা তাহাকে দেখিতে পাইল না। শিশুটী পত্ন-দর্শনে ক্রীড়নক ফেলিয়া আনন্দে হস্ত-পদ সঞ্চালন করিতে লাগিল; “বা—বা, বাব্—বা” প্রভৃতি শব্দ করিতে লাগিল। তাহাতেও বিভার চৈতন্য হইল না। নির্মল কক্ষ-প্রবেশ করিয়া পুত্রটীকে কোড়ে তুলিয়া সাদরে একটী চুম্বন করিলেন। তথাপি বিভা চক্ষু তুলিয়া চাহিল না। নির্মল ডাকিলেন, ;—

“বিভা !”

বিভা চিন্তা-প্রযুক্ত শুনিতে পাইল না, অথবা শুনিয়াও শুনিল না, তাহা জানি না; তবে চাহিল না, বা কথা কহিল না।

## বিভাবতী

নির্মল পালক-পার্শ্বে গিয়া বসিলেন, বসিতে বিভা চাহিল, বলিল;—

“তুমি ?”

নির্মল হাসিয়া বলিলেন, ;—

“এতক্ষণে চিনিলে বুঝি ?”

বিভা কথা কহিল না, এক দৃষ্টিতে নির্মলের মুখ পানে চাহিয়া রহিল. সে দৃষ্টির অর্থ যে কি, তাহা কে বলিতে পারে ? দৃষ্টি উজ্জ্বল, জ্যোতির্শয় অথচ স্নিগ্ধ। পাঠকের ক্ষমতা থাকে, বুঝিয়া লউন।

নির্মল কিছুক্ষণ চুপ করিয়া রহিলেন. পরে নিকটে আসিয়া দুই হস্তে বিভার কোমল করপল্লব নিস্পীড়ন করিতে করিতে, তাহার মুখপানে চাহিয়া বলিলেন ;—

“বিভা ! তুমি অমন হইয়া গেলে কেন ?”

তাহার চক্ষু বাষ্পাকুল হইল।

বিভা বলিল;—

“কেমন ?”

নির্মল কম্পিত কণ্ঠে কহিলেন, ;—

“কেমন ? তুমি কিকিছু বুঝ, না ? একা একা সব সময় বসিয়া থাক, ডাকিলে কথা কও না, কি ভাব, বিভা ! তুমি কি ভাব ?”

বিভা বলিল, ;—

“নাথ ! আমি কি ভাবি, জিজ্ঞাসা করিতেছ ? বুঝিতে পারিতেছ না ? দারুণ দুর্ভিক্ষ-পীড়নে তোমার প্রজাগণ হাহাকার করিতেছে, রোগ-শয্যায় পড়িয়া কাতর অর্ন্তনাদ করিতেছে, কত মরিতেছে। তোমার সোনার জমিদারী শ্মশান হইয়া গেল !”

বলিতে বলিতে বিভা কাঁদিতে লাগিল,—

“গৃহে গৃহে মহামারীর কঠোর উৎপীড়ন, মানুষে মানুষে দুর্ভিক্ষের মহা অত্যাচার, শ্মশানে শ্মশানে শৃগাল কুকুরের আনন্দাৎসব। এখনও বুঝিতে পারিতেছ না? এখনও জিজ্ঞাসা করিতেছে, তুমি কি ভাব?”

নির্মল।—কিন্তু তোমার আমার হাত কি? সুখ দুঃখদাতা ভগবান্।

বিভা।—স্বীকার করি, কিন্তু তোমার চেষ্টা করা কি উচিত নয়? আজ যদি তোমার পুত্রের অসুখ হয়, তুমি কি ভগবানের হাত বলিয়া চুপ করিয়া থাক?

নির্মল।—আচ্ছা, আমি কাল বিজয়কে একটা ব্যবস্থা করিতে বলিব। এখন ওসব বাজে কথা ছাড়িয়া দাও।

পরে বামবাহু বিভার স্কন্ধপরি স্থাপন করিয়া আবেশভরে কহিলেন,—

“এস, আমার কাছে এস।”

বিভা “হায় নাথ!” বলিয়া নীরবে অশ্রু-বর্ষণ করিতে লাগিল। দেখিয়া নির্মল বলিলেন,—

“বিভা! আর তুমি আমায় ভালবাস না।”

বিভা বলিল,—

“নাথ! তোমার সাধ কি পূরিবে না? ঘুম কি ভাঙিবে না? মোহ কি ঘুচিবে না? তোমার পুত্রতুল্য প্রজাগণ রোগে, শোকে, অনাহারে মৃত্যুকে আলিঙ্গন করিতেছে, আর তুমি সুখসপ্নে বিভোর হইয়া আছ?”

## বিভাবতী

নির্মল বিভার কাতরোক্তি শুনিলেন ; কিছু বুঝিলেন না । অনেকক্ষণ নীরবে ও নতশিরে থাকিয়া, পরে উত্তেজিত কণ্ঠে কহিলেন,—

“বিভা ! তুমি আমাকে ভালবাস, না প্রজাদের ভালবাস ?”

বিভা গম্ভীরস্বরে উত্তর দিল,—

“আমি তোমাকেও ভালবাসি না, বা প্রজাদেরও ভালবাসি না; আমি আমার ধর্ম্মকে ভালবাসি ।”

নির্মল একদৃষ্টিতে বিভার মুখপানে চাহিয়া রহিলেন, দেখিলেন, সে মুখে আর সৌন্দর্য্য নাই,, সে মুখে আর সারল্য নাই, সে মুখে আর মাধুর্য্য নাই । সে মুখ আর তাঁহার ভাল লাগিল না, অনেকক্ষণ পরে ধীরে ধীরে বলিলেন;—

“তুমি ধর্ম্মকে ভালবাস ?”

- বিভা কথা কহিল না ; বাষ্পাকুল-নয়নে বদন অবনত করিয়া রহিল ।

নির্মল আর কিছু না বলিয়া সে স্থান ত্যাগ করিলেন । শিশুটি “বা—বা—বা” করিতে লাগিল, তিনি তাহা শুনিলেন না । বিভা করুণ দৃষ্টিতে চাহিয়া রহিল, তিনি ফিরিয়া চাহিলেন না ।





## দ্বিতীয় পরিচ্ছেদ ।

নির্মল প্রকোষ্ঠ ত্যাগ করিয়া বহির্বাটীতে গিয়া একখানি কেদারা টানিয়া বসিলেন এবং চাকরকে তামাক দিতে বলিলেন । চাকর তামাক সাজিয়া দিয়া গেল । নির্মল তামাক টানিতে টানিতে অস্ফুট স্বরে বলিলেন ;—

“ধর্ম তাহার সব !”

পরে হুঁকা রাখিয়া অবিতে ভাবিতে চলিয়া গেলেন । তাহার পর আর একটা কক্ষে প্রবেশ করিয়া একটু বসিলেন ; ভাবনা সঙ্গে সঙ্গেই আছে । তাহার পর উঠিয়া এসরাজটা লইয়া একটু বাজাইলেন, পরে রাখিয়া দিলেন । তখন বইগুলির নাড়া-চাড়া আরম্ভ করিলেন ; কোনখানির কেবল পাতা উল্টাইয়া রাখিয়া দিলেন, কোনখানি কেবল হাতে করিয়াই ক্ষান্ত হইলেন । কোনখানির বা দুই এক পংক্তি পড়িলেন । কিছুক্ষণ পবে পূর্ববৎ অস্ফুট স্বরে বলিলেন,—

“তবে আমি কেন তাহার জন্ম পরকাল নষ্ট করি ?”

তখন সন্ধ্যা হইয়াছিল, একটা চাকর আসিয়া প্রকোষ্ঠে আলোক রাখিয়া গেল । নির্মল আরও কিছুক্ষণ তথায় বসিয়া, পরে উঠিয়া চলিলেন । তখনও তিনি ভাবিতেছিলেন ।

নির্মল জঙ্ঘলময় রাস্তা দিয়া একাকী গঙ্গাতিমুখে চলিলেন । সেদিন গুরুপক্ষ ছিল, কিন্তু বৃক্ষলতার প্রাচুর্যে রাস্তার আলোক পড়ে নাই ; একেবারে যে পড়ে নাই এ কথা বলা যায়

## বিভাবতী

না ; জঙ্গলের আড়াল দিয়া, বৃক্ষলতার মধ্য দিয়া, চাঁদের দুই একটা কিরণ কোথাও কোথাও পড়িয়াছিল। কিন্তু তাহাতে মাঝে মাঝে যে সকল ঘনান্ধকার ছিল, তাহা আবণ্ড ঘনীভূত বোধ হইতেছিল। নিশ্চল সেই জঙ্গলময়, অন্ধকারময় রাস্তা দিয়া একাকী চলিতেছেন। মনে এত চিন্তা না থাকিলে, তিনি কখনও এরূপ ভয়ানক রাস্তায় একাকী চলিতে পারিতেন না।

জঙ্গলমধ্যে শৃগালগণ কর্কশরবে ডাকিতেছিল, উপরে নিশাচর পক্ষিসকল পক্ষ সঞ্চালন করিতেছিল, রাস্তার উপর দিয়া বন্য বিড়াল, বন্য শূকর প্রভৃতি হিংস্র জন্তুগণ নিরাতঙ্কে যাতায়াত করিতেছিল। চিন্তার আধিক্য-বশতঃ নিশ্চলের হৃদয় ভয়হীন ও দৃষ্টি লক্ষ্য শূন্য ; তিনি কিছু দেখিয়াও দেখিতেছেন না ; আপন মনে চলিতেছেন। কিয়দূর গমনের পর কোমুদী-মাণ্ডিতা জাহ্নবী নদী তাঁহার দৃষ্টিগোচর হইল। আর একটু যাইয়া তিনি শম্পময় তটে বসিয়া—এরূপ আসনে তিনি আর কখনও বসেন নাই— তাবিতে লাগিলেন ;—

“যদি আমার কেহ না হইল, তবে আমি কেন তাহাদের জন্ত মরি ? আমি কেন অধর্ম্মে ডুবিয়া থাকি ?”

তখন গঙ্গা-বক্ষে একখানি তরনী ভাসিয়া যাইতেছিল, তন্মধ্যে গীত হইতেছিল,—

আমার চোখ ফুটিয়ে দিলে হরি ।

আমি বুঝেছি সার, হরি হে, তুমি ভবের কাণ্ডারী ॥

স্বী পুত্র বহু আদি, তারা কেবল সুখের সাধী,

মরে গেলে ফেলে দেবে, ফেলে একটু চো'খের বারি ॥

নির্মল স্থির-কর্মে গানটী শুনিলেন । তখনও তাহার একটি পদ গীত হইতেছিল, কিন্তু নৌকা বহু দূরে গিয়া পড়াতে একটি স্রব ব্যতীত আর কিছুই শ্রুত হইল না । গানটী শেষ হইলে নির্মল মনে মনে বলিলেন ;—

“ঠিক বলিয়াছে, সকলেই সুখের সাথী ; তবে আর কেন ?”

গানটীর ভাবের সঙ্গে তাহার মনোভাবের সম্পূর্ণ ঐক্য না হইলেও, তিনি গানে ও মনে জোর করিয়া মিশাইয়া লইলেন । নির্মল আর গৃহে ফিরিলেন না ।

---

### তৃতীয় পরিচ্ছেদ ।

রাত্রি প্রহরাতীত । একটি ক্ষুদ্র কক্ষ-মধ্যে বিভাবত একাকিনী ভূমির উপর বসিয়া আছে ; সম্মুখে প্রদীপ জ্বলিতেছে । প্রদীপের আলোকে তাহার মুখমণ্ডলে গান্তীর্যের রেখা স্পষ্ট পরিলক্ষিত হইতেছে । নয়নকোণে বিন্দু বিন্দু অশ্রু দেখা যাইতেছে । বিভা নির্ঝাক, নিস্পন্দ, মৃত্তিকা-নির্মিত পুস্তলিকার স্থায় ; একটি কেশও নড়িতেছে না ।

এমন সময় তাহার শিশুকে ক্রোড়ে লইয়া জনৈক যুবতী তথায় প্রবেশ করিল । যুবতীর নাম বিমলা, বিমলা বিভাকে

## বিভাবতী

তদবস্থায় দেখিয়া ম্লান-মুখে জিজ্ঞাসা করিল ;—

“ও কি, দিদি ! অমন করিয়া বসিয়া আছ কেন ?”

বিভা শুনিল, কথা কহিল না। বিমলা কিছু বুঝিল কিনা, জানি না ; সে শিশুকে বিভার ক্রোড়ে ফেলিয়া দিয়া বালল ;—

“নাও, তোমার ছেলে।”

বিভা বলিল ;—

“রাধ্‌না ভাই, একটু।”

তাহার কথার সঙ্গে যেন করুণ রস ঝরিয়া আসিল। বিমলা বলিল ;—

“ভারি গরজ, উনি একলাটী ব'সে ব'সে ভাববেন, আর আমি ওঁর ছেলে রাখব ! আচ্ছা দিদি ! তুমি কি ভাব ?”

বিভা বলিল ;—

“বিমলা ! তুই সরলা, আমি কি ভাবি, তা' তুই কি বুঝিবি ? আগে ভাবিতাম এক ভাবনা, এখন তার সঙ্গে আর এক নূতন ভাবনা আসিয়া জুটিল।”

বিভার মধুর কণ্ঠনিঃসৃত করুণ কথাগুলি বিমলার সরল প্রাণে বড় বাজিল। সে স্বীয় কমনীয় ভুজ-বল্লীতে তাহার গ্রীবা-দেশ বেঠন করিয়া, মুখের কাছে মুখ লইয়া গিয়া কহিল—গোলাপ যেন কমলে কহিল ;—

“কি ভাব ?”

বিভা বাম্পাকুল-নয়নে বিমলার মুখপানে চাহিয়া কল্পিত-কণ্ঠে কহিল ;—

“বিমলা ! আগে ভাবিতাম, দুর্ভিক্ষের হাত হইতে প্রজা-

দিগকে কেমন করিয়া রক্ষা করিব, এখন ভাবিতেছি—”

সে আর কহিতে পারিল না, বিমলার বুকের উপর মাথা রাখিয়া কাঁদিতে লাগিল। বিমলা কিছু বুঝিল না, তাহার কান্না দেখিয়া কাঁদিতে লাগিল। তাহাদের কান্না দেখিয়া শিশুটীও কাঁদিয়া ফেলিল। শিশুর ক্রন্দন দেখিয়া উভয়ে ক্রন্দন সম্বরণ করিল। বিমলা শিশুটীকে কোলে তুলিয়া তাহার মুখে একটা চুম্বন করিল, সে আবার হাসিল।

আহা! জগতে শিশু কি সুন্দর! শিশুর হৃদয় কি নির্মল। প্রাণ কি সরল! হিংসা নাই, ঘেঁষ নাই, খলতা নাই, পাপ নাই; আছে শুধু মণি ও মুক্তা—হাস ও কান্না। পূর্ণিমার চাঁদেও কলঙ্ক আছে, ফুটন্ত ফুলেও কীট বাস করে, গন্ধবহুও দুর্গন্ধ ছড়ায়, কিন্তু শিশু সর্বদা সুন্দর।

বিমলা শিশুকে শান্ত করিয়া বিভাকে জিজ্ঞাসিল :—

“কি হইয়াছে?”

বিভা চক্ষু মুছিয়া কহিল ;—

“বিমলা! তোমার দাদা বুঝি আমার উপর রাগ করিয়া কোথায চলিয়া গিয়াছেন।”

বিমলা হাসিয়া কহিল ;—

“সাবাস! সাবাস! এরই জন্তে এত? এরই জন্তে নিজের কাঁদলে, আমাকে কাঁদালে, খোকাকে কাঁদালে! যদি রাগ কর্তেন ত আমরা শূন্যে পেতাম না? হয় ত তোমার মন বুঝবার জন্তে মুখটা ভার ক’রে গিয়াছেন, এখনই আসবেন এখন।

বিভা একটা দীর্ঘ নিশ্বাস ছাড়িয়া কহিল ;—

## বিভাবতী

“না বিমলা ! তিনি যথার্থই রাগ করিয়াছেন । আমি উত্তেজিত হইয়া—”

বিমলা বাধা দিয়া কহিল ;—

“যাও, তোমার ওসব কথা আমি জ্বনিতে চাই না ।”

খোকা বিমলার কোলে ঘুন্মাইয়া ছিল, বিমলা তাহাকে বিভান কোলে দিয়া চলিয়া গেল ।

বিমলা চলিয়া গেলে, বিভা শিশুকে লহয়া শয়ন-কক্ষে গেল এবং তাহাকে শুয়াইয়া নিজে শয্যার উপর বসিয়া রহিল । বসিয়া ভাবিতে লাগিল, পরে শুইল, নিদ্রার চেষ্টা করিতে লাগিল, কিন্তু নিদ্রা হইল না । তাহার পর উঠিল, আবার শুইল. আবার উঠিল, আবার শুইল । তখন দেয়াল-লম্বিত ঘটিকা-যন্ত্রে ঠং ঠং করিয়া বারটা বাজিয়া গেল । বিভা উঠিল, কি ভাবিয়া ছাদে চলিল । তখন অন্ধকার হইয়াছিল । সে ছাদে দাঁড়াইয়া চারিদিকে দৃষ্টিপাত করিতে লাগিল, দেখিল,—সব অন্ধকারময় ; গৃহ, প্রান্তর, পলল, পুষ্করিণী সব গাঢ় অন্ধকারময়—সব গাঢ় কালো । বিভা অনেকক্ষণ সে ভয়ঙ্কর দৃশ্য দেখিয়া পুনঃ শয়ন-কক্ষে প্রবেশ করিল । দেখিল, নিশ্চল আসেন নাই তখন সে উপাধানে মুখ লুকাইয়া কাঁদিতে লাগিল ।



## চতুর্থ পরিচ্ছেদ ।

কমলপুরের নিকটে একটী ক্ষুদ্র গ্রাম ছিল ; ঐ গ্রামে বিমলার জন্ম হয় । আট বৎসরের মধ্যে তাহার মাতা পিতার মৃত্যু হয় । তাহার এমন কোন আত্মীয় ছিল না, যে তখন তাহাকে অন্ত-বস্ত্রের সাহায্য করেন । অগত্যা তাহাকে শিক্ষাবৃত্তি গ্রহণ করিতে হয় । একদিন সে শিক্ষা করিয়া বাড়ী ফিরিতে দেখিল, রাস্তাব এক পার্শ্বে বসিয়া একটী ক্ষুধার্ত্ত অন্ধ ফকির কাঁদিতেছে । তাহার কোমল প্রাণ দয়ায় ভিজিয়া গেল । সে বসনাঞ্চল হইতে তৎক্ষণাৎ শিক্ষালব্ধ সমস্ত চাউলগুলি তাহাকে প্রদান করিল ।

অদূরে নিশ্চলের বৃদ্ধ পিতা কি কার্য্যবাপদেশে সেই পথ দিয়া আসিতেছিলেন ; তিনি শিক্ষাবলম্বিনী বালিকার ঐ তাদৃশ দয়া দর্শনে মুগ্ধ হইয়া গেলেন এবং খুব যত্ন করিয়া তাহাকে নিজগৃহে লইয়া গিয়া লালন-পালন করিতে লাগিলেন । বালিকা হৃদয়-শুণে বৃদ্ধকে এত বশীভূত করিয়াছিল যে, বৃদ্ধ নিজের পুত্র-কন্যা-দের মত তাহাকে ভাল বাসিতেন । বৃদ্ধ তাহাকে কিঞ্চিৎ লেখা-পড়া শিখাইয়া ছিলেন । পরে বিজয়কুমার নামক জনৈক সম্ভ্রান্ত ব্রাহ্মণ-সন্তানের সহিত তাহার বিবাহ দিয়াছিলেন এবং বিজয়কে নিজের কার্য্যবিভাগে দেওয়ানী কার্য্য দিয়াছিলেন ।

বিমলার বিবাহের কয়েক বৎসর পরে বৃদ্ধের মৃত্যু হয় । তাহার মৃত্যুর পরেও বিমলার যত্নের কোন ক্রটি হয় নাই । নিশ্চল বাবু তাহাকে ভগিনীর ন্যায় স্নেহ করিতেন । বিমলা

## বিভাবতী

সকল বিষয়ে সুখী হইলেও তাহার একটি প্রধান দুঃখ ছিল—  
বিজয়কুমার চরিত্র-হীন। বিমলার চরিত্র যেরূপ, বিজয়ের তাহার  
সম্পূর্ণ বিপরীত। বিমলা দয়া, মায়া, স্নেহ, প্রেম প্রভৃতি সদগুণে  
সমন্বিত ; বিজয় হিংসা, দ্বেষ, ক্রোধ, কুটিলতা প্রভৃতি অসদগুণে  
সমন্বিত। বিমলা সত্য, বিজয় অসৎ। বিমলা ভাল, বিজয়  
মন্দ। তবে বিজয়ের চেহারা নিতান্ত মন্দ ছিল না।

বিভার কক্ষ-ত্যাগ করিয়া বিমলা নিজ কক্ষে আসিল। দূরে  
তাহার পদ শব্দ শুনিয়া,—বিজয় খাটের উপর বসিয়া ছিল—  
তাড়াতাড়ি শুইয়া পড়িল, চক্ষু বুজাইল, যেন কত ঘুমই ঘুমাইতেছে  
বিমলা কক্ষ-প্রবেশ করিয়া স্বামীকে নিদ্রিত দেখিয়া, তাহার  
পদপ্রান্তে বসিল এবং ধীরে ধীরে পা টিপিতে লাগিল ও “শুন্ছ”  
“ওগো”, “খাবে যে” প্রভৃতি বাক্য ধীরে ধীরে উচ্চারণ করিয়া  
স্বামীকে জাগাইবার চেষ্টা করিতে লাগিল। বিজয় নিদ্রাজড়িত  
কণ্ঠের ভাণ করিয়া কহিল ;—

“কি বিরক্ত ক’ব্ছ !”

এই বলিয়া সজোরে একটি হাই তুলিয়া পাশ ফিরিয়া শুইল।

বিমলা মৃদুস্বরে কহিল ;—

“খেয়ে ঘুমোও না।”

বিজয় বলিল ;—

“আমি খাব না।”

বিমলা ।—কেন, কি হইয়াছে ?

বিজয় ।—হবে আর কি ? আমি খাব না।

বিমলা ।—তোমার পায়ে ধরি, খেয়ে ঘুমোও।



তাহান চক্ষু-অক্ষ ভরাক্রান্ত হইল ।

বিজয় ।—আমি খাই, যদি আমার একটা কথা বাখ ।

বিনলা ।—কি ?

বিজয় ।—আগে বল, বাণিনে কিনা ?

বিনলা ।—তুমি স্বামী, তুমি যা বাণিনে, তাহাই করিব ।

বিজয় ।—ও সব কথা আমি শুনিতৈ চাই না, পাণিনে  
কথা বল ।

বিনলা ।—বাণিন, বল ।

বিজয় ।—আজ না, দব... হইয়া লালব... দাত, ভাত দা... ।

বিনলা ভাত দিল ।

পাঠক । বিনলার গৃহ-প্রবেশের পূর্বে বিজয় খণ্ডে দর্শিত  
বাহা ভাবিতেছিল, তাহা এইরূপ ;—

“লোকে স্বার্থপর বাণিনে ? বাণিন বাণিনে ? বলুক, ক্ষীণ নাই ।  
কেন স্বার্থের চেপ্টা করে, আর কেহ বা স্বার্থ ত্যাগ করিয়া করে  
বড় মানুষ হইয়াছে ? আমি স্বার্থ ত্যাগ করিব না- এ সূত্রে  
ছাড়িব না । এই আমার মাত্রেয় স্বেযোগ, গেলে আর আসে  
না । বোকাব শিরোমণি নিম্নল বাবু জমিদার, আমার হাতে  
দর্শন সঁপে।দয়ে অন্তঃপুরে বসে প্রেমের স্বপ্ন দেখছেন । এ  
স্বযোগে যদি আমি স্বার্থের পথ পরিষ্কার না করি, তাহা হইলে  
আর হইবে না । আমার ভাবনা কি ? প্রধান নায়েব কালাচাঁদ  
আমার সহায় । অণু সকলকে দুইচারি দিনের মধ্যে হাত ক'বে  
নেব । আর প্রজাগুলো ত আমার হাতে আছেই ; এই দুর্ভিক্ষের  
সময় দুই এক মুঠো চাল দিলে, যাহাকে যা করিতে বলিব, সে

## বিভাবতী

তাহাই করিবে। তাহার পর বিভাবতীকে আমি চাই। কিন্তু ইহার জন্য বিমলার সাহায্য আবশ্যিক। বিমলা কি আমার সাহায্য করিবে? নিশ্চই করিবে। আমার কথায় সে মরিতে পারে। কিন্তু তাহার মনোভাবটা একবার বুঝিয়া দেখা কর্তব্য। এই সময়ে বাহিরে বিমলার পদ-শব্দ শ্রুত হইয়াছিল।

### পঞ্চম পরিচ্ছেদ।

সমস্ত রাত্রি চিন্তায়, অনাহারে, অনিদ্রায় কাটাইয়া, অতি প্রত্যুষে বিভাবতী পাত্ৰোপান করিল এবং প্রাতঃকৃত্য সমাপন করিয়া বিষণ্ণমুখে ভাবিতে লাগিল। নিশ্চলের কনিষ্ঠ ভ্রাতা বিমল, বিভার তাদৃশ অবস্থা দেখিয়া কারণ জিজ্ঞাসিল। বিভা তাহার সহস্র না দিয়া বলিল ;—

“বিমল ! তোমার দাদার সংবাদ কিছু জান কি ?”

বিমল বিস্মিত ভাবে বলিল ;—

“কৈ না !”

বিভা আর কিছু না বলিয়া, কেবল একটি দীর্ঘ নিশ্বাস ছাড়িল। বিমল বুঝিল, নিশ্চয় কোন অমঙ্গল ঘটিয়াছে, বলিল ;—

“কেন, কি হইয়াছে ?”

বিভা বলিল ;—

“কাল আমার সঙ্গে বচসা করিয়া তিনি কোথায় চলিয়া গিয়াছেন ; এখনও আসিলেন না।”

বিভা আবার একটি দীর্ঘ নিশ্বাস ছাড়িল। বিমলও একটি দীর্ঘ নিশ্বাস ছাড়িয়া নীরবে ঝাঁড়াইয়া রহিল।

অদূরে কক্ষের জানালা-ছিদ্র দিয়া একটি যুবক সে দৃশ্য দেখি তে পাইল ; কথাবার্তাও কিছু কিছু শুনিতে পাইল—সে বিজয় কুমার। বিজয়ের ক্ষুদ্র হৃদয় আনন্দে ভরিয়া গেল, সে অক্ষুটস্বরে বলিল,—

“বাহবা কি বাহবা ! ভগবান্ ! তুমি নিশ্চয় আছ। জমীদারী আমার হাতে তুলিয়া দিলে।”

বিভা বলিল ;—

“বিমল ! কাল বিকালে তিনি আমার সঙ্গে বচসা করিয়া ছিলেন, যদি কোথায় চলিয়া গিয়া থাকেন, তবে বেশী দূর যাইতে পারেন নাই ; নিকটে কোথাও আছেন। তুমি অনুসন্ধান কর।”

বিমল তাহাই করিল। চাকর, বরকন্দাজ, বাগানের মালী পর্যন্ত নিশ্চলের অনুসন্धानে চারিদিকে পাঠাইয়া দিল এবং নিজেও চিন্তাকুলচিত্তে বাটীর বাহির হইয়া পড়িল।

বিমল বরাবর রাস্তা ধরিয়া যাইতেছিল। কিয়দূর যাইয়া, যেখানে এই রাস্তা গঙ্গাতীরস্থ রাস্তার সহিত মিশিয়াছে, সেইখানে একটি বৃক্ষগাত্রে লম্বিত একখানি পত্র তাহার দৃষ্টি-পথে পড়িল। বিমল পত্রখানি পাড়িল ও পড়িল। পত্র এইরূপ ;—

“আমাকে কেহ অনুসন্ধান করিও না, আমার সংসার-নীল কুরাইয়াছে। আমি ধর্মের অনুসন্धानে চলিলাম। ইতি নিশ্চল।”

## বিভাবতী

পত্র পড়িয়া বিমল অশ্রু সম্বরণ কবিত্তে পারিল না। রাস্তার এক পাশে বসিয়া মাথায় হাত দিয়া ভাবিত্তে লাগিল। কিছুক্ষণ পরে উঠিয়া রাস্তা বহিয়া আরও খানিক দূর চলিল। আর একটা গাছের গায়ে আর একখানি পত্র। বিমল তাহা পড়িল,—ঐ একই কথা—“আমি ধর্ম্মের অনুসন্ধানে চলিলাম।” সে আরও কিছুদূর গেল, আরও একখানি পত্র দেখিল পড়িল, পড়িল,—ঐ একই কথা।

বিমল ফিরিল। বাড়ী আসিয়া বিভার হাতে পত্র দিল; বিভা পড়িল। কি আশ্চর্য্য! বিভা পত্র পড়িয়া মুচ্ছিত হইয়া পড়িল না! একবিন্দু অশ্রুও ফেলিল না। একটা দীর্ঘ নিশ্বাস ছাড়িল না! শুধু গম্ভীরস্বরে কহিল;—

“উত্তম, স্বামিন্! দেখি, কে প্রকৃত ধর্ম্মের উপাসক।”

পরে সূর্য্যের পানে চাহিয়া বলিল;—

“সূর্য্যদেব! তুমিই দেখিবে,—কে প্রকৃত ধার্ম্মিক।”

বিমল সব শুনিল, কিছু বুঝিল না। হতবুদ্ধি হইয়া দাঁড়াইয়া রহিল।

— \* —

## দ্বিতীয় খণ্ড ।

### প্রথম পরিচ্ছেদ ।

বিজয় কুমারের শব্দ-গৃহের পাশে একটি ক্ষুদ্র কক্ষ ছিল, কক্ষটী বিশেষ পরিষ্কার পরিচ্ছন্ন নহে, আলোক প্রবেশের পক্ষে বিলকব। এই জন্ম সকলে ইহাকে “আঁধার-কুঠী” বলিত। এই আঁধার কুঠী ও বিজয়ের শব্দ-গৃহের মধ্যে একটি ক্ষুদ্র জানালা ছিল।

বাড়ি দ্বিতীয় প্রহরের পর বিমলাব চৈতন্য হইলে দেখিল, শব্দ-গৃহে একা, বিজয় কুমার নাই। সে চাবিদিকে দৃষ্টিপাত করিতে লাগিল, দেখিল, আঁধার-কুঠী হইতে একটি ক্ষীণ আলোক-বশ্মি বাহির হইতেছে। বিমলা কৌতুহল-নিবারণার্থ জানালার সমীপবর্তিনী হইল এবং বন্ধু দিয়া আঁধার-কুঠীতে দৃষ্টি করিল। যাহা দেখিল, তাহাতে তাহার গাত্র রোমাঞ্চিত হইয়া উঠিল, দেখিল,—বিজয়কুমার ও কালাচাঁদ নায়েব বসিয়া আশে-আশে কথাবার্তা করিতেছে; সম্মুখে একটি ক্ষুদ্র প্রদীপ ক্ষীণ-ভাবে জ্বলিতেছে। বিমলা শুনিল,—বিজয় বলিতেছে;—

“কিন্তু কি? আপনি নিঃসন্দেহ হউন, নিশ্চলবাবু না—ই”

কালাচাঁদ বলিল;—

“তারও ত নিশ্চয় প্রমাণ কিছু পাওয়া যাইতেছে না।

## বিভাবতী

বিজয় । আর কিরূপ প্রমাণ চান ? জানেন ত, নির্মল বাবুর স্ত্রী এক ঘোষণা-পত্র দিয়াছিল যে, যে নির্মলের অনুসন্ধান করিয়া দিতে পারিবে, সে পাঁচশত টাকা পুরস্কার পাইবে । পাঁচশ টাকার লোভে আবাল-বৃদ্ধ-বনিতা পর্য্যন্ত সন্ধান প্রবৃত্ত হইয়াছিল । কিন্তু আজ একমাস অতীত, কেহই ত সন্ধান করিয়া দিতে পারিল না । সকলেই ফিরিয়াছে ।

কালী । তাহা হইলে তিনি নাই ?

বিজয় । খুব সম্ভব তাই ।

কালী । আমি যথাসাধ্য আপনার হিতার্থে চেষ্টা করিব, কিন্তু আমাকে—

বিজয় । না—না, আমি আপনাকে বঞ্চিত করিব না ।

কালী । তাই হলেই হ'ল, তাই হলেই হ'ল ।

বিজয় । তা হইলে কালই আপনি বিমলের কাছে কথাটা পাড়িবেন ।

কালী ।—সে—যদি অ—স্বী—কা—র করে ?

বিজয় ।—না, না, অস্বীকার করিবে না । জানেন কি, বিমল হ'চ্ছে একেবারে কলির লক্ষণ ; ভাইয়ের সন্ধানের কথা বলিলে সে কখনই অস্বীকার করিবে না । তারপর একবার নৌকায় চড়াইতে পারিলে, তখন ত আপনার মুঠোর মধ্যে । কি বলেন ?

কালী ।—হাঁ, তখন আমি বুঝে নেব ।

বিজয় ।—আস্তে !

কালী ।—কেউ শুনিতেছে নাকি ?

বিজয় ।—না,—না, তবে এসবকথা একটু আস্তে বলাই ভাল ।

বিজয় তখন মাথা নাড়িতে নাড়িতে মনে মনে বলিল ;—

“আর একটা কাজ—বিভাবতী—”

পরে কালাচাঁদের প্রতি চাহিয়া প্রকাশে বলিল ;—

“অনেক রাত হইয়াছে, এখন—”

তখন উভয়ে নিষ্ক্রান্ত হইল । কালাচাঁদ বাড়ী চলিয়া গেল.  
বিজয় শয়ন-কক্ষে আসিল । বিমলা তখন শয্যা-পার্শ্বে বসিয়াছিল.  
বিজয় গৃহ-প্রবেশ করিবামাত্র বৃক্ষচ্যুত ব্রততীর ন্যায় বিজয়েব  
পদতলে পতিত হইল । বিজয়ের বুক কাঁপিয়া উঠিল. সে বলিল ;—

“কি ?”

বিমলা কাঁদিতে কাঁদিতে বলিল ;—

“আমার মাথা খাও, ও সব পাপ-আশা ত্যাগ কর ।”

বিজয় বলিল ;—

“পা ছাড়, কি ত্যাগ করিব ?”

বলিতে বলিতে বিজয় গাত্রাবরণ-মধ্য হইতে তীক্ষ্ণ ছুরিকা  
বাহির করিয়া বিমলার প্রতি লক্ষ্য করিয়া ধরিল এবং ক্রয়ুগল  
কুঞ্চিত করিয়া তীক্ষ্ণস্বরে কহিল ;—

“কি ত্যাগ করিব ?”

বিমলা অল্প ভয় পাইল, কিন্তু পশ্চাৎপদ হইল না, বরং উঠিয়া,  
বক্ষ প্রসারিত করিয়া কহিল ;—

“দাও, আমার বুকে ঐ তীক্ষ্ণ ছুরি বসাইয়া দাও, আমাকে ধুন  
কর । কিন্তু ঐ পাপ-আশা ত্যাগ কর !”

সে স্বামীর চরণতলে লুষ্ঠিত হইয়া পড়িল ও কাঁদিতে কাঁদিতে  
কহিল ;—

## বিত্ত বতী

“আমি সব শুনিয়েছি, ও পাপ-আশা ত্যাগ কর।”

বিজয় দেখিল, ভয় দেখাইয়া বিমলাকে নিরস্ত করা যাইবে না, অগত্যা সে ছুরি নত করিয়া ঈশ্বর মিষ্টমুখে কহিল ;—

“বিমলা ! শুনিয়েছি, তাতা আমি পূর্বেই বুঝিয়েছি। কিন্তু বিমলা ! আমি যাহা করি, তাতা কি একা আমাবই জ্ঞান ?”

বিমলা আরও কাঁদিতে লাগিল, বলিল ;—

“দাহারই জ্ঞান কর, অকৃতজ্ঞ হইও না।”

বিজয় বলিল ;—

“দেখ বিমলা ! আমি যাহা ভাল বুঝি, তাতা অবশ্য করিব, কাহারও নিষেধ শুনিব না। অনর্থক আমার বিকল্পে কথা কহিও না।”

বিমলা উঠিয়া বলিল ;—

“নাথ ! নরকেব পথ পরিষ্কার করিও না।”

বিজয় বলিল ;—

“বিমলা ! আমি যাহা করি বা করিব, তাতা যদি পাপ বুঝিয়া থাক, তবুও বাধা দিও না। আমি যাহা করিব, তাতা করিব। বাধা দিলে আমার পাপ আরও বাড়িবে, আমি স্ত্রীহত্যা করিতেও ক্ষান্ত হইব না।”

বিমলা “তোমার যাহা ইচ্ছা—” বলিয়া সান্তিমানে শব্দ্যর উপর শুইয়া কাঁদিতে লাগিল। বিজয় কিয়ৎক্ষণ নিস্তব্ধ থাকিয়া, পরে বলিল ;—

“বিমলা ! যদি মৃত্যু-ভয় থাকে, তবে যাহা শুনিয়েছি, প্রকাশ করিও না।



বিমলা আবার উঠিল,—এবার বিমলা তেজস্বিনী,—বলিল ;—

“নাথ । আমাকে মৃত্যুভয় দেখাইও না ।”

বিজয় বলিল :—

“ভাল, পতিভক্তির ভয় ?”

বিমলা ।—প্রাণ থাকিতে প্রকাশ করিব না ; কিন্তু ঐ পাপ-  
আশা পরিভ্যাগ কর ।

বিজয় প্রকাশ্যে কিছু বলিল না ; মনে মনে বলিল ;—

“কখনই না ।”



### দ্বিতীয় পরিচ্ছেদ ।

সায়ংকালে পুষ্প বটিকার আলিন্দে বসিয়া বিভাবতী ভাবিন্দে-  
ছিল । বিভাবতীতে আর সে বিভাবতী নাই ; সেই সব আছে,  
অথচ যেন কিছু নাই । সেই কুসুম-পরাগ-লাঙ্ঘিত-কোমল-মৌবন  
আছে, কিন্তু তাহাতে পৃক্ববৎ স্ফূর্তি নাই । সেই পূর্ণকল-সুধাকব-  
নিঃসৃত কোয়দীতুলা রূপরাশি আছে, কিন্তু তাহাতে সে মোহ  
নাই । সেই স্নগোল-কোমল-পীনোরত পয়োধব-যুগল পৃক্ববৎ  
বন্ধোপরি শোভা পাইতেছে, কিন্তু তাহাতে গর্বি নাই । সেই  
করি-কর-নিন্দিত উরুযুগল আছে, সেই স্তপ্রসস্তোরত নিভষ আছে.

## বিভাবতী

কিন্তু সেখানে আর মন্থন বাস করে না। সেই রাশীক্রম কৃষ্ণ কেশভার আছে, কিন্তু তাহা আর ফণিনীকে টেপহাস করিয়া পৃষ্ঠ'পরি হলে না ; সর্বদা অসংযত অবস্থায় থাকে। সেই নব পল্লবতুল্য ওষ্ঠাধর আছে, কিন্তু তাহাতে আর স্মৃণা নাই। সেই সুনীলাযত নয়ন-মুগল আছে, কিন্তু তাহাতে আর সে প্রাণোন্মাদ-কারী শর নাই। বিভা নবীনা—বিভা প্রবীনা।

বিভা ভাবিতেছিল। তাহার ভাবনা-স্রোতস্বিনী পবন-তাড়ন-তরঙ্গায়িত শব্দক্ষেত্রের উপর দিয়া, অথবা গগনস্পর্শী তৃষ্ণফেন-নিভ বাজ-প্রসাদের পাশ দিয়া বহিতে ছিল না ; সে শোকের মক-ভূমির উপর দিয়া ধর্ম্মের মহাসমুদ্রে গিয়া মিশিতেছিল।

বিভাবতী বসিয়াছিল, কিছুক্ষণ পরে উঠিয়া দাঁড়াইল, ধীরে ধীরে পদচারণা করিতে লাগিল। স্মৃণীতল সান্না সমীচান্দালিত বসনাঞ্চলখানি তরঙ্গময়ী তরঙ্গিনীবৎ কাঁপিতে লাগিল। আল-লাবিভ জালুচুম্বিত তৈলহীন কেশরাশি পৃষ্ঠ'পরি ফুর ফুর করিয়া টেড়িতে লাগিল। সর্বোপরি ঐ সান্নানকল-সম উজ্জ্বল, তাহাব সেই দৃষ্টি ইতস্তত বিক্ষিপ্ত হইতে লাগিল। সে দৃষ্টি লক্ষ্যহীন, অথচ তাহাতে প্রতিষ্ঠার স্কুলিঙ্গ বাহির হইতেছে, ধর্ম্মভাব প্রচ্ছন্ন-ভাবে অবস্থিতি করিতেছে। বিভা অনেকক্ষণ ভাবিয়া ঈষৎ-স্মুট স্বরে কহিল ;—

“উত্তম যুক্তি।”

অদূরে বিমলা আসিতেছিল, শব্দটী তাহার কাণে গেল। সদাহাস্তময়ী বিমলা আজ গভীরীয়া, কেননা, পূর্ষিরায়ে তাহার

বুকে যে শক্তিশেল বিঁধিয়াছে, এখনও তাহা উঠে নাই। কিন্তু  
যাহার যে স্বভাব, তাহা একেবারে যায় না। সে জিজ্ঞাসিল ;—

“কি উত্তম যুক্তি, দিদি ?”

বিভা বলিল ;—

“আমি স্বয়ং স্বামীব অনুসন্ধানে যাইব।”

বিমলা কথা কহিল না, মুখ নত করিয়া রহিল। বিভা  
আবার বলিল ;—

“তুমি আমার খোকাকে রাখিও।”

বিমলা বলিল ;—

“আমি পারিব না।”

একথা বলিবার কারণ এই, যে, সে শিশুকে রাখিলে  
শিষ্ণুর করালকবল হইতে কখনও বাঁচাইতে পারিবে না। বিভা  
বুঝিল, যে, তাহাকে যাইতে দিবে না বলিয়া, বিমলা একথা  
বলিল। সুতরাং সে আর একটু জোর করিয়া বলিল ;—

“তোমাকেই রাখিতে হইবে।”

বিমলা বিনীতভাবে বলিল ;—

“ক্ষমা কর দিদি ! আমি পারিব না।”

বিভা বড় আশ্চর্যান্বিত হইল ; যে বিমলা খোকাকে ছাড়িয়া  
একদণ্ড থাকে না, সে আজ এত অমত করিতেছে কেন ? সে  
জিজ্ঞাসিল ;—

“কেন ?”

বিমলা। সে কথা আমি বলিতে পারিব না।

তাহার চক্ষু কোণে অশ্রু দেখা দিল, বিভা তাহা লক্ষ্য করিল।

## বিভাবতী

বিমলার আশ্চর্য্য পরিবর্তন দেখিয়া সে বিস্মিত হইল। কিছুক্ষণ পরে বলিল ;—

“আচ্ছা, কালীসিংকে ডাকিয়া দাও।”

বিমলা কালীসিংকে ডাকিয়া দিল। কালীসিং আসিয়া সেলাম করিয়া দাঁড়াইল, জিজ্ঞাসিল ;—

“হামুকো ডাকেছে কেনো মাই ?”

বিভা বলিল ;—

“খোকাকে ওর মামার বাড়ীতে রাখিরা আসিতে হইবে।”

কালীসিং বুদ্ধ, পুরাতন ও বিশ্বস্ত ভৃত্য, এ ক্ষণ এ গুরুভার বিভা তাহাকেই অর্পণ করিল। কালীসিং বলিল ;—

“কেনো মাইছী ! আপ্ কাঁহা যায়গা ?”

বিভা ।—কোথাও যাইব না ; তুমি পারিবে ?

কালী ।—হামি পারেবে ; কব্ যানে হোগা ?

বিভা ।—কাল ভোরে ।

“বলদাচ্ছা” বলিয়া কালীসিং সেলাম করিয়া প্রস্থান করিল ।

বিমলা বিভার মুখপানে চাহিয়া রহিল। বিভা নীরব।

## তৃতীয় পরিচ্ছেদ ।

সন্ধ্যার অনতিবিলম্বে বহির্কাটাতে বসিয়া বিমল ও কালাচাঁদ গল্প করিতেছিল । গল্প আর কি, কেমন করিয়া নির্মলের সন্ধান পাওয়া যায়, তদ্বিষয়ে যুক্তি করিতেছিল । কথার মাঝে মাঝে উভয়ে দীর্ঘনিশ্বাস ফেলিতেছিল । বিমলের নিশ্বাস অন্তরের বাতাস-সংযোগে দীর্ঘ হইতেছিল, আর কালাচাঁদের নিশ্বাস বাহিরের বাতাসে দীর্ঘ হইতেছিল । বিমলের দুঃখ আন্তরিক, কালাচাঁদের দুঃখ বাহ্য । বিমল মনে যাহা ভাবিতেছে, মুখে তাহা বলিতেছে । কালাচাঁদ তাহা নহে ; সে মুখে বলিতেছিল, কিরূপে নির্মলের সন্ধান পাওয়া যাইবে, কিরূপে জমিদারী চলিবে, কিরূপে সব দিক রক্ষা হইবে ইত্যাদি । মনে ভাবিতেছিল, কিরূপে জমিদারীর সর্বনাস হইবে, কিরূপে বিমল নিপাতে যাইবে ইত্যাদি । কিছুক্ষণ পরে ভুঁড়িতে হাত বুলাইতে বুলাইতে, মাথা নাড়িতে নাড়িতে নরধাম নায়েব বলিল ;—

“বিমল বাবু ! আপনি ছেলে মানুষ ;—যদি একবার চেষ্টা করিতেন, তাহা হইলে বোধ হয় সন্ধান পাওয়া যাইত । কি জানেন, যারা বাবুর সন্ধান গিয়াছিল, তারা সকলেই পর, আত্মীয় স্বজন কেউ নয় । প্রাণের টান না থাকিলে কি কেউ কারও জন্ত কষ্ট স্বীকার করে ? যদি আপনি একবার চেষ্টা করিয়া দেখিতেন ত—কি জানি—”

## বিভাবতী

বিমল বলিল ;—

“আমি তাহাতে প্রস্তুত আছি, আমি তাহাই ভাবিতেছিলাম।”

কালী।—উত্তম ! অতি উত্তম !

বিমল।—কিন্তু আপনাকে আমার সাহায্য করিতে হইবে।

কালী।—অবশ্য, নিশ্চয়ই ; বাবু আমাদের মা বাপ। তাঁর  
জ্ঞান একটু কষ্ট স্বীকার করিব, সে ত আমাদের আনন্দের কথা—  
স্বখের কথা—গৌরবের কথা।

নায়েব মহাশয়ের বংশ-কণ্ঠ-নিঃসৃত কথাগুলি ছাদের ভিতর  
মেঘ-গর্জনবৎ ধ্বনিত হইতে লাগিল। বিমল বলিল ;—

“তাহা হইলে, কবে যাত্রা করা কর্তব্য ?”

কালী।—যত শীঘ্র পারা যায় ; তবে কাল হইবে না,—পরশু।

বিমল।—উত্তম, তাহা হইলে আপনি মধুসেককে ঠিক  
কারয়া রাখিবেন। সে নাকি ভাল মাঝিগিরি করিতে পারে।

কালী।—সে যাহা করিতে হয়, আমি করিব এখন। আপনার  
কিছু ভাবিতে হইবে না।

যুক্তি স্থির হইলে কালাচাঁদ প্রস্থান করিল। বিমল বিভার  
নিকট গিয়া সব বলিল। বিভা আশীর্বাদ কারল ; তাহার আর  
স্বয়ং অনুসন্ধানে যাওয়া হইল না।

নির্ধারিত দিবসে বিমল ভ্রাতৃ-অন্বেষণে যাত্রা করিল, কালাচাঁদ  
সঙ্গে গেল। মধুসেক হাল ধরিল, দাঁড়ীরা দাঁড় টানিতে লাগিল,  
নৌকা চলিতে লাগিল, সকলে উচ্চকণ্ঠে “বদর বদর” শব্দ  
করিতে লাগিল।

— \* —

## চতুর্থ পরিচ্ছেদ ।

কার্তিক মাস । দিবাকর আকাশের ঈষৎ পশ্চিম-প্রান্তে হেলিয়া পুণ্যতীর্থ হরিনাথের কিরণ ঢালিতেছেন । রাস্তায় শত শত গো-শকট চলিতেছে ; কতক আসিতেছে, কতক যাইতেছে । যেগুলি আসিতেছে, তাহার আরোহিণী মন্দির-দর্শনের আশায় হাঁকি নুঁকি মারিতেছে, কেহ কেহ নামিয়া হাঁটিয়া চলিতেছে, স্ত্রীলোকেরা অবগুণ্ঠন ঈষৎ উন্মুক্ত করিয়া দেখিতেছে ; কেহ দেখিতে পাইতেছে, কেহ পাইতেছে না । কেহ বলিতেছে “এ রে”, কেহ বলিতেছে “কৈ-কৈ”, কেহ হাসিয়া বলিতেছে “আমার চ’খে দেখ” ; কোন পুরুষ কোন স্ত্রীকে পরিহাস করিয়া বলিতেছে “তুমি দেখিলেও যা, আমি দেখিলেও তা” ; কোন যুবক কোন যুবতীর হাত ধরিয়া নিজ অঙ্গুলী-নির্দেশ করিয়া “এ প্রি” করিতেছে, হয় ত সে আদৌ দেখিতে পায় নাই ।

আর শিশুরা ? তাহাদের আমোদ দেখে কে ? কেহ হাঁকি হাঁকি মারিতেছে, কেহ গাড়ী হইতে নামিবার জন্য ছিদ্ করিতেছে, কেহ কেহ বা পিতা মাতার প্রকুল্ল মুখ দেখিয়া আনন্দে করতালি দিতেছে—মায়ের কোলে বসিয়াই নৃত্য করিতেছে—চোঁচাইতেছে । কিছু বুঝিতেছে না, অথচ আশ্রীত-দের আনন্দ দেখিয়া আনন্দ করিতেছে ।

## বিভাবতী

ধন্য শিশু ! তোমরা পবের আনন্দে আনন্দিত হও, পবের  
দুঃখে কাঁদিয়া ফেল ! হায় ! সমস্ত জগৎটা যদি তোমাদের মত  
হইত, তবে ইহা আবণ্ড কত সুন্দর—কত মধুর হইয়া উঠিত !

যে জ্বলি ফিরিয়া যাইতে ছিল, তাহাদের আরোহিণী কিছু  
নিরানন্দ, অবশ্য যাহাদের প্রাণে বিন্দুমাত্র ধন্যভাব ও ভক্তি ছিল ।  
কাব যাহাদের তাহা নাই, তাঁহারা ববং এ বন্ধাটের মধ্য হইতে  
নন্দিত পাঠিয়া কিছু সুখী হইয়াছেন ।—কানার কাছে আলোর  
চেয়ে আধার ভাস ।

মাতীরা প্রায়ই গো-যানে আসিতেছেন, তবে কদাচিৎ কেহ  
কিছু কষ্ট দিতেছেন । 'অবশ্য তাহার সন্তোষজনক  
কারণ আছে,—কেহ গাড়াতে বসিয়া থাকিতে না পারিয়া  
হাটিতেছেন, কেহ অর্গাভাবে, কেহ বা মানসাব ভয়ে ; নহিলে  
সাধ করিয়া কেহ কষ্ট স্বীকার করেন না ।

মাতীরা পদব্রজে আসিতেছিল, তন্মধ্যে নিম্নলিখিত একজন ।  
মাতীরা বাবুর এত পরিবর্তন হইয়াছে যে, যদি আমি ইহার নাম না  
বাঁধনা কেবল বর্তমান শাবিরিক ও মানসিক বর্ণনা করিতাম,  
তাহা হইলে পাঠক-পাঠিকা কখনই চিনিতে পারিতেন না ।  
তাহার দেহে আর সে লাবণ্য নাই, মনে সে ক্ষুধা নাই, মুখমণ্ডলে  
সে যৌবন-সভাব-সুলভ প্রদল্ল শ্রী নাই । বেশ মলিন ; দেহ শীর্ণ  
ও কঙ্কালান্বিত ; পরিধানে ছিন্নবস্ত্র ; চক্ষু ও গণ্ড কোঠরগত ;  
কশ শুষ্ক, তৈলাতীন ও প্লিময় ; উদর পৃষ্ঠসংলগ্ন, মন  
বিসাদময় । কিন্তু তথাপি পূর্বের সৌন্দর্য্যে, ধনীষ ও শুদ্ধ  
একেবারে বিলুপ্ত হয় নাই—প্রচ্ছন্নভাবে অবস্থিতি করি-



ভেছে। এখনও ইঁহাকে ভাল করিয়া দেখিলে ভদ্রসন্তান বলিয়া মনে হয়, এখনও ইনি ছিন্ন ও মলিন বস্ত্রখানি গুছাইয়া পরেন, এখনও চুলগুলি দুইভাগে বিভক্ত হইয়া আছে, এখনও কোন ভদ্রলোকের সঙ্গে কথা কহিতে সঙ্কোচ বোধ করেন না, এখনও অশিক্ষিত, অভদ্র ও নীচ ব্যক্তিদের সঙ্গে মিশিতে পারেন না, এখনও গলদেশে যজ্ঞোপবীত আছে ; তবে তাহা অত্যন্ত মলিন ও ছিন্ন-ভিন্ন।

নিশ্চল আর চলিতে পারেন না, তাহার পা দু'খানি যেন ভাঙ্গিয়া পড়িতেছে, শরীর যেন নিষ্কভার বহনে অক্ষম। অগত্যা তিনি রাস্তার এক পার্শ্বে বসিয়া পড়িলেন, বসিতে তাঁহার অঙ্গ-প্রত্যঙ্গসকল একেবারে এলাইয়া পড়িল। তাঁহার শুইতে ইচ্ছা হইল, কিন্তু কোথায় শুইবেন ? শুইলে শকটবাহী বলদগণ হয়ত পদদলিত করিয়া যাইবে। এতএব তাঁহাকে সে আশায় নিরাশ হইতে হইল। কিন্তু বসিয়াও একটু শান্তিলাভ করিতে পারিলেন না ; সূর্যের প্রথর কিরণসকল অগ্নিবর্ষণবৎ তাঁহার দেহে বর্ষিত হইতে লাগিল ; গো-ক্ষুরোখিত ধূলিসকল বায়ুর সাহায্যে তাঁহার নাকে, কাণে, মুখে, চোখে প্রবেশ করিতে লাগিল ; সর্কোপরি গাড়োয়ানগণের কর্কশ গালাগালি, যাত্রীদিগের কাহারও মধুর, কাহারও কর্কশ, কাহারও শ্লেষব্যঞ্জক বাক্য, পাণ্ডাগণের উৎপাত, মপ্তরথীর বানের মত তাঁহাকে ব্যতিব্যস্ত করিয়া তুলিল। তিনি সহ্য করিতে না পারিয়া উঠিলেন। হাজার হউক, নিশ্চল জমিদারের ছেলে।

উঠিয়া হাটিতে লাগিলেন ; হাটিতে হাটিতে মন্দিরের সমীপ-

## বিভাবতী

বস্তু হইলেন। মন্দিরের দৃশ্য বড় সুন্দর,—পাহাড় কাটিয়া নির্মিত মন্দিরের দুই পার্শ্ব দিয়া ঝর্ ঝর্ করিয়া নিকর ঝরিতেছে,— তাহার জল অতি নির্মল ও সুশীতল। সূর্যের কিরণ-সম্পাতে আরও নির্মল দেখাইতেছে ; নির্মল অত্যন্ত পরিশ্রান্ত, নিকরের শীতল জলে স্নানাহিক করিয়া, অনেকটা পরিতৃপ্ত হইলেন, মন্দিরেগিয়া দেখিলেন,—তন্মধ্যে ভগবানের বরাহমূর্তি বিরাজমান। দেখিবামাত্র তাঁহার প্রাণে ভক্তির সঞ্চার হইল। তিনি যোড়করে জয়দেব-রচিত মধুর স্তোত্র আবৃত্তি করিতে লাগিলেন ;—

“বসতি দশন-শিখরে ধরনী তব লগ্না,

শশিনি কলঙ্ককলেব নিমগ্না,

কেশব ধৃত শূকর রূপ

জয় জগদীশ হরে ।”

নির্মল ভক্তিভরে প্রণত হইলেন !



## পঞ্চম পরিচ্ছেদ ।

নির্মল ভগবানের প্রসাদলাভে পরিতৃপ্ত হইয়া বিশ্রামলাভের জন্য চেষ্টিত হইলেন। তাঁহার অর্থ নাই, সুতরাং কোন পাণ্ডা বা দোকানদার তাঁহাকে আশ্রয় দিল না। অগত্যা তিনি পাহাড়ের সমীপস্থ একখানি শিলার উপর গিয়া বসিলেন এবং মনে

মনে জীবনের অতীত, বর্তমান ও ভবিষ্যৎ বিষয়ক নানাবিধ চিন্তা করিতে লাগিল। ক্রমে সন্ধ্যা হইল, একটীর পর একটা করিয়া উঠিয়া, নক্ষত্রগণ আকাশে মুক্তাশ্রেণীবৎ শোভা পাইতে লাগিল, অল্প অল্প আঁধার হইল, আঁধার ক্রমে গাঢ় হইল, ক্রমে আরো গাঢ় ; তাহার পর একেবারে হরিনাথতীর্থ গ্রাস করিয়া ফেলিল। পাহাড় পর্বত, বৃক্ষলতা, ভগবানের মন্দির পর্যন্ত আঁধারে ভয়ঙ্কর দেখাইতে লাগিল। তখনও নিশ্চল ভাবিতেছিলেন। অতীত-কাহিনীগুলি ছায়াবাজীর মত তাঁহার স্মৃতিপটে প্রতিফলিত হইতে লাগিল। তাঁহার মনে পড়িল,—সেই কৃষ্ণ-কুঙ্কিত-রাশীকৃত-কুল্ললের মাঝে, শৈবালজড়িত অরবিন্দবৎ বিভাবতীর সারল্যরাজত মুখধানি ; তাহার সেই অকৃত্রিম প্রেম, অকপট ভালবাসা, স্বাথ-হীন ভক্তি ; আবার তাহারই সেই নিষ্ঠুরতা, নির্দয়তা, হৃদয়-হীনতা ; সব মনে পড়িল। শিশুপুত্রের মুখ মনে পড়িল, তাহার অর্ধস্মৃৎ অমৃতজড়িত কথাগুলি মনে পড়িল। বিমলকে মনে পড়িল, আরও মনে পড়িল,—তাঁহার বড় আদরের, বড় যত্নের, বড় প্রিয় স্থান জন্মভূমি ; তাঁহার শৈশবের বৃন্দাবন, কৈশোবের যমুনা তট, যৌবনের মধুরাধাম কমলপুর তাঁহার মনে পড়িল। তিনি কত কি ভাবিতে ছিলেন, তাহার অন্ত নাই। ভাবিতে ভাবিতে সহসা তাঁহার তন্দ্রাবেশ হইল, ইন্দ্রিয়সকল অবশ হইল, হস্তপদাদি তাঁহার অজ্ঞাতসারে সেই শিলার উপর লুটাইয়া পড়িল। সুষোগ বুদ্ধিয়া তন্দ্রাও গস্তীর নিদ্রায় পরিণত হইল।

রজনী দ্বিতীয় প্রহরে পদার্পণ করিল, চন্দ্রও অমনি মধুর

## বিভাবতী

হাসিতে হাসিতে পৰ্ব্বতের আড়াল দিয়া প্রকাশ পাইতে লাগিল।  
প্রাণেশের মুখদর্শনে যেমন বিরহিনীর শুকযুখে আপনিই মধুর  
হাসি ফুটিয়া উঠে, যেমন যৌবনের স্মৃতি আপনিই তাহার অঙ্গে  
উথলিয়া যায়, যেমন ম্লান-সৌন্দর্য্য আপনি উদ্ভাসিত হইয়া তাহাকে  
সুন্দরী করিয়া তুলে, সেইরূপ চন্দ্রকে পাইয়া ধরণী আপনা  
আপনিই সৌন্দর্য্যবতী, যুবতী ও হাস্যময়ী হইয়া উঠিল।

অদূরে কৌমুদী-স্নাত পাহাড়সকল সারি সারি শোভা  
পাইতেছে, তদ্গাত্রস্থ নিঝর ও বৃক্ষসকল জ্যোৎস্না মাখিয়া অতি  
সুন্দর দেখাইতেছে, বৃক্ষে সহস্র সহস্র পুষ্প হাসিতেছে ; চন্দ্র কিরণ,  
পুষ্প সৌরভ, পাহাড় শোভা. একত্রে মিশিয়া সে স্থানকে বড়  
শান্তিময় করিয়া তুলিয়াছে ; তৎসঙ্গে আবার নির্জনতা ও  
নিস্তরতা যোগ দিয়া শান্তিকে আরও প্রগাঢ় করিয়াছে। সমস্ত  
প্রান্তর নির্জন ; চন্দ্র করে, পৰ্ব্বতশিখরে, সুন্দরতা স্করিতেছে।  
তবে নিস্তরতা সর্বস্থান ব্যাপী নয় ; নিঝরিনীর কুলু কুলু  
ধ্বনি, বৃক্ষপত্রের সব্ সব্ শব্দ, শিশির পতনের টুপ্ টুপ্  
শব্দব্যতীত আর সব নিস্তর। কিন্তু এই সময়ে আর একটা শব্দ  
শ্রুত হইল ; সে শব্দ অণু কিছু নয়—একটা সুর।

সে সুর কেবিল-কুঞ্জনের মত মিষ্ট নয়, বীণাধ্বনির মত মধুর  
নহে, অথবা বায়স-চীৎকারের মত কৰ্কশ নহে। সে সুর শরৎ-  
কালীন মেঘ-গর্জনবৎ গম্ভীর ও তাল-লয়-বদ্ধ। সুর কোথা হইতে  
আসিতে ছিল, জানি না ; কিন্তু যেখান হইতে আসুক না কেন,  
তাহার গম্ভীর আরাব—প্রান্তর, তরুলতা ও অচল ভূধররাজিকেও  
বিকম্পিত করিয়া আকাশ-মার্গে ছড়াইয়া পাড়িতেছিল।

সুর ক্রমে আরও নিকটে আসিল, আরও গভীর বোধ হইল ;  
তখন তাহার মধ্য হইতে সুন্দর স্তোত্র বাহির হইল ;—

“প্রলয়-জলধি-জলে ধৃত বানসি বেদম্,

বিহিত বহিত্র চরিত্র মখেদম্.

কেশর ধৃত মীন শরীর

জয় জগদীশ হরে ।”

তখন দৃষ্ট হইল. এই গভীর রজনীর কোলে, গভীর সুবসুধা  
বর্ষণ করিতে করিতে, জনৈক সন্ন্যাসী হরিনাথ-মন্দিরের দিক্ দিয়া  
আসিতেছেন । চন্দ্রালোক তাঁহার সর্বাক্ষ বেশ দেখা গাইতেছিল ।  
তাঁহার দেহ সুন্দর, উদর লম্বিত, বর্ণ শুভ্র, মুখমণ্ডল উজ্জ্বল ও শুভ্র  
শুষ্ক-শুষ্ক-শোভিত, ললাট প্রশস্ত ও চন্দনচর্চিত, নয়ন জ্যোতির্ময় ;  
তাঁহার পরিধানে ব্যাঘ্রচর্ম, গলদেশে রুদ্রাক্ষ ও তুলসীর মালা ,  
কঙ্কদেশে একখানি কঞ্চল বিলম্বিত, সর্বাক্ষ ভাষে পরিলিপ্ত ; তাঁহার  
বাম হস্তে কমণ্ডলু, দক্ষিণ হস্তে ত্রিশূল, মুখে সঙ্কীত ; তখনও তিনি  
গাহিতেছিলেন,—

“ক্ষিতি রতি বিপুল তরে তব তিষ্ঠতি পৃষ্ঠে,

ধরনি ধরণ কিণ চক্র গরিষ্ঠে,

কেশব ধৃত কচ্ছপরূপ,

জয় জগদীশ হরে ।”

হটাৎ তাঁহার সঙ্কীত খামিল. নিদ্রিত নির্মলের প্রতি তাঁহার  
দৃষ্টি পড়িল । তিনি সঙ্কীত ছাড়িয়া নির্মলের সমীপবর্তী হইলেন ও  
তাঁহাকে ডাকিলেন । নির্মল জাগিলেন না ; সন্ন্যাসী আবার  
ডাকিলেন, ডাকিতে নির্মলের নিদ্রা ভাঙ্গিল । নির্মল চক্ষুরুন্মীলম

## বিভাবতী

করিবামাত্র সন্তাসীর প্রসান্ত মূর্তি তাঁহার নয়ন পথে পড়িল ;  
তাঁহার বোধ হইল, বুঝি দেবদেব মহাদেব তাঁহার সম্মুখে দণ্ডায়-  
মান । তিনি যোড়করে বিষয়-বিষ্কারিত লোচনে সন্তাসীর মুখপানে  
চাহিয়া রহিলেন । সন্তাসী তাহা বুঝিলেন, বলিলেন ;—

“যুবক ! তুমি বিস্মিত হইতেছে ?”

নির্মল প্রণাম করিয়া বলিলেন ;—

“প্রভু ! আপান কে ?”

সন্তাসী ।—আমি ব্রহ্মচারী, নাম গৌরানন্দ ; তোমাকে  
শিলার উপর নিদ্রিত দেখিয়া আমি আসিয়াছি ।

নির্মল ।—প্রভু ! আমার অর্থ নাই, উচ্ছৃঙ্খল আমাকে কেহ  
স্বয়ং দিল না !

সন্তাসী ।—তুমি আমার অতিথি ; আইস, আমার অনুসরণ  
কর ।

নির্মল কিছুক্ষণ সন্তাসীর মুখপানে চাহিয়া রহিলেন. পরে  
বৃত্তান্ত গদগদ-কণ্ঠে কহিলেন ;—

“দেব ! আপনি দয়ার সমুদ্র । আমি সব ছাড়িয়া সন্তাস-  
ধর্ম গ্রহণের জন্য ব্যাকুল হইয়াছি, আমাকে শিশুদে গ্রহণ  
করুন ।”

তিনি আবার প্রণত হইলেন ।

সন্তাসী ।—পরে বিবেচ্য । আমার আতিথ্য গ্রহণ কর,  
আইস ।

উত্তরে চলিলেন ।



## ষষ্ঠ পরিচ্ছেদ ।

পাহাড়ের উপর সন্ন্যাসীর কুঠীর । কুঠীরখানি দুইভাগে বিভক্ত ; একভাগে রন্ধনাদি কার্য্য সম্পন্ন হয়, অপর ভাগে সন্ন্যাসী পূজাহুিকাদি করেন ও শয়ন করে । সন্ন্যাসী কুঠীর-সমীপে উপস্থিত হইয়া ডাকিলেন ;---

“লক্ষ্মী !”

সহসা দরবার কপাট উন্মুক্ত হইল ও দীপহস্তে লক্ষ্মী বাহির হইয়া আসিল ।

লক্ষ্মী সন্ন্যাসীর পালিতা কন্যা ; লক্ষ্মীর বয়স চতুর্দশ বর্ষ । বালিকা বেশ সুন্দরী ; তবে তাহার সৌন্দর্য্যে কৃত্রিমতা আদৌ নাই, বরং সবিশেষ অযত্ন লক্ষিত হয় । তাহার বেশ সন্ন্যাসিনী-ন্যায়, পরিধানে ব্যাব্রচর্ম্ম, দেহে ভঙ্গুরাশি, মস্তকে অণ্ডলফলম্বিত আপিজ্জল জটাভার, তাহার মধ্যে তাহার ছাইমাথা মুখখানা পাতলা পাতলা মেঘাবৃত শশধরের মত দেখায় ।

লক্ষ্মী গ্রীবদেশে ঈষৎ দক্ষিণে বক্র করিয়া, নিতম্ব ঈষৎ বামে হেলাইয়া, চিবুকে তর্জ্জনী সংলগ্ন করিয়া, দাঁড়াইয়া আদেশ প্রতীক্ষায় সন্ন্যাসীর মুখপানে চাহিয়া রহিল । সন্ন্যাসী বলিলেন ;---

“মা ! ইহার আতিথ্যসংকারের বিধান কর ।”

বালিকা তৎক্ষণাৎ দুইটি মৃগয় পাত্রে করিয়া জল আনিয়া-

## নিভাবতী

দিল। সন্ন্যাসী ও নিশ্চল পদ-প্রক্ষালন করিলেন। তৎপরে সন্ন্যাসী নিশ্চলকে “আইস” বলিয়া কুঠীরে প্রবেশ করিলেন। লক্ষ্মী ও নিশ্চল পশ্চাৎ পশ্চাৎ প্রবিষ্ট হইলেন। নিশ্চল দেখিলেন.—কুঠীরের মাঝখানে একখানি কাঠ নিশ্চিত চৌকি, তদুপরি একটী ক্ষুদ্র শালগ্রাম। পার্শ্বে যুগ্ম পাত্ৰসকলে কঙ্কিত ফল সকল রহিয়াছে, একটী সাজিতে কতকগুলি ফুল রহিয়াছে ; সম্মুখে একখানি কুশাসন।

সন্ন্যাসী সেই কুশাসনে বসিলেন এবং আহাৰ্য্য দ্রব্যগুলি শালগ্রামকে নিবেদন করিয়া দিলেন, তৎপরে লক্ষ্মীর প্রতি চাহিলেন। লক্ষ্মী পাত্ৰসহ ফলগুলি বন্ধন-গৃহে লইয়া গেল এবং দুইখানি আসন করিয়া দিয়া সন্ন্যাসীকে ডাকিল। সন্ন্যাসী নিশ্চলকে ডাকিয়া লইয়া আসনগ্রহণ করিলেন এবং নিশ্চলকে বসিতে ইঙ্গিত করিলেন। নিশ্চল বলিলেন ;—

“গুরুদেব। আমি আপনার প্রসাদ খাইব।”

সন্ন্যাসী কিছু না বলিয়া ভোজনে প্ররম্ব হইলেন এবং খাওয়া শেষ হইলে উঠিয়া গেলেন। লক্ষ্মী ভুক্তাবশেষ ফলগুলি আর একখানি ফলপূর্ণপাত্রে তুলিয়া নিশ্চলকে দিল। নিশ্চল আহাৰে বসিলেন। তিনি অত্যন্ত ক্ষুধার্ত হইয়াছিলেন, ভাবিলেন,—এ ফলগুলি তাহার উদরের এক পাশে পড়িয়া থাকিবে। কিন্তু “যত গর্জে, তত বর্ষে না” ; তাহার উদর পূর্ণ হইল, কিন্তু পাত্ৰ খালি হইল না। নিশ্চল মহা বিপদে পড়িলেন,—সন্ন্যাসীর কুঠীর, ভুক্তাবশেষ কে খাইবে ? তিনি ভাবিতে লাগিলেন। তাহার পর ক্ষোর করিয়া আর এতদঞ্চ ফল মুখগহ্বরে ফেলিয়া



দিলেন এবং ধীরে ধীরে চর্ষণ করিতে লাগিলেন ; কিন্তু রাখেন কোথায় ? উদররূপ মহা গুদামের একটা ঘরও খালী নাই । তিনি কোথাও স্থান না পাইয়া শেষে সেই ক্ষুদ্র বস্তাটীকে গুদামের দরজায় রাখিলেন । কিন্তু আর ত স্থান নাই, পাত্রস্থ বস্তাগুলো কোথায় রাখিবেন ? নিশ্চল ভাবিয়া আকুল হইলেন । লক্ষ্মী তাহা বুঝিল, বলিল ;—

“আপনি কি আর খাইতে পারিতেছেন না ?”

নিশ্চল ধীরে ধীরে বলিলেন ;—

“না ।”

লক্ষ্মী ।—তা যান্, হাত মুখ ধুইয়া ফেলুন গে ।

নিশ্চলের মস্তক হইতে যেন একটা প্রকাণ্ড বোঝা নামিল ।

তান জোর করিয়া একটা নিশ্বাস ছাড়িয়া বলিলেন ;—

“এ সব কি করিব ?”

লক্ষ্মী বলিল ;—

“ওসব থাক্, আমি খাইব এখন ।”

লক্ষ্মীর বিশ্বাস ছিল, অতিথি দেবতা. তাঁহার উচিষ্ট-ভোজনে সে কখনও সঙ্কোচ বোধ করিত না । নিশ্চল বাহিবে গিয়া হাত মুখ ধুইয়া ফেলিলেন ।

সন্ধ্যাসী তখন বাহিরে বসিয়া গাঁজা টিপিতে ছিলেন । নিশ্চল তাঁহার নিকটে গিয়া বসিলেন ; তাঁহার ইচ্ছা ছিল, ভোজনান্তে সন্ধ্যাসীর সাথে দুই একটা বাক্যালাপ করিবেন ; কিন্তু তাহা আর হইল না, অত্যধিক ভোজন করাতে ও দারুণ শীত-পীড়নে তিনি আর বসিতে পারিতেছিলেন না । শয়নের জন্ত ব্যস্ত হইলেন ।

## বিভাবত।

সন্ধ্যাসী ও তা নৃষিতে পাবিয়া লক্ষ্মীকে সম্বোধন করিয়া কঠিন-  
বাক্যে :

“মা ! পাওয়া হইয়াছে ?”

লক্ষ্মী উত্তর কবিল ;

“হঁ, বাবা !”

সন্ধ্যাসী।— নিশ্চলকে একটা বিছানা করিয়া দাও ।

লক্ষ্মী কুর্নিবেত এক পাশে একটা হবিণ-চক্ষু বিছাইয়া দিল।  
সন্ধ্যাসী যে দিব্য জন্তু একটা ব্রাহ্ম-চক্ষু রাখিয়া গেল। নিশ্চল তাহাতে  
শয়ন করিলেন ও যত্নমতো নিদ্রাভুক্ত হইয়া পড়িলেন।  
সন্ধ্যাসী ও লক্ষ্মী পূজাব ঘরে শয়ন করিলেন। এইকপে রাত  
করিতেন।

## সপ্তম পরিচ্ছেদ ।

প্রভাতে গাত্রোথান করিয়া গৌবানন্দ নিৰ্ঝরিণীর নিশ্চল  
জলে স্নানাহ্নিকাদি সমাপন করিয়া কুটীরে ফিরিলেন। নিশ্চল  
তখন কুটীরের সম্মুখস্থ সমতল ক্ষেত্রে বসিয়াছিলেন। সন্ধ্যাসী  
কথা পাড়িলেন ;—

“যুবক ! তোমার অসুস্থতা-নিবন্ধন আমি কাল তোমাকে কিছু  
জিজ্ঞাসা করি নাই। আশা করি, আজ তুমি কিঞ্চিৎ সুস্থ

হইয়াছ ; অতএব আমি তোমাকে কিছু জিজ্ঞাসা করিতে ইচ্ছা করি ।”

নিশ্চল বিনীতভাবে উত্তর দিলেন ,—

“প্রভো ! আদেশ করুন ; আপনার পাবিত্র চরণ-তলে আশ্রয় পাইয়া আমি সম্পূর্ণ সুস্থ হইয়াছি ।”

সন্তাসী জিজ্ঞাসিলেন ;—

“তুমি কে ?”

নিশ্চল ।—আমি পূর্বে কমলপুবের জমিদার ছিলাম

সন্তাসী ।—সে পদ হইতে কিরূপে চ্যুত হইলে ?

নিশ্চল ।—আমি ইচ্ছা করিয়া ত্যাগ করিয়াছি

সন্তাসী ।—কেন ?

নিশ্চল ।—সন্তাস-ধম্ম-গ্রহণের জন্য ।

সন্তাসী ।—তোমার মাতা-পিতা আছেন ?

নিশ্চল ।—না ।

সন্তাসী ।—স্ত্রী-পুত্র ?

নিশ্চল ।—আছে ।

সন্তাসী ।—তাই বন্ধু ?

নিশ্চল ।—আর সব আছে ।

সন্তাসী ।—নিশ্চল ! তুমি কিবিধা যোগ, এখনও তোমার সময় হয় নাই । তোমার অভাবে, তোমার স্ত্রী পুত্র অবিরলভাবে অশ্রু বিসর্জন করিবে ; সে অশ্রু তোমার ধর্মোপাজ্জনের পথে কণ্টকতুল্য হইবে । তোমার অভাবে, তোমার জমিদারী ধ্বংস হইবে, প্রজাগণ দারুণ কষ্টে পাইবে ; তাহাদের সুদীর্ঘ নিশ্বাস,

## বিভাবতী

গভীর আৰ্ত্তনাদ, তোমার তপস্মাঘ বিঘ্ন ঘটাবে। তাই বলিতেছি,  
যুবক ! ফিরিয়া যাও, কর্তব্য কর।

নিশ্চল ।—গুরুদেব ! আমি সে সকল বিষয়ে নিশ্চিত, আমার  
উপযুক্ত কনিষ্ঠ ভ্রাতা জমিদারী পালন করিতে সক্ষম হইবে।

সন্যাসী ।—আর স্ত্রী-পুত্র ?

নিশ্চল ।—আমার কনিষ্ঠ ভ্রাতা তাহাদের ভরণ-পোষণ  
করিবে। সে আমার স্ত্রীকে মাতৃবৎ ভক্তি করে।

সন্যাসী ।—কিস্তি নিশ্চল ! স্ত্রী শুধু ভরণ-পোষণের সঙ্গিনী  
নয়। তোমার অভাবে তার জীবন জ্বালাময় হইবে।

নিশ্চল ।—না দেব ! সে আমায় চায় না।

সন্যাসী তীক্ষ্ণ-দৃষ্টিতে নিশ্চলের মুখপানে চাহিয়া বলিলেন ;—  
“তোমার স্ত্রী তোমাকে চায় না। তবে সে দুশ্চারিনী !”  
তাহার চক্ষু হইতে অগ্নিস্ফুলিঙ্গ বাহির হইতে লাগিল।

নিশ্চল ধীরে ধীরে বলিলেন ;—

“না।”

সন্যাসী ।—তোমার স্ত্রী বুদ্ধিহীনা ! যাক্, তাহা হইলে  
আমি তোমাকে নিশ্চিত মনে দীক্ষিত করিতে পারি।

নিশ্চল সন্যাসীর পদধূলি লইলেন।

শুভদিনে পূণ্যতীর্থ হরিনাথে নিশ্চল সন্যাসধর্ম্মে দীক্ষিত  
হইলেন।

## তৃতীয় খণ্ড ।

### প্রথম পরিচ্ছেদ ।

বিভাবতী কপাট ধরিয়া দাঁড়াইয়া আছে, সম্মুখে তাহার বৃদ্ধা মাতা একখানি চৌকির উপর বসিয়া আছেন । উভয়ে কথাবার্তা কহিতেছেন । বিভা তেজস্বিনী, অথচ বিনীতা ; বৃদ্ধা মর্মপীড়িতা, অথচ ক্রুদ্ধা । বৃদ্ধা বলিলেন ;—

“দেখ্ বিভা ! আমি তোকে দশমাস দশদিন পেটে ধরিয়া মানুষ করিয়াছি, আমার মনে ব্যথা দিস্ না ।”

বিভা বলিল ;—

“মা ! তুমি অন্যায় কথা বলিলে আমি কি করিব, বল ?”

বৃদ্ধা ।—তুই তাহা হইলে যাবি না ?

বিভা ।—মা ! আমি স্বামীর ভদ্রাসন ত্যাগ করিতে পারিব না । স্বামীর ভিটা ছাড়িয়া, স্বামীর অজ্ঞাতসারে বা তাঁহার বিনানুমতিতে আমি বাপের বাড়ী যাইতে পারিব না । পিতা অপেক্ষা পতি অনেক বড় ।

বৃদ্ধা ।—স্বীকার করি ; কিন্তু মা ! তোমার স্বামী যদি উপস্থিত থাকিতেন, তাহা হইলে তাঁহার বিনানুমতিতে যাওয়া তোমার ভাল হইত না । আর এখন তুমি এখানে থাকিলে, তোমার পদে পদে বিপদ ; তোমাদের দেওয়ানজী তোমার প্রতি অনুরক্ত,

## বিভাবতী

একথা আমি বামা ঝিগেব কাছে শুনিযাছি ।

বিভা ।—আমি তাহা পূৰ্ব হইতে জানি ।

রুদ্রা ।—তবুও কেন থাকিতে চাহিতেছ ?

বিভা তেজস্বিনী ভাষায় বলিয়া উঠিল ;—

“মা ! তুমি কি বিবেচনা কর, বিজয় কুমার ভাষায় প্রতি  
অত্যাচার করিবে ?”

রুদ্রা ।—জান, তুমি নারী, আর সে পুরুষ ।

বিভা ।—হটুক পুরুষ, হটুক সে পৃথিবীর সম্রাট, তথাপি  
তাহার—শুধু তাহাব কেন, মন্দাভিপ্রায়ী কোন ব্যক্তির এমন  
সাধ্য নাই, যে, সতীব মথপানে চাহিয়া কথা বলে ।

রুদ্রা ।—তুই পাগল হইয়াছিস্ ।

বিভা ।—মা ! আমি পাগল হই নাই, তুমি ভুল বুঝিতেছ ।  
আমি গর্ভ করিয়া বলিতে পারি যে, যদি আমি এই রকম আলু-  
লায়িত কেশে, ( বিভার কেশ সর্বদা আলুলায়িত থাকিত ) অব-  
গুণ্ঠন-শূন্য-বদনে, স্ফীতবক্ষে, বিজয়ের মত সহস্র সহস্র কামুক,  
লম্পট, ধূর্ত, প্রতারকের সম্মুখে গিয়া দাঁড়াই—একাকিনী দাঁড়াই.  
তথাপি তাহাদের এমন সাহস হয় না যে, আমার একটা কেশও  
স্পর্শ করে !—

বলিতে বলিতে তাহার চক্ষু দিয়া অগ্নিস্ফুলিঙ্গ বাহির  
হইতে লাগিল, ওষ্ঠাধর কাঁপিতে লাগিল, ললাটে ঘর্ম ফুটিল,  
সজোরে নিশ্বাস বহিতে লাগিল । তখন তাহাকে পূর্ণতেজস্বিনী  
রণোন্মাদিনী কালিকামূর্তি তুল্যা ভয়ঙ্করী দেখাইতে লাগিল । বক্ষ  
বিক্ষারিত, বামহস্ত দৃঢ় মুষ্টিবদ্ধ, দক্ষিণ হস্তও মুষ্টিবদ্ধ হইয়া তর্জনী

উত্তোলিত—উত্তোলিত তর্জনা কণ্টকবৎ সরল ও স্থির ; তাহার  
দৃষ্টি অচঞ্চল—সাক্ষ্য নক্ষত্র সম জ্বলিত হইল । দেখিয়া বৃদ্ধা ভীতা  
হইলেন ।

### দ্বিতীয় পরিচ্ছেদ ।

প্রদোশ কাল । আকাশে তৃতীয়ার চন্দ্র হাসিতেছে ; পাশে  
পাশে কতকগুলি মেঘ ভাসিতেছে, মেঘগুলির বর্ণ শুভ্র, অথবা  
চন্দ্র-কিরণ-সম্পাতে শুভ্র বোধ হইতেছে । মেঘগুলি অবিরল  
ভাসিতেছে—বিশ্রাম নাই,—কেবল ভাসিতেছে, ভাসিয়া ভাসিয়া  
সমস্ত আকাশে বেড়াইতেছে, ভাসিয়া ভাসিয়া বৃক্ষলতা ও পাহা-  
ড়ের আড়ালে গিয়া লুকাইতেছে, ভাসিয়া ভাসিয়া চন্দ্রের রশ্মি  
রোধ করিতেছে—পলাইতেছে, আবার অন্য মেঘ আসিতেছে—  
আবার পলাইতেছে । তাহারা যেন চন্দ্রের সঙ্গে লুকোচুর  
পেলিতেছে, অথবা পৃথিবীর উপর হিংসা করিয়া,—সুধাকরের  
সুধাকর-স্পর্শসুখে তাহাকে বঞ্চিত করিবার অভিপ্রায়ে, চন্দ্রকে  
আচ্ছাদন করিয়া ফেলিতেছে । কে বলিবে, তাহাদের ঠিকরূপ  
অভিপ্রায় ?

নিম্নে কলকলববে নিকরিনী বাহতেছিল, জল আন্ত  
নির্ম্মল ; তাহার নিম্মল জলে নক্ষত্র-খচিত, মেঘমালা-মাণ্ডিত,  
শশাঙ্ক-শোভিত, অনন্ত-বস্তুর-নিম্মল-আকাশের নিম্মল-দৃশ্য সকল

## বিভাবতী

প্রতিবিম্বিত হইতেছিল, নিশ্চল কোমুদী-সম্পাতে সিকতা-সজ্জিত-সৈকত-ভূমি তর্ তর্ কাঁপিতেছিল ; সেই নিশ্চল সৈকতে নিশ্চল একাকী বসিয়া আকাশপানে চাহিয়া ভাবিতেছিলেন । ভাবিতেছিলেন—একটা রমণী-মূর্তি ।

সে মূর্তির মুখখানি মেঘমুক্ত শরচ্ছন্দ্রের মত ঢল ঢল করিতেছে,—তাহাতে আবার মধুর হাসি ; চক্ষু দুইটা শিশির-বিধৌত নীল ইন্দীবর-তুল্য ছল ছল করিতেছে,—তাহাতে আবার বিলোল-কটাক্ষ খেলিতেছে ; অঙ্গখানি রসভরে টল টল করিতেছে,—তাহাতে আবার অনিন্দ্য সৌন্দর্য ঝরিতেছে । কি সুন্দর মূর্তি ! নিশ্চল ঘন স্পষ্ট দেখিতেছেন ;—রমণী আবার বিবিধ বেশভূষণে বিভূষিতা ; পরিধানে একখানি নীল সাড়ী—বায়ুভরে ফুর ফুর করিয়া উড়িতেছে ; গলদেশে মুক্তাহার বিলম্বিত, তাহার উজ্জ্বল মধ্যমণি নাভি স্পর্শ করিয়াছে—দুইটা পর্কতের মধ্যস্থ সমতল ক্ষেত্রের উপর দিয়া দুইটা লহরীময়ী নদী বহিয়া অবশেষে মিশিয়া গিয়াছে । মস্তকে পুষ্পখচিত করবী, হস্তে কাঞ্চন-কঙ্কন শোভা পাইতেছে, চরণে বীণা-বিনিন্দিত-স্বরে মল বাজিতেছে ; সর্বোপরি পৃষ্ঠদেশে নীল অঞ্চলখানি মন্দ মন্দ পবন-স্পর্শে মন্দ মন্দ কাঁপিতেছে । নিশ্চলের চিন্তা-চক্ষু অনেকক্ষণ সেই দিব্যলাবণ্যময়ী রমণীর মূর্তি দেখিয়া, পরে তাহার হৃদয়ে প্রবিষ্ট হইল । তখন তিনি দেখিলেন,—সেখানে দয়া নাই, মায়া নাই, প্রেম নাই, ভালবাসা নাই ; আছে শুধু ধর্ম, আর ধর্মের গাঢ় অঙ্ককার—সূচীভেদ্য অঙ্ককার ! কি ভয়ঙ্কর ! নিশ্চল চমকিয়া উঠিলেন, দৃষ্টি নত করিলেন, গণিতে পাইলেন,—“দাদা !”



নির্মল ফিরিয়া দেখিলেন, পশ্চাতে দাঁড়াইয়া লক্ষ্মী ডাকি-  
তেছে ; বলিলেন ;—

“কি ?”

লক্ষ্মী । তোমাকে এত ডাকিতেছি, শুনিতো পাও নাই ?  
কি ভবিতোছিলে ?

নির্মল একটু লজ্জিত হইলেন, বলিলেন ;—

“ও কিছু নয় ; কি করিতে হইবে ?”

লক্ষ্মী । বাবা ডাকিতেছেন ।

এই বলিয়া বালিকা প্রস্থান করিল, নির্মল পশ্চাৎগামী হই-  
লেন । তখনও সে যুক্তিধানি তাঁহার মনে বিরাজ করিতেছিল—  
সেই অন্ধকার !

পাঠক ! যুক্তিধানি কাহার ?

নির্মল গৌরানন্দের সমীপে উপস্থিত হইয়া, তাঁহার পাদবন্দনা  
করিলেন, সন্তাসী “জয়হৃদয়” বলিয়া কহিলেন ;—

“নির্মল ! তাহা হইলে তল্লা-তল্লাগুলো বাঁদিয়া লও ।”

নির্মল বিস্মিতভাবে বলিলেন ;—

“কিসের জন্ত গুরুদেব ?”

সন্তাসী । তুমি কি গঙ্গাসাগর যাইবার কথা ভুলিয়া গিয়াছ ?

নির্মল লজ্জিত হইয়া বলিলেন ;—

“হাঁ, আমি তাহা ভুলিয়া গিয়াছিলাম ।”

সন্তাসী মনে মনে বলিলেন ;—

“ইহাতেই তোমার ধর্ম্মানুরাগ সহজেই অনুমিত হইতেছে ;  
বাক্য, যখন দীক্ষিত করিয়াছি—”

## বিভাবতী

পরে প্রকাশ্যে কহিলেন ;—

“তা এখন বাঁধিয়া-টাঁধিয়া বাথ ; কাল অতি প্রত্যুম্ভৈ যাত্রা করিতে হইবে।”

নির্ম্মল “যে আজ্ঞা” বলিয়া কুটীর-মধ্যে প্রবেশ করিলেন। তিনি চলিয়া গেলে সন্তাসী লক্ষ্মীর প্রতি চাহিয়া বলিলেন :—

“নির্ম্মলের ধর্ম্মান্তুরাগটা দেখিলে ?”

লক্ষ্মী বলিল ;—

“আমার বোধ হয়, মনোকষ্টে এ পথ ধরিয়াছে।”

সন্তাসী। কষ্টে নয়—রাগে, কষ্ট হইতেও ভক্তি জন্মাতে পারে। আমার বিশ্বাস,—স্ত্রীর সঙ্গে ঝগড়া করিয়া, রাগে এ পথ ধরিয়াছে ; কেন না, সেদিন আমায় বলিয়াছিল, — “স্ত্রী আমাকে চায় না” যাহাই হউক, এখন উহার মতি বাহাতে ধর্ম্মপথে চলে, সে বিষয়ে যথেষ্ট প্রয়াস পাঠাতে হইবে।

এই বলিয়া সন্তাসী একটি দীর্ঘ-নিশ্বাস ছাডিলেন, পরে লক্ষ্মীকে কহিলেন ;—

“যাও, তুমিও সব যোগাড় করিয়া লও গিরে।”

লক্ষ্মী চলিয়া গেল এবং নির্ম্মলের সহিত মিলিত হইয়া ব্যবহারোপযোগী দ্রব্যাদি বাঁধিয়া লইল।

পরদিন অতি প্রত্যুষে তিনজনে হাঁটিতে লাগিলেন।

—\*—

## তৃতীয় পরিচ্ছেদ ।

ক্রমাগত কয়েক দিবস হাটিয়া হাটিয়া—গৌরানন্দ সশিষ্ঠা  
শ্রামনগরে পৌঁছাইছিলেন । তখন দিবা তৃতীয় প্রহবে পদার্পণ  
করিয়াছিল । গৌরানন্দ শিষ্ঠদ্বয়েব মুখ চাহিয়া বলিলেন ;—

“তোমাদের কি কষ্ট হইতেছে ?”

তাঁহার বাক্য শেষ না হইতে লক্ষ্মী বলিল ;—

“না ।”

নির্মলের অত্যন্ত কষ্ট বোধ হইতেছিল, কিন্তু কোন কথা  
কহিলেন না । আর কোন্ মুখেই বা কহিবেন ? একটা কোমল-  
প্রাণা বালিকা এক নিশ্বাসে বলিয়া ফেলিল,—“না” ; আর  
পুরুষ---যুবা পুরুষ হইয়া তিনি কিরূপে “কষ্ট” শব্দ মুখে আনবেন ?

সন্ধ্যাসী নির্মলের মুখ চাহিলেন, নির্মল বদন অবনত করিলেন,  
সন্ধ্যাসী তাঁহার মনোভাব বুঝিয়া মৃদু হাসিয়া বলিলেন ;—

“নির্মলের বোধ হয়, একটু কষ্ট হইতেছে ? আচ্ছা আজ  
এই ধানেই আশ্রয় লওয়া যাক, ঐ বটতলায় চল ।”

অনন্তর তিনজনে সেই বটবৃক্ষের ছায়ায় গিয়া বাসিলেন ।  
কিছুক্ষণ বিশ্রাম করিয়া সন্ধ্যাসী লক্ষ্মীকে কহিলেন ;—

“লাক্ষ্ম ! তুমি এখানে বাসিয়া থাক, আমরা গঙ্গাস্নান করিয়া  
আসি ।”

নির্মল একটু বিস্মিত ও ক্রুদ্ধ হইয়া কহিলেন ;—

“একা স্ত্রীলোক রাস্তার উপর বাসিয়া থাকিবে ?”

## বিত্তাবতী

সন্তাসী মৃদু হাসিয়া উত্তর করিলেন ;—

“তাহা যদি না পারিবে, তবে উহার যাবতীয় তপ-যপ বৃথা ।  
কেননা সন্তাসধর্ম্মে ভয় ও অবিশ্বাস থাকিতে পারে না । এধর্ম্মে  
মৃত্যুকেও ভয় করিতে নাই, কৃতঘ্নকেও বিশাস করিতে হয় ।”

নির্ম্মল কহিলেন ;—

“কিন্তু বিশ্বাসে অনেক বিপদের সম্ভবনা ।”

সন্তাসী একটু ক্রুদ্ধ হইয়া কহিলেন ;—

“নির্ম্মল ! দেখিতেছি, তোমাকে দীক্ষিত করিয়া আমি  
সন্তাসধর্ম্মের অবমাননা করিয়াছি । আমি তোমাকে কতবার  
বলিয়াছি যে, এ ধর্ম্ম ভেদাভেদ-শূন্য, সুখ-দুঃখ সমজ্ঞান করিতে  
হইবে, সম্পদ-বিপদ সমজ্ঞান করিতে হইবে । কিন্তু আমার  
উপদেশ তোমার মনে স্থান পায় নাই, তোমার ভেদবুদ্ধি আদৌ  
ঘুচে নাই । তুমি এখনও বিপদের ভয় কর !”

নির্ম্মল মূর্খনত করিয়া রহিলেন, মনে মনে বলিলেন ;—

“ভেদবুদ্ধি কি ঘুচে ? কেমন করিয়া ঘুচাইব ?”

সন্তাসী যেন তাহার মনের কথা বুঝিয়া বলিলেন ;—

“ভেদবুদ্ধি ঘুচাইতে প্রয়াস পাইতে হয় না, আপনিই ঘুচে ।  
বাহার হৃদয়ে ঐশ্বরিক প্রেম আছে, তাহার ভেদবুদ্ধি আপনিই  
ঘুচিয়া যায় । কিন্তু যখন আমার উপদেশ সবেও তোমার ভেদবুদ্ধি  
ঘুচে নাই, তখন বুঝলাম, তোমার ঐশ্বরিক প্রেম এককালেই  
নাই ।”

নির্ম্মল সব শুনিলেন, কিছু বলিলেন না, মনে মনে ভাবিতে  
লাগিলেন ;—

“সত্য কথা, আমার ঐশ্বরিক প্রেম নাই। কোথায় থাকিবে ?  
হৃদয়ে ?—হৃদয় ত বিভার প্রেমে পরিপূর্ণ।”

আমি বলিতেছি—মিথ্যা কথা, তোমার হৃদয়ে আদৌ  
প্রেম নাই। তোমার ক্ষুদ্র হৃদয় লিপ্সায় আর ক্রোধে পরিপূর্ণ।  
তুমি যাহাকে প্রেম বলিতেছ,—সে লিপ্সা, তুমি যাহাকে কষ্ট  
বলিতেছ,—সে লিপ্সাজনিত ক্রোধ। নিশ্চল ! তুমি বড় নিবুদ্ধি !

কিছুক্ষণ পরে সন্ন্যাসী বলিলেন ;—

“আইস।”

নিশ্চল তাঁহার পশ্চাদনুসঙ্গ হইলেন। স্নানান্তে উভয়ে গ্রামে  
ভিক্ষায় চলিলেন।

— \* —

### চতুর্থ পরিচ্ছেদ।

এদিকে লক্ষ্মী বটতলায় বসিয়া গুন্ গুন্ করিয়া গান গাইতে-  
ছিল, নির্নিমেষ নয়নে প্রকৃতির সৌন্দর্য্য দেখিতেছিল, আর একাগ্র-  
চিন্তে ভাবিতেছিল ; সে ভাবনা সন্ন্যাসীর বিন্ধের জন্ত নয়,  
নিশ্চলের জন্ত নয়, তন্নাতন্নার জন্ত নয়। ক সে ভাবনা,—  
জানি না।

ক্রমে দিবা আরও অবসান হইয়া আসিল, পৃথিবী আরও  
সৌন্দর্য্যবৃত্তী হইল, আকাশ মণ্ডল বিহঙ্গম-কল-কণ্ঠে আরও মুখরিত

## বিভাবতী

হইয়া উঠিল, লক্ষ্মীর প্রকৃতিক দর্শন-বাসনা আরও বলবতী হইল । লক্ষ্মী বসিয়াছিল, উঠিল, ধীরে ধীরে হাটিতে লাগিল । তখন তাহার দৃষ্টি বিশ্বসৌন্দর্যের উপর ভাসিতে লাগিল, শ্রবণ স্বভাব-সঙ্গীতে মজ্বিতে লাগিল, মন কি এক অভিনব ভাবমাগরে ডুবিতে লাগিল ।

লক্ষ্মী হাটিতেছিল,—কোন পথ দিয়া নয়, বরাবর শোভা,—নব বর্ষিত ভূমির উপর দিয়া । ক্ষেত্রের বড় বড় লোষ্ট্রসকল তাহার পদে আঘাত করিতে লাগিল, সে দিকে দৃকপাতও নাই । কণ্টকবৃক্ষসকল তাহার ব্যাব্রচর্ম্ম ধরিয়া টানিতে লাগিল, সে দিকে লক্ষ্য নাই । বড় ছোট গুল্ম পরিখাসকল তাহার সম্মুখে পড়িতে লাগিল, সে পার হইয়া চালাতে লাগিল, দুইএকবার পড়িয়াও যাইতে লাগিল, কিন্তু তথাপি অনরস্ত হয় না. উঠিয়া আবার চলে—ধীরে ধীরে দোঁধতে দোঁধতে আবার চলে । কিয়দূর-পরে সে দেখিতে পাইল,—সম্মুখে নির্মল-সলিলা স্রোতগিনী গঙ্গা নাচিতে নাচিতে চলিতেছে, আকাশের বিমল আভা লহর নর্তনের সঙ্গে তাহার হৃদয়ে নাচিতেছে, অস্তগতপ্রায় অংশুমানের প্রাতীচ্ছবি লম্বিত ভাবে তাহার তলদেশ স্পর্শ করিয়া খেলিতেছে, তীরস্থ বৃক্ষলতা গুলি ছাঁকি মারিয়া সে দৃশ্য দেখিতেছে ।

লক্ষ্মী পশ্চাৎ ফিরিয়া দোঁধল,—আকাশ ও ভূমির মধ্যে শ্রামল বৃক্ষসকল,—তাহাদের মাথার উপর—দুই একটা পত্র অথবা প্রশাখার আড়ালে পূর্ণকল-চন্দ্র দেখা যাইতেছে । চন্দ্র হাসিতেছে না, জ্যোৎস্না ঢালিতেছে না, কিরণ ছড়াইতেছে না, কেবল একখানা ছাইমাথা স্বর্ণখালার মত আকাশে দৃষ্ট হইতেছে ।

ক্রমে সূর্য্য যত রক্তের আড়ালে লুকাইতে লাগিল, চাঁদ তত উপরে উঠিতে লাগিল, তত সুন্দর বোধ হইতে লাগিল, তত কিরণ ঢালিতে লাগিল, তত হাসিতে লাগিল। পৃথিবী তত কোয়দামরী হইতে লাগিল, গঙ্গার জল তত সুরঞ্জিত হইতে লাগিল, লক্ষ্মীর প্রাণ তত পুলোকিত হইতে লাগিল। লক্ষ্মী আত্মহাৰা হইয়া মধুস্বরে আৰ্জিত করিতে লাগিল ;—

“কে তুমি, এই অখিল-অনন্ত

সৃজেছ সৃষ্টির বিশ্ব ?

কে তুমি, এই ব্রাহ্মাণ্ড বেড়িয়া

দিয়াছ এতেক দৃশ্য ?

কে তুমি, এই সুনীল অম্বর

রেখেছ পড়িয়া শূণ্যে ?

কে তুমি, জল-অনিল সৃজেছ

ভুবন-পালন জগে ?

বলিতে বলিতে বালিকা কাঁদিতে লাগিল। তাহার জলজ্বা বিশাল নয়ন দু'টি একটা নক্ষত্রে ন্যস্ত ছিল। যেন সে—সেই নক্ষত্রলোকে সেই অখিল-অনন্ত-বিশ্বের শ্রষ্টাকে প্রত্যক্ষ করিতেছে।

“কে তুমি, ভবে দানিতে আলোক

সৃজেছ কিরণ মালী ?

কে তুমি, গাঢ় হরিত বরণে

রঞ্জেছ পাদপাবলী ?

কে তুমি, স্থলে, কান্তারে, সলিলে,

দিয়াছ এতেক বিভা ?

## বিভাবতী

কে তুমি, ঘন-হৃদয়ে খেলাও

অস্থির অস্থির-প্রভা ?

তখন সূর্য্য একেবারে বিলীন হইয়া গিয়াছিল, চন্দ্র বাধাহীন হইয়া হাসিতেছিল, ধুব স্নিগ্ধ কিরণ বিকীরণ করিতেছিল, ধুব আলোক দিতেছিল ! তাহার সোহাগে বায়ু মৃদু মৃদু বহিতেছিল, ভীরু বৃক্ষসকলে কুসুম হাসিতেছিল, লক্ষ্মীর অধরে হাসি ফুটিতেছিল ।

“কে তুমি, দে'ছ কুসুমে সৌন্দর্য্য

এত কোমলতা-বাস ?

কে তুমি, সৃষ্টি' সৌম্য শশধর

দিয়াছ মধুর হাস ?

কে তুমি, নীল আকাশ করেছ

ধচিত তারকাপুঞ্জ ?

কে তুমি, সদা কাকলী-অমিয়

চালিছ সুন্দর কুঞ্জ ?

লক্ষ্মী তখন তন্ময়ী ; তাহার নীলেন্দীবর-তুল্য নয়ন-যুগল হইতে অবিরল ধারে অক্ষ পতিত হইয়া কপোল ও বক্ষস্থল প্লাবিত করিতে ছিল, অক্ষধারের সঙ্গে সঙ্গে অপাঙ্গ হইতে এক অপূৰ্ণ স্নিগ্ধ জ্যোতিঃ বাহির হইতেছিল ; হৃদয় সেই অনন্তময়ের প্রেমে পুরিয়া গিয়াছিল । সে প্রেম প্রশান্ত মহাসাগরের মত প্রশান্ত, অপার, অতলস্পর্শ ।

“কে তুমি, দাও যথাক্রমে

প্রভাকরে প্রধরতা ?



কে তুমি, দাও নিশিথ নিশায়  
নীরবতা-ভীষণতা ?  
কে তুমি, তোমা চিনিতে পারি না,  
ডুবেছি অজ্ঞতা-জলে ;  
যে হও, রাখ তুলিয়া আমায়,  
তোমার চরণ-তলে ।”

বালিকা সেই নব শম্পাশ্যামলা তটভূমিব উপর বিলুপ্তিত হইয়া  
পড়িল ।

পাঠক ! আমাদের চক্ষে তটভূমি—তটভূমি, লক্ষ্মীর কাছে  
বিশ্বপতির চরণ । লক্ষ্মী কবিতা আরুতির সঙ্গে সঙ্গে সেই  
সর্বশ্রষ্টার মোহনযুক্তি কর্তব্য করিতেছিল । সে যেন দেখিতে-  
ছিল,—সেই সর্বদাতা, সর্বশ্রষ্টা, সর্বময়, তাহার সম্মুখে দাঁড়া-  
ইয়া । সে তাহার পদতলে লুটাইয়া কহিল ;—

“যে হও, রাখ তুলিয়া আমায়  
তোমার চরণ-তলে ।”

তখন বিশ্বজগতের সমস্ত দৃশ্য তাহার চক্ষু হইতে নির্ক্ষাসিত  
হইল ; সমস্ত অঙ্গপ্রত্যঙ্গ অবশ হইয়া আসিল. ঋপুগণ তাহার হৃদয়  
হইতে অন্তর্হিত হইল । তাহার জ্ঞান গেল, বুদ্ধি গেল, চৈতন্য  
গেল, তাপ গেল, সুখ গেল, দুঃখ গেল, সব গেল ; রহিল,  
শুধু প্রেম—অবারিত প্রেম । সে প্রেম-গদগদকণ্ঠে কহিতে  
লাগিল ;—

“যে হও, রাখ তুলিয়া আমায়  
তোমার চরণ-তলে ।”

## বিশাবতী

ক্রমে সে নিদ্রিত হইয়া পড়িল, নিদ্রা ঘোরেও কহিতে লাগিল,—

“যে হও, রাখ তুলিয়া আমার

তোমার চরণ-তলে।”

সে নিদ্রা-ঘোরেও সর্বশ্রষ্টাব সেই মূর্তি দেখিতে লাগিল।  
মূর্তি যেন তাহার নুখপানে চাহিয়া য়হ য়হ হাসিতেছেন, লক্ষ্মী  
নাহার পদতলে পড়িয়া কাঁদিয়া কাঁদিয়া কহিতে লাগিল ;—

“যে হও, রাখ তুলিয়া আমার

তোমার চরণ-তলে।”

সে মূর্তি কিশোর বয়স পুরুষের। পুরুষ সৌন্দর্যের অপেক্ষা  
সুন্দর, শান্তির অপেক্ষা শান্ত, জ্যোতির অপেক্ষা জ্যোতির্ময়,  
অথচ অগতের অপেক্ষা বিরাট, আকাশের অপেক্ষা অসীম,  
বায়ুর অপেক্ষা অনন্ত। অনেকক্ষণ পরে সেই পুরুষ লক্ষ্মীর  
বাহু-বুগল ধরিয়া উঠাইলেন—কি কোমলস্পর্শ! পরে দুই বাহু  
প্রসারিত কারয়া লক্ষ্মীকে আলিঙ্গন করিলেন। তখন সেই  
বাবাট্ পুরুষ ধীরে ধীরে তাহার হৃদয়ে মিশিতে লাগিলেন, মিশিতে  
মিশিতে বলিলেন,—

“দেখ ভক্তির অপেক্ষা আমি কত ক্ষুদ্র।”

তাহার পর সেই পুরুষ একেবারে লক্ষ্মীর হৃদয়ে বাসিয়া  
গেলেন ; লক্ষ্মীর চেতনা হইল।

লক্ষ্মী অনেকক্ষণ ধরিয়া স্বপ্ন দেখিয়াছিল, কেন না, যখন  
তাহার নিদ্রা ভাঙিল, তখন চাঁদ মাথার উপর,—সমস্ত পৃথিবী  
নিশ্চল। বালিকা জাগিয়া উঠিয়া দাঁড়াইল, চোখ মুছিল, স্বপ্ন  
ভাবিতে লাগিল, পরে আকাশের পানে চাহিল, বুঝিল—রাত্রি

অনেক হইয়াছে। তাহাব পব নদীব প্রাতি দৃষ্টিপাত করিল, চন্দ্র মাথার উপর থাকায় নদীব সমস্ত দৃশ্য তাহার দৃষ্টি-গোচর হইল। নদীব প্রাতি দৃষ্টিপাত করিবামাত্র তাহাব গাএ রোমাঞ্চিত হইয়া উঠিল, দেখিল,—সে যে তীব দাঁড়াইয়া আছে, সেই তীব ধবিয়া একটা শব্দ ভাসিয়া যাইতেছে। চন্দ্রালোক নিরীকরণ করিয়া বুঝিল,—সে প্রকৃত শব্দ নয়, অর্থাৎ মরিয়া যায় নাই। লোকটী নিঃশব্দ হস্ত পদ অঙ্গ অঙ্গ নাড়িতেছে, সরলা বালিকাব হৃদয়ে অমনি দয়ার সাগর উধালিয়া উঠিল, সে দয়ার আতিশয়ো বাহু-জ্ঞান-শূন্য হইল।—

“মা গঙ্গা!”

জল দুইদিকে ছাড়াইয়া পড়িল।

### পঞ্চম পরিচ্ছেদ।

দ্ব্যাত্ম-পুলোকিত পদ্মাবক্ষে অনেকগুলি তদবধী ভাসিতেছিল। তন্মধ্যে একখানি সুসজ্জিত নৌকান মন হইতে কে বলিল ;—

“মধুশেক ! নৌকা ভিড়াও।”

মধুশেক মাঝিগণি করিতে ছল সে বলিল,—

“কেন বাবু ?”

## নিভানতী

কালার্টাদ বলিল ;—

“ভাত খাবে না ?”

মধুশেক বলিল ;—

“হাঁ বাবু ! খেতে হবে, বড় ক্ষিদে পেয়েছে ।”

এই বলিয়া নৌকা তীরে লাগাইল ।

মধুশেক, দাঁড়ী চুইজন ও অন্যান্য ভৃত্যসকল, সকলে ভাত খাইতে গেল । বিমল নৌকার ছাদের উপর বসিয়া পান চব্বাইতে লাগিল ; কালার্টাদ তামাক টানিতে টানিতে বিমলের পাশে গিয়া বসিল । টানের সঙ্গে সঙ্গে তাহার সঙ্গীত কাঁপতে লাগিল, বুক ঢুক ঢুক করিতে লাগিল, মুখ স্নান হইল । কেন এরূপ হয় ?

অনেকক্ষণ পরে তাহার মুখে কিঞ্চিৎ সাহসের চিহ্ন, কিঞ্চিৎ গর্ভের চিহ্ন দেখা গেল ; কিন্তু হর্ষের চিহ্ন কুটিল না, অথবা ভয়ের চিহ্ন একেবারে লুপ্ত হইল না । কালার্টাদ কম্পিত হস্তে বিমলকে হুকু দিল, বিমল হুকু গ্রহণ করিলে বলিল ;—

“ছোছনার রাত কি সুন্দর !”

তাহার অধরে-হাসি বিকশিত হইল, কিন্তু স্নান হাসি । বিমল কোন উত্তর দিল না, কারণ সে কিরূপে অগ্রজের সন্ধান পাইবে, তাহা চিন্তা করিতেছিল । কালার্টাদও আর কিছু না বলিয়া হালচাদে গেল ও হাল ধরিয়া হাস্যমুখে বলিল ;—

“দেখি, বাইতে পারি কি না ।”

বিমল বলিল ;—

“আপনি বৃষ্টি আর কাজ পাইতেছেন না ।”

কালচাঁদ উত্তর দিল না, হাল বাহিতে লাগিল ; কিন্তু নৌকা চলিল না, ঘুরিতে লাগিল । হটাৎ তাহার মনে হইল যে, নোঙ্গর তোলা হয় নাই । কালচাঁদ তাড়াতাড়ি গিয়া নোঙ্গর তুলিয়া আবার হাল ধরিল ও নৌকা গঙ্গার মাঝখানে লইয়া গেল, মাঝীরা ধাইতে খাইতে হাসিতে লাগিল । কালচাঁদ কথা কহিল না, কি ভাবিতে ভাবিতে বাহিতে লাগিল ।

কালচাঁদ কি ভাবিতেছিল, তাহা বুঝা বড় কঠিন । তাহার মুখখানা কখনও স্নান হইতেছিল, কখনও ঈষৎ চর্ষয়ুক্ত হইতেছিল ; বুক কখনও হুরু হুরু কবিত্তেছিল, কখনও ঈষৎ স্থির হইতোছিল ; হাল কখনও খুব জোরে জল ঠেলিতেছিল, কখনও জলে আঘাত করিতেছিল কিনা সন্দেহ ; নৌকা কখনও ঘুরিয়া যাইতেছিল, কখনও ঠিক চলিতেছিল । কে জানে, কেন এরূপ হয় ।

কিছুক্ষণ পরে সে অক্ষুটস্বরে “যা থাকে বরাতে” বলিয়া একদম হাল ছাড়িয়া ছাতের উপর গেল, নৌকা ঘুরিয়া গেল, মাঝীরা হাসিল, বিমল ভীত হইল ; বলিল ;—

“হাল ছাড়িয়া দলে কেন ?”

কালচাঁদ কম্পিত কণ্ঠে বলিল ;—

“একটু তামাক খাইয়া নিই ।”

বিমল হঁকা দিয়া শুইতে যাউবে, এরূপ অভিপ্রায়ে উঠিয়া দাঁড়াইল, হঁকা দিতে গেল ; কালচাঁদ হঁকা না লইয়া, তাহার গলা ধরিয়া সঙ্গে একটা ধাক্কা দিল ; বিমল জলে পড়িয়া গেল ; গঙ্গা ছিঁড়া হইয়া তাহাকে গ্রাস করিয়া ফেলিল ; ভয়ে চন্দ্র, নক্ষত্র, আকাশ, নৌকা, বৃক্ষ, গঙ্গার জলে কাঁপিতে লাগিল ; মাঝীরা

## বিভাবতী

চীংকার করিয়া উঠিল ; চাকরেরা ছুটিয়া আসিল ; কালাচাঁদ চীংকার করিয়া কাঁদিয়া ফেলিল ; একটা মহা গোলযোগ পড়িয়া গেল ।



### ষষ্ঠ পরিচ্ছেদ ।

রাত্রি ষষ্ঠ দ্বিতীয় প্রহর অতীত, সেই সময়ে কয়েকজন ধীবর পক্ষায় জাল পাতিয়া মাছ ধরিতেছিল । সহসা তাহাদের জালে মড়ার মত কি একটা ভাসিয়া আসিয়া বাধিল । জালে মড়া বাধিতে দেখিয়া ধীবরগণ বড় দুঃখিত ও বিরক্ত হইল । একজন তাহার নিকট নৌকা লইয়া গিয়া, একখানি বাশ দিয়া মড়াটি ঠেলিতে লাগিল, তাহাতে মড়াটি যেন একখানা হাত ঈষৎ উন্নত করিল, তদৃষ্টে একজন বৃদ্ধ ধীবর কহিল ;—

“ওরে দেখনা, বুঝি জ্যান্ত আছে মড়াটা ।”

বৃদ্ধের কথা শুনিয়া বংশধারী ধীবর কহিল ;—

“বুড়ো হ'লে বাহাস্তুরে হয়, মড়া কখনও জ্যান্ত থাকে ?”

সে পুনর্বার বংশদণ্ড-দ্বারা ঠেলিতে লাগিল, মড়াটি সেই বাশ দ্বারা ধরিল ।

নিকটে বসিয়া একজন ধীবর দেখিতেছিল, সে চীংকার করিয়া বলিল ;—

“ওরে ছটোরে, ছটো !”

বুদ্ধ কাতরভাবে বলিল ;—

“দেখ্, না তুলে বাপুসকল ! ঐ হাত নাড়ছে । আহা  
পুঁজি লাগতে পড়ে গেছে, এখনও মরেনি ; তোন্, তোন্ ।”

বংশধারী ধীবর ত্রুঙ্ক হইয়া কহিল ;—

“এই তুলি,—যদি জ্যাস্ত না হয়, তোমাকেও ওদের সঙ্গে বেঁধে  
কলে দেব ।”

দযাদ্রুচিস্ত বুদ্ধ কহিল ;—

“আচ্ছা, দিস্, দিস্ ; তুই আগে ওদের তোন্ ।”

তখন দুইজন টানাটানি করিয়া মড়া দুইটাকে নৌকার উপর  
হুলিল ।

এই মড়া দুইটী যে লক্ষ্মী ও বিমল, তাহা বোধ হয় পাঠক  
বুঝিয়াছেন । কালান্দে বিমলকে ফেলিয়া দিলে সে ভাসিতে  
ভাসিতে আসিতেছিল, লক্ষ্মী শুদ্ধ, ষ্টে দয়া-পরবশ হইয়া তাহাকে  
উদ্ধারার্থে জলে ঝাঁপ দিয়াছিল ; কিন্তু কৃতকায্য হয় নাই । পরন্তু  
উভয়ে ভাসিতে ভাসিতে জালিয়ার জালে বাসিয়াছিল ।

বুদ্ধ তৎক্ষণাৎ মড়া দুইটীর বুকে হাত দিয়া দেখিল, বালিকার  
বেশ নিখাস বহিতেছে, তবে বালকের খুব ক্ষীণভাবে । বুদ্ধ  
তাহার জিহ্বায় হাত দিয়া দেখিল, কিছু উষ্ণতা বোধ হয় । সে  
বলিল ;—

“শিয়্ব ধীরে লা কিনারায় নিয়ে চল ।”

ধীবরগণ তাড়াতাড়ি নৌকা কূলে নিয়া গেল, নদীর কূলেই  
বুদ্ধের কড়ী । সকলে ধরাধরি করিয়া মড়া দুইটাকে বন্ধের  
বাড়ী নিয়া গেল । বুদ্ধ কতকগুলি পাতালতা লোগাড়ে

## বিভাবতী

করিয়া আঙুন করিল এবং আঙুনে তাহাদিগকে সঁকিতে লাগিল ; সঁকিতে সঁকিতে কাতরস্বরে বলিল ;—

“আহা ! এই পোষ মাসের দিনে জলে পড়িয়া বাছারা কি কষ্টই পাইয়াছে !”

আঙুনের উত্তাপে লক্ষ্মীর চেতনা হইল, হাত পা নাড়িতে লাগিল, চক্ষুরুন্মীলন করিল ও বৃদ্ধের প্রতি চাহিয়া স্মীণস্বরে জিজ্ঞাসিল ;—

“আমি কোথায় ?”

বৃদ্ধ বলিল ;—

“আমার বাড়ীতে ।”

লক্ষ্মী কিয়ৎক্ষণ নীরবে ভাবিতে লাগিল, ভাবিতে ভাবিতে সে পূর্বস্মৃতি ফিরিয়া পাইল । তখন তাহার সমস্ত অবসাদ দূবে গেল, দেহ সবল হইল, মনঃ প্রফুল্ল হইল । সে উঠিয়া বসিল । তখন বৃদ্ধের সহিত মিলিয়া বিমলের শুশ্রূষা করিতে লাগিল ।

---

## সপ্তম পরিচ্ছেদ ।

প্রদোষকালে উদ্ভানমধ্যস্থ সরোবর-তীরে বিভাবতী পদচারণা করিতেছিল । এমন সময়ে উদ্ভাস্ত ভাবে বিমলা তথায় উপস্থিত হইয়া ডাকিল ;—

“বিদি !”



স্বর তীক্ষ্ণ, কম্পিত ও আন্তরিক যাতনাপূর্ণ।

বিভা উত্তর দিল ;—

“কি ?”

বিমলা পূর্ববৎ-স্বরে কহিল ;—

“তোমাকে আমার স্বামীর উপপত্নী হইতে হইবে।”

বিভা ক্রকুঞ্চিত করিয়া, তাহার যুথপানে চাহিয়া বলিল :—

“বিমলা !”

বিমলা বলিল ;—

“ভনিতে চাই না ; পারিবে কি না বল।”

বিভা ।—যদি বলি ‘না’ ?

বিমলা ।—সম্মুখে ভগিনী হতা। দেখিতে হইবে।

বিভা অনেকক্ষণ ভাবিয়া বলিল ;—

“আচ্ছা, তাঁহাকে পাঠাইয়া দাও।”

বিমলা ক্ষুণ্ণপদে উদ্যান হইতে প্রস্থান করিল। উদ্যানের বাহিরে বিজয়কুমার অবস্থিতি করিতেছিল, বিমলা তথায় উপস্থিত হইয়া কহিল ;—

“যাও।”

বিজয় তখন সৈরিকী-প্রেম-প্রত্যাশী কৌচকেব গায় ; সে বলিল ;—

“স্বীকার করিয়াছে ?”

বিমলা । হাঁ।

সে তখন ধবু ধবু করিয়া কাঁপিতেছিল। অন্ধ বিজয় তাহা দেখিতে পাইল না, ক্ষুণ্ণপদে উদ্যান-ভিতরে প্রবেশ করিল।

## বিভাবতী

বিমলা পশ্চাৎ পশ্চাৎ উড়ানে প্রবেশ করিতে যাইতেছিল, কিন্তু পারিল না ; কিছুদূর গিয়া কাঁপিতে কাঁপিতে যুচ্ছিত হইয়া পড়িয়া গেল ।

বিজয়কুমার সুগন্ধ রুমালে মুখ যুচ্ছিতে যুচ্ছিতে বিভাবতীর সম্মুখীন হইল । বিভা তখন একটা পরিষ্কার যায়গায় গঠিত মূর্তির ন্যায় স্থির হইয়া দাঁড়াইয়া ছিল । পূর্বে উপর রুম্ম চিকুর রাশি ছড়াইয়া পড়িয়াছিল,—বোধ হইতেছিল, যেন জ্যোতির্মণী বিহ্বাৎ কাল মেঘের উপর স্থিরভাবে দাঁড়াইয়া আছে । বিভাবতী স্থির, গস্তীর, নীরব । তাহার শিরায় রক্ত চলিতেছে না, নাসিকায় নিশ্বাস বহিতেছে না, চক্ষের তারা নড়িতেছে না, চক্ষের কোণে অগ্নিস্ফুলিঙ্গ বাহিব হইতেছে না ; আপাদ-মস্তক হেলিতেছে না, দুলিতেছে না, কাঁপিতেছে না ; সব স্থির, গস্তীর, নীরব । বিভাবতী তখন সময়ের পূর্বে সৈন্তের ন্যায়, বৃষ্টি-ঝটিকার পূর্বে আকাশের ন্যায়, প্রলয়ের পূর্বে পৃথিবীর ন্যায় স্থির, গস্তীর, নীরব ।

বিজয়কুমার সেই ভয়ঙ্করী মূর্তির সম্মুখীন হইয়া এক হস্ত বক্ষে স্থাপন করিয়া কহিল ;—

“সুন্দরি ! আমার প্রতি প্রসন্ন হও । তোমাকে আমি হৃদয়-বাঞ্ছার সম্রাজ্ঞী করিব, প্রাণের সিংহাসনে বসাইয়া রাখিব, ইন্দ্রির অমাত্যগণে বেষ্টিত করিয়া রাখিব, আমার প্রতি প্রসন্ন হও ।”

বিভাবতী পূর্ববৎ নীরবে দাঁড়াইয়া রহিল ।

বিজয় ভাবিল ;—

“মৌনং সম্মতি লক্ষণম্ ।”

মূর্খ! এ মৌনমূর্ত্তি। ক সম্মতিব লক্ষণ প্রকাশ করিতেছে?

মোহাক বিজয়বালিকা; -

“সুন্দরি! তোমার এই অলোক-সামান্য কপবাশি আমার হৃদয়কে যে কিরূপ ভ্রষ্টাভূত করিতেছে, তাহা কি তুমি বুঝিতে পারিতেছ না? সুন্দার! আলোকে ব। হৃদয়ে আইস।”

এই বালিকা বিজয়কুমার চত্বার প্রসাবিত করিয়া তাহাকে আলিঙ্গন করিতে বাধ্য হইল। অমনি বিভাবতী দাক্ষিণ হস্তের তর্জনী উত্তোলন করিয়া ক্রুগল কৃষ্ণত কারয়া, তাঁক্ষ দৃষ্টিতে বিজয়েব প্রাত চাহবা, আত তাঁক্ষবে বালিকা,—

“বিজয়!”

সঙ্গে সঙ্গে নান-কোণ হইতে ঝলকে ঝলকে অগ্নিস্ফুলিঙ্গ বাহির হইল; সঙ্গে সঙ্গে নয়নতারা সাক্ষাতারা সম জ্বলিয়া উঠিল, সঙ্গে সঙ্গে বিদ্যুৎ-বেগে শিরাথ শিবাথ রক্ত ছুটিল। সঙ্গে সঙ্গে বেগে নিশ্বাস বহিতে লাগিল, সঙ্গে সঙ্গে বসন-ভূষণ আলুথালু হইবা পাড়িল, সঙ্গে সঙ্গে আপাদমস্তক হেলিল, দুর্লিঙ্গ, কাঁপিল; সঙ্গে সঙ্গে বিজয়কুমার চমকিত হইল। ভাত হইবা, নিরস্ত হইল।



## অষ্টম পরিচ্ছেদ ।

যখন উদ্যান মধ্যে এই সকল ঘটনা ঘটিল, তখন বিমলার চৈতন্য হইয়াছিল । বিভাবতীর তীক্ষ্ণকর্ণিঃসৃত “বিজয়” শব্দটা তাহার কর্ণগোচর হইল ; সে বুঝিল,—নিশ্চয়ই কোন অমঙ্গল ঘটিয়াছে ; কেন না, তাহার স্পষ্ট বোধ হইল, যে, এরূপ কর্কশ শব্দ কখনই প্রণয়ের মধ্যে থাকিতে পারে না ; আর সে পূর্ব হইতে জানিত যে, বিভাবতী কখনও পরপুরুষে আত্মসমর্পণ করিবে না । যাহা হউক, সে আর স্থির থাকিতে পারিল না , তাহার শরীর তখন দুর্বল, তথাপি যতদূর সম্ভব বেগে সে উদ্যান মধ্যে প্রবেশ করিল ।

তখনও বিভাবতী করালী, ভয়ঙ্করী, তেজস্বিনী । তখনও সে পূর্ববৎ তর্জনী তুলিয়া, তীক্ষ্ণদৃষ্টিতে বিজয়ের প্রতি চাহিয়া, স্থির ভাবে দাঁড়াইয়া ছিল ; তখনও তাহার চক্ষু হইতে অগ্নিশিখা বাহির হইতেছিল, তখনও ললাট হইতে শ্বেদ ঝরিতেছিল. তখনও বসন-ভূষণ অসংযত । আর বিজয়কুমার সম্মুখে দাঁড়াইয়া কাঁপিতেছিল । সে আর বিভার প্রতি চাহিতে পারিতেছিল না, পলাইবার চেষ্টা করিতেছিল, ভয়ে পারিতেছিল না । কদাচিৎ ভীতচকিত দৃষ্টিতে একবার বিভার সেই ভীষণা মূর্তির প্রতি চাহিতেছিল, আবার ভয়ে চক্ষু ফিরাইয়া লইতেছিল । তাহার প্রসারিত ভূষয় অঙ্গে অঙ্গে নিয় হইতেছিল, সে চক্ষে অস্পষ্ট দেখিতেছিল ।

বিমলা বিভাবতীর করালী মূর্তি দেখিয়া কাঁপিয়া উঠিল, শ্রামীর ছুরবস্থা দেখিয়া দুঃখিত হইল। সে কি করিবে, স্থির করিয়া উঠিতে না পারিয়া নীরবে দাঁড়াইয়া রহিল। তখন সব নীরব, অঙ্গ-প্রফুল্লকারী সুধাবর্ষী সুধাকর নীরব, যুক্তাশ্রণীবৎ নক্ষত্রসকল নীরব ; নিম্নে উদ্যান নীরব, ব্রততীক্ষ্ণিত বৃক্ষগণ নীরব, তদম্ভ পক্ষীগণ নীরব, পুষ্পগণ নীরব, সরোবর নীরব, আব বায়ু—সেও নীরব। বিভাবতী নীরব আপনার তেজে, বিজয় নীরব তাহার ভয়ে, বিমলা নীরব উভয়ের মঙ্গল চিন্তায়। বিমলা অনেকক্ষণ ভাবিয়া, পুরে বিভার সম্মুখীন হইয়া ডাকিল ;—

“দিদি !”

বিভা কথা কহিল না, ফিরিয়া চাহিল না, পৃষ্ঠবৎ দাঁড়াইয়া রহিল। বিমলা আবার ডাকিল ;—

“দিদি !”

বিভা পৃষ্ঠবৎ।

বিমলা আবার ;—

“দিদি !”

বিভা তদ্রূপ। বিভা আশ্চর্য। তাহার স্থির লক্ষ্য বিজয়ের প্রতি। তাহার হাতে কোন অস্ত্র নাই দেখিয়া, বিমলা তাহার নিকটবর্তিনী হইয়া তাহার বামবাহু ধরিল। বিভা তীক্ষ্ণস্ববে জিজ্ঞাসিল ;—

“কে ?”

বিমলা মৃদুস্বরে কহিল ;—

“দিদি ! ক্ষান্ত হও।”

বিভা পূর্বেবৎধরে কহিল ;—

“বিমলা ?”

বিমলা ।—ঠা দিদি ! ক্ষান্ত হও ।

এই অবসরে বিজয় পলাইবার চেষ্টা করিল । বিভার লক্ষ্য  
তাহার প্রতি ছিল, সে তীক্ষ্ণধরে কহিল ;—

“সাবধান বিজয় !”

বিজয় কাঁদিয়া উঠিল, তাহার পলায়ন হইল না ।

সতাহ সতীর তেজ হরণ করিল, বিমলাদ স্পর্শে ও কথায়  
বিভা অনেকটা প্রাকৃতিক হইল, সে বলিল ;—

“বিজয় ! এই সাহস নিয়া তুমি সতীর প্রতি অত্যাচার করিতে  
আইস ।”

এই বলিয়া সে ভূমির উপর বসিল, বিমলা অঞ্চলদ্বারা  
তাহাকে বাতাস করিতে লাগিল, বিজয়ের ভয় একটু কমিল,  
সে সাধারণভাবে অবনত মুখে দাঁড়াইয়া রহিল ।

বিমলা বাতাস করিতে করিতে কহিল ;—

“আমার স্বামীকে ক্ষমা কর দিদি !”

বিভা একটু ভাবিয়া, গম্ভীরভাবে বলিল ;—

“যাও বিজয় !”

বিজয় তথাপি দাঁড়াইয়া রহিল, দাঁড়াইয়া দাঁড়াইয়া কি ভাবিল,  
পরে বিভাবতার পদতলে বিলুপ্ত হইয়া অশ্রুপূর্ণ-নেত্রে  
কহিল ;—

“তুমি আমার মা, আমায় ক্ষমা কর ।”

বিভার মুখ প্রফুল্ল হইল, বলিল ;—

“বিমলা! আর বাতাস করিতে হইবে না। বিজয়! তুমি আমার পুত্র, আশা করি তোমার দৃষ্টান্তে সকল পুরুষই পরম্পরকে মাতুল্য মানিবে।”

বিজয় বিমলার প্রতি চাহিয়া বলিল;—

“বিমলা! তুমি সতী, আমি স্বার্থাক্ষ হইয়া তোমাকে কত কষ্টে দিয়াছি, আমাকে ক্ষমা কর।”

বিমলা বাষ্পাকুল-লোচনে কহিল;—

“নাথ! তগবান্ তোমায় সংপথে চালান।”

তাহার পর তিনজনে নীরবে বসিষা বহিল ও আশ্রমে লাগিল। বিভা কি ভাবিতেছিল, জানি না; বিজয় ভাবিতে ছাড়া। বিভাবতীর সেই সতীদোষজ্বলা পূর্ণ তেজস্বিনী মূর্তি; বিমলা ভাঙা হইয়াছিল,—তাহাই ও বিজয়ের দুঃখবস্থা এবং তাহার অদ্ভুত পরিবর্তন এমন সময়ে আনন্দ-প্রফুল্লমুখে কালাচাঁদ তথায় প্রবেশ করিল এবং সঙ্কোচ করিয়া বিজয়কে ডাকিল। বিজয় আনন্দিত না হইয়া দুঃখ-কাতর-কণ্ঠে কহিল;—

“কালাচাঁদ! আমাব পাপের ভরা কি পূর্ণ হইবাছে?”

বিভা জিজ্ঞাসিল;—

“কি বিজয়?”

বিজয়, বিমলের মূছার জন্ত যে সকল ঘটনাস্তর করিয়াছিল, তাহা অকপটভাবে বর্ণনা করিল। শুনিয়া বিভা কিছু কহিল না, বিমলা কাঁদিল, কালাচাঁদ অবাক।

কিছুক্ষণ পরে বিভা ডাকিল,

“কালাচাঁদ!”

## বিশ্বাসভী

কালচাঁদ ভীতভাবে উত্তর করিল ;—

“আমার কোন দোষ নাই মা, বিজয় দাবু আমাকে বলিয়া-  
ছিলেন যে,—”

বিশ্বাস ।—আমার কথার উত্তর দাও, বিমল তাহা হইলে—

কালচাঁদ ।—মা । আমি দেওয়ানখাঁর কথামতই কাজ করি-  
যাচ্ছি । আমার কোন দোষ নাই । ধর্ম্ম সাক্ষী ।—

বিজয় ।—সত্যই তোমার কোন দোষ নাই, আমিই দোষী :  
মা । আমাকে দণ্ড দিন ।

বিশ্বাস ।—কারও দোষ নয়, আমার পূর্বজন্মার্জিত কর্ম্মফল !





## চতুর্থ খণ্ড ।



### প্রথম পরিচ্ছেদ ।

কল্পনে ! আমি তোমায় ভালবাসি, কিন্তু তুমি আমায় ভালবাস কি ? যদি বাস, তবে নিশিথ নিশার এই ঘোর অন্ধকার ভেদ করিয়া, আমাকে বিভাবতীর সমীপে লইয়া চল ; আর সঙ্গে লও—আমাদের সদাশয় পাঠককে । চল, অগ্রে তুমি, মধ্যে আমি, পশ্চাতে পাঠক । কিন্তু যাইবার আগে একটা কথা,— আমি তোমাকে অত্যন্ত ভালবাসি, এমন কি,—তোমাকে দেখিলে আমি অজ্ঞানপ্রায় হইয়া যাই ; দেখিও, যেন আমাকে বিপথে লইয়া যাউও না । আর মা বীণাপাণি তাঁহার সুবিস্তীর্ণ সাম্রাজ্যের যে ক্ষুদ্র অংশটুকু আমাকে ভোগাধিকার করিতে দিয়াছেন, তাহাব সীমা অতিক্রম করিও না । এখন চল.—হাঁ,—আরও একটা কথা,—তুমি যাহা দেখিবে, বা শুনিবে, অথবা যেখানে যাইবে, তাহা আমাকে বলিও, আমি তাহা পাঠককে বলিব ; নাহিলে ও বেচারী কি কেবল এই আঁধার রাত্রিতে হাটিয়াই সারা হইবে ? —এইবার চল ।

পাঠক ! ঐ যে অদূরে—গাঢ় অন্ধকারের মাঝখানে পর্কতের মত দেখিতেছে, উহা প্রকৃত পর্কত নয় ; প্রকাণ্ড প্রকাণ্ড বন্য বৃক্ষ-সকলে অন্ধকার জমাট বাধিয়া পর্কতের মত দেখা যাইতেছে । দূরে

## বিভাবতী

তারকাখচিত নীল আকাশ, তছপরি ভূমি-স্পর্শ করিয়া কতকগুলি  
শুভ্র মেঘ স্থিরভাবে অবস্থিতি করিতেছে, উহা মেঘ নয় ; নিশ্চল  
বাবুর শুভ্র সৌধরাজি অঁধারে মেঘমালাবৎ দৃষ্ট হইতেছে ।  
আইস, আমরা উহার ভিতর প্রবেশ করি । পাঠক ! আশ্চর্য  
হইতেছ কেন ? ভাবিতেছ বুঝি—রুদ্ধ-দ্বার গৃহে কিরূপে প্রবেশ  
করিব ? চিন্তা নাই, আনিও, “মনের অগম্য স্থান নাহিক কোথাব ।”  
মনের কথা তুলিলাম কেন ? পাঠক ! বাস্তবিক আমি কিংবা  
ভূমি যাইতেছি না, কি সাধ্য যাইব ? আমাদের মন যাইতেছে ।  
অগ্রে যাইতেছে আমার কল্পনা, মধ্যে আমার মন, তৎপশ্চাৎ  
তোমার মন ।

যাক্,—ও সব অনর্থক বাক্যব্যয়ে প্রয়োজন কি ? আমাদের  
প্রধান প্রয়োজন,—বিভাবতী এখন কি করিতেছেন, তাহা দেখা ।  
আইস, ঐ বিভাবতীর শয়ন-প্রকোষ্ঠ ; কই, এখানে ত কেউ নাই,  
কেবল শয্যা পড়িয়া আছে । কল্পনা ছাতে যাইতেছে, আইস,  
ছাদটা দেখা যাক্ । পাঠক ! ঐ যে দেখিতেছ,—ভাল করিয়া  
দেখ, বড় অঁধার,—একটী রমনী মূর্তি ধীরে ধীরে পদচারণা করি-  
তেছে, শুভ্র বসনাবৃত্তা, আলুলায়িত চিকুর-জাল পৃষ্ঠের উপর  
ছড়াইয়া পড়িয়াছে, অঁধারে ভাহার আয়তন আরও স্থূল  
দেখাইতেছে । পাঠক ! ভীত হইও না, ও প্রেতিনী নয় ; ঐ সেই  
বিভাবতী ।

বিভাবতী প্রগাঢ় চিন্তা-নিমগ্না ; অনেকরূপে পায়চারী করিতে  
করিতে চিন্তা করিয়া, পরে অক্ষুটস্বরে কহিল ;—

“বাহা এতদিন ভাবিয়া আসিতেছি, আজ তাহা করিব ।”

সে আর কিছু না বলিয়া ছাত্ হইতে নামিয়া শয়নকক্ষে প্রবেশ করিল এবং দেবীকে খুলিয়া একখানি গৈরিক বসন ও একটা কৃত্রিম দাড়ী বাহির করিল। বলা রুখা, অনেক সময়ে নির্মল বাবু যোগী সাক্ষিয়া কৃষ্ণ প্রেমের অভিনয় করিতেন, তজ্জন্য এ সকল পাইতে বিভাকে বিশেষ কষ্ট পাইতে হইল না।

তখন সে একে একে অঙ্গ হইতে অলঙ্কার সকল উন্মোচন করিতে লাগিল। কণ্ঠ হইতে রত্নহার খুলিল, বাহু হইতে অনন্তাদি খুলিল, কঙ্কী হইতে বলব খুলিল, চূড়ি খুলিল, অঙ্গুলী হইতে হীরক অঙ্গুরীয় খুলিল, কর্ণ হইতে মুক্তার ফুল খুলিল, নাসিকা হইতে নলক খুলিল, • সব অলঙ্কার খুলিল; কেবল হস্ত হইতে লোহা ও শাঁখা খুলিল না। এক টুকরা ছিন্ন বস্ত্র দিয়া হস্ত সহ সে গুলি বাধিয়া লইল। তাহার পর সাদীখানি বেশ করিয়া আঁটিয়া মাটিয়া পরিণত, তদুপরি পুরুষবেশে গৈরিকখানি পরিণত; বুধে দাড়ী পরিণত। দাড়ী পরিণতে তাহার একটু লজ্জা হইয়াছিল, কিন্তু সে যুহুর্ন্তের জ্ঞান। ধর্মের প্রবল স্রোতে ক্ষুদ্র ভ্রমের মত, তাহা তৎক্ষণাৎ কোথায় ভাসিয়া চাליয়া গেল।

তাহার পর সে গ্রীবা বন্ধ করিয়া নিজের অঙ্গ-প্রত্যঙ্গ নির্দীক্ষণ করিতে লাগিল, দেখিল,—তাহার সম্পূর্ণরূপে পুরুষ সাক্ষা হইয়া নাই। তখনও দেহে অনেক স্ত্রী-সুলভ চিহ্ন বর্তমান রহিয়াছে। সে প্রাচীরলম্বিত দর্পণের সম্মুখীন হইয়া ভাল করিয়া নিজেকে দেখিতে লাগিল, দেখিল,—তখনও বক্ষ উন্নত আছে, তখনও নয়নে কটাক্ষ আছে, তখনও পৃষ্ঠপরি কৃষ্ণ চিকুর-জাল ছড়াইয়া শোভা পাইতেছে। বিভাবতী মহা চিন্তার পড়িল, এ সকলের

## বিভাবতী

উপায় কি ? তাহার মুখ স্নান হইল । অনেকক্ষণ ভাবিতে তাহার মুখ কিছু প্রফুল্ল হইল, সে ছুটিয়া গিয়া একটা সরা হইতে এক টুকুড়া ধুনা নিয়া আসিল ও একটা শালগ্রামাকৃতি-প্রস্তর খণ্ড-দ্বারা তাহাকে বিশেষরূপে নিষ্পেষিত করিল এবং তাহাতে তৈল ও জল সংযোগ করিয়া আটা প্রস্তুত করিল । পরে দুই হস্ত দিয়া পৃষ্ঠস্থ চুলগুলি সম্মুখে ফিরাইয়া লইয়া, গুচ্ছ গুচ্ছ করিয়া, সেই আটা তাহাতে বেশ করিয়া মাখাইল । তখন সেই ঘনকৃষ্ণ-কুঞ্চিত-কুস্তল-জাল মুহূর্ত্ত-মধ্যে অপূৰ্ণ জটায় পরিণত হইল । তাহার পর কটাক্ষ, তদ্বিষয়ে সে বিশেষ ভাবিতা হইল না ; কেই বা চক্ষুর প্রতি চাহিয়া অত নিরীক্ষণ করিবে ? আর কটাক্ষ না করিলে ত নয়নে আপনি কটাক্ষ আসিবে না । কিন্তু এখনও বাকি,—পয়োধর ! ইহার উপায় কি ? এইবার মহা সমস্যা ! বিভা ভাবিয়া কিছুই স্থির করিতে পারিল না ; আর কিই বা স্থির করিবে ? যাহারা বসন-মধ্যে আচ্ছাদিত থাকিয়াও শৈল-শৃঙ্গকে উপহাস করিতে ক্ষান্ত হয় না, যাহাদের গর্কোন্নত মণ্ডকের সৌন্দর্য-দর্শনে দাড়িষ লজ্জায় বৃক্ষাস্তুরালে লুক্কায়িত থাকেন ; তাহাদের কিরূপে ঢাকিয়া রাখা যায় ? বিভাবতী ভাবিয়া ভাবিয়া যখন কিছুই স্থির করিতে পারিল না, তখন সে তাহাদের গালি পাড়িতে লাগিল ; অবশেষে দুই হস্ত দিয়া চাপিতে লাগিল । কিন্তু ফলে কিছুই হইল না ; বরং তাহারা ক্রোধে আরও ফুলিয়া উঠিল, আরও কঠিন হইল, আরও দৈৰ্ঘ্য উন্নত হইল । বিভাবতী তখন নিরুপায় হইয়া চারিদিকে চাহিতে লাগিল ; সহসা একখানি কঞ্চল তাহার দৃষ্টিপথে পড়িল, সে তাড়াতাড়ি তাহা লইয়া আসিয়া

পৈতার আকারে স্কন্ধের উপর বিলম্বিত করিয়া দিল। এইবার তাহাদের গর্ক্ব থর্ক্ব হইল, সঙ্কে সঙ্কে নিতম্বও ঢাকা পড়িল।

বিভাবতী আবার দর্পণেব সম্মুখীন হইয়া দাঁড়াইল; তখন দর্পণ-মধ্যে এক সুন্দর সন্যাসি-মূর্ত্তি শোভা পাইল। বিভা আপনার সন্যাসি-মূর্ত্তি দেখিয়া একটু হাসিল, একটু লজ্জিত হইল, একটু অশ্রুপাত করিল।



## দ্বিতীয় পরিচ্ছেদ।

পুরুষবেশিনী বিভাবতী কক্ষ-মধ্যে মন্দ মন্দ পদচারণা করিতে ছিল। তাহার পর দেৱাজেব উপর হইতে কাগজ ও কলম দান লইয়া খাটের উপর আসিয়া বসিল, বসিয়া কমলের পশ্চাদাংশ স্বীয় অধরে সংযোগ করিয়া ভাবিতে লাগিল। অনেকক্ষণ পরে লিখিতে আরম্ভ করিল, লিখিল ;—

“আমি স্বামীর অনুগমন করি—”

হঠাৎ সে পঙ্ক্তিটী কাটিয়া নীচে লিখিল ;—

“আমি ধর্ম্মের অনুগমন করিলাম, আমার জন্ম কেহ চিস্তিত হইও না। ইতি—বিভাবতী।”

তাহার পর সে পত্রখানি মেজের উপর দোয়াত চাপা দিয়া আবার ভাবিতে লাগিল। হঠাৎ ঘটিকায়দ্বৈ ঠং ঠং করিয়া

## বিভাবতী

দুইটা ঘা পড়িল। বিভাবতী “আব বিলম্ব করা উচিত নয়—” এই বালিকা তাড়াতাড়ি কক্ষ হইতে নিষ্ক্রান্ত হইল। কিছু দূর যাইয়া আবার ফিবিয়া আসিল এবং পর্য্যঙ্কের নিয়ম হইতে একখানি শানিত ত্রিশূল বাহির করিয়া লইল, কারণ যদি কোন বিপদ ঘটে। তখন সে স্বামীর নাম স্মরণ করিয়া গৃহত্যাগ করিল।

বিভাবতী ভোরগহারের সমীপবর্তিনী হইয়া দেখিল, দ্বার বন্ধ। দ্বারের নিকটে কালীসিংহ বিশাল দেহ লম্বিত করিয়া নিদ্রা যাইতেছে। বিভা জানিত যে, তাহার উপাধানের নিম্নে চাবি থাকে। সে অতি সতর্কের সাহিত তাহার শিয়রে বাসল, বসিয়া অতি সতর্কে—খুব আশ্বে আশ্বে নিজের দক্ষিণ হস্ত তাহার বালিসের নিম্নে প্রবেশ করাইয়া দিতে লাগিল; কালীসিং সতর্ক মালুম, ঘুম ঘোরে “উঁ উঁ” করিয়া পাশ ফিরিয়া শুইল। বিভা তখন হস্ত তদবস্থায় রাখিয়া চুপ করিয়া বসিয়া রহিল। তাহার পর কালীসিং যখন আবার নাসিকাধ্বনি করিতে লাগিল, তখন আশ্বে আশ্বে চাবিটা বাহির করিয়া লইল এবং দ্বার খুলিয়া লইয়া, চাবিটা সিংহের শিয়রে ফেলিয়া দিয়া বাহির হইয়া পড়িল।

গৃহের বাহির হইয়া সে চারিদিকে একবার দৃষ্টিপাত করিল, দেখিল,—সব গাঢ় অন্ধকারময়। তাহার একটু ভয় হইল, কিন্তু নিজের বেশের প্রতি চাহিয়া পরক্ষণেই সে ভয় দূর করিল। পরে সাহসে ভর করিয়া ইষ্টনাম জপিতে জপিতে চলিতে লাগিল।

সে বরাবর গঙ্গাতীরস্থ রাস্তা দিয়া উত্তরাভিমুখে চলিতে লাগিল। ঐ রাস্তার একধার দিয়া জাহ্নবী নদী স্থল হইতে সূক্ষ্ম,

স্বপ্ন হইতে স্বপ্নতর হইয়া অনন্তে গিয়া মিশিয়াছে । অপর দায়ে  
 আঁধার মাথা গাঢ় অক্ষয় ক্ষুদ্রতর হইয়া আকাশ ও ভূমির মধ্যে  
 বিলীন হইয়াছে । সমস্ত প্রান্তুর অত্যন্ত ভয়ঙ্কর দেখাইতেছে ; -  
 একটীও মনুষ্যের গত্যাত নাই ; কেবল বন্য শূকর, বন্য বিড়াল,  
 শৃগাল, বিষধর সর্প, কদাচিৎ একটী ব্যাঘ্র নিরাতঙ্কে গমাগমন  
 করিতেছে,—ক্রীড়া করিতেছে—শিকট ভয়প্রদ চীৎকার করি-  
 তেছে—কদাচিৎ কোন জন্তু বাহুপথে শুইয়া নিদ্রা যাইতেছে ।  
 আলোক নাই, তবে কদাচিৎ আলেয়ার মুখাঘির আলোক,  
 শ্মশানের চিতাঘির আলোক ও ক্ষোনাকীপোকাকার পুচ্ছেন  
 আলোক দৃষ্ট হইতেছে ।

বিভাবতী চলিতেছে । রাত্রিও শেষ হয় না, পথও ফুরায় না ।  
 স্মৃতরাং এ ভাবে মূখ বুজিয়া চলা তাহার পক্ষে বড় কষ্টকর  
 হইল । অগত্যা সে একটী গান ধরিল, গাহিল,-

“( আমি ) পথপানে চেয়ে থাকি ।

দেখিয়ে তাহার মোহন রূপ জুড়ান বলিবে গ্রাণি ॥

( যবে ) সুন্দর মাঞ্জে উষা বিনোদিনী,

আসে ধরাধামে মরালগামিনী,

( যবে ) আকাশে তুলিয়ে মধুর তান—

কল-কণ্ঠে গায় পাখী ॥

( যবে ) গভীর নিশিথে নীরব নিশা,

হয় বিভীষণা ভীষণ-বেশা,

( আমি ) তখনও বসিয়ে উসাদমন—

প্রাণভরে তারে ডাকি ॥”

## বিভাবতী

বিভাবতীর মধুর কণ্ঠ-নিঃসৃত গীতটী অনেকগুলি সুরের সঙ্গে খেলিতেছিল—জাহ্নবা তরঙ্গের সঙ্গে নাচিতেছিল—জঙ্গলমধ্যে ধ্বনিত হইতেছিল—আকাশমণ্ডলে ছড়াইয়া পড়িতেছিল—শেষে বাতাসের সঙ্গে মিশিয়া যাইতেছিল। বোধ হইতেছিল,—ভূমি শ্বেদ করিয়া যেন অমৃতের উৎস উঠিতেছে।

সেই জনহীন ভীষণ প্রান্তর মুহূর্তের মধ্যে এক অপূর্ব শ্রী ধারণ করিল। শিবাগণ আর ককেশ রব করিতেছে না, শূকর খাঢ়ান্বেষণার্থ মাটি খুঁড়িতেছে না, নিশাচর পক্ষিগণও বুকি আর শব্দ করিয়া উড়িতেছে না। সকলেই যেন যুদ্ধশ্রবণে সেই অপূর্ব সঙ্গীত শুনিতেছে ; দোঁধিতেছে বুকি,—সুর-লয়-তালের সঙ্গে কণ্ঠের অপূর্ব ক্রৌড়া।

প্রকৃতিদেবী এতক্ষণ প্রান্তরের দিকে পিছন ফিরিয়া দাঁড়াইয়া ছিলেন, তাঁহার আলুলায়িত কৃষ্ণ কেশরাশির আভায় পৃথিবী আধারময় হইয়াছিল। এ সঙ্গীত বুকি তাঁহারও শ্রুতিমূলে মধু ঢালিল, সেই জন্ত তিনি ফিরিয়া দাঁড়াইলেন, তাঁহার যুদ্ধসূর্য্যের বিকাশে মেদিনা আলোকিত হইল। বিভারও সঙ্গীত থামিল।





## তৃতীয় পরিচ্ছেদ ।

বিভা হাটিতেছে.—তাহার বিশ্রাম নাই,—অবিরত হাটিতেছে । তখন বালসূর্য্য গঙ্গার জলে হাবু ডুবু খাইতেছিল, লহরী গুলি কিরণ মাধিয়া নাচিতেছিল, গন্ধবহ নবীনানন্দে মন্দ মন্দ বহিতেছিল, বন্য পুষ্পের সৌরভ ছুটিতেছিল, শিশির টুপ্ টুপ্ পড়িতেছিল ; তখন পাছে গাছে পাখী গাহিতেছিল, পল্লবে পল্লবে ফুল ফুটিতেছিল, ফুলে ফুলে ভ্রমর গুন্ গুন্ করিতেছিল । আর বিভাবতী প্রভাতের এই সকল আনন্দোপভোগ করিতে করিতে হাটিতেছিল ।

বিভা এ যাবত অপরিচিত পথ দিয়া চলিয়াছিল ; কিন্তু যখন বেলা দ্বিপ্রহর, তখন সে একটা পরিচিত—চিরপরিচিত রাস্তায় পদার্পণ করিল । ঐ রাস্তায় পা দিতেই তাহার প্রাণ কাঁপিল, উঠিল, হৃদয় আনন্দে নৃত্য করিয়া উঠিল । সে একবার নিজের বেশ দেখিয়া লইল । তাহার পর সে যতই অগ্রসর হইতে লাগিল—যতই প্রায়ণীর প্রতি দৃষ্টিপাত করিতে লাগিল, ততই তাহার মুখমণ্ডলে আনন্দের চিহ্ন স্পষ্টতর বিকাশ পাইতে লাগিল । বোধ হয়, যেন এখানকার প্রত্যেক গৃহে, প্রত্যেক পথে, প্রত্যেক বৃক্ষে, বৃক্ষের প্রত্যেক পল্লবে, বাতাসের প্রত্যেক হিল্লোলে, জলাশয়ের প্রত্যেক লহরে, প্রসূনের প্রত্যেক পলাশে, এমন কি—ভূমির প্রত্যেক বালুকা-কণায় তাহার অস্তরের কি নিগূঢ় সঙ্গন্ধ নিহীত আছে ।

## বিশ্বাবতী

তাহার পা যেন আর চলে না, যেন এখানে লুটাইয়া পড়িতে চায়, প্রাণ যেন এখানে থাকিতে চায়। তখন তাহার মনে ও বিবেকে তুমুল বিবাদ বাধিল ; মন বলে ;—

“মাতা, পিতা, জন্মভূমি, এমন কি, নিছের পুত্রকেও একবার দেখিবে না ?”

বিবেক বলে ;—

“দেখিতে গেলে কর্তব্যসাধনে ব্যাঘাত ঘটবে।”

তাহার পর অনেকক্ষণ ছুইজনে বিবাদ চলিয়া শেষে এই মীমাংসা হইল যে, অতিধিবেশে গিয়া একবার তাহাদিগকে দেখিয়া আসা যাউক, কিন্তু মনকে খুব দৃঢ় করিয়া বাধিতে হইবে। বলা বাহুল্য, বিশ্বা বিবেকের কথায় মনকে প্রহার করিতেও ছাড়িত না, বাধা ত সামান্য কথা !

বিশ্বা গ্রাম্য পথ দিয়া কিছু দূর গিয়া সম্মুখে একটা কোটা-বাড়ী দেখিল, দেখিবামাত্র তাহার প্রাণ আনন্দে নৃত্য করিয়া উঠিল। এই তাহার পিত্রালয়। সে আনন্দে এত আত্মহারা হইয়াছিল যে, পুরুষ-বেশের কথা একেবারে ভুলিয়া গিয়া, বরাবর বাড়ীর ভিতর প্রবেষ্ট হইয়া পড়িল। ছুই এক পা যাইতেই নিছের বেশের প্রতি তাহার দৃষ্টি পড়িল। “ছি ! আমি করিতেছি কি !” বলিয়া অমনি সে পিছাইয়া পড়িল। তাহার পর বাহিরে আসিয়া জিব্ কামড়াইয়া বলিল ;—

“ভাগ্যে কেউ দেখে নাই।”

বিশ্বাবতী বাহিরে দাঁড়াইয়া, কি করিবে, কিরূপে বাড়ীর ভিতর প্রবেশ করিবে, ইত্যাদি বিষয়ে চিন্তা করিতে লাগিল।

অনেকক্ষণ ভাবিয়া স্থির করিল, যে, অতিথি বলিয়া পরিচয় দিবে।  
তুই একবার বলিতেও চেষ্টা করিল,—“একজন অতিথি” ; কিন্তু  
যুধের কাছে আসিয়া বাধিয়া গেল, বড় লজ্জা হইল। বাপের  
বাড়ীতে কি করিয়া অতিথি বলিয়া পরিচয় দিবে ? বিভা মহা  
বিপদে পড়িল, কিন্তু এই সময়ে তাহার বৃদ্ধ পিতা ভুবন বাবু  
আসিয়া জিজ্ঞাসিলেন ;—

“আপনি কে মহাশয় ?”

বিভা মনে মনে একটু হাসিয়া বলিল ;—

“একজন অতিথি।”

ভুবন।—অতিথি ? আশুন মহাশয়।

বিভা আবার মনে মনে হাসিয়া বৃদ্ধের পশ্চাৎগামী হইল।  
বাড়ীর ভিতর প্রবেশ করিয়া ভুবন বাবু সন্ধ্যাসীকে বসিতে আসন  
দিলেন, সন্ধ্যাসী বসিলেন। একটা চাকর আসিয়া পা ধোবার  
জল দিয়া গেল, সন্ধ্যাসী পা ধুইলেন। ভুবন বাবু বিনীতভাবে  
জিজ্ঞাসিলেন ;—

“আপনার নাম কি ঠাকুর মহাশয় ?”

বিভা এরূপ প্রশ্নের জ্ঞান আদৌ প্রস্তুত ছিল না ; সুতরাং  
কিছু উত্তর দিতে না পারিয়া অবাক হইয়া রহিল। বৃদ্ধ  
বলিলেন ;—

“বলিতে কিছু বাধা আছে কি ?”

বিভা জড়িতকণ্ঠে কহিল ;—

“না।”

পরে পরিষ্কারভাবে বলিল ;—

## বিভাবতী

“আমার নাম, বিভাসচন্দ্র গোস্বামী।”

অপবাহুে বিভাবতী পিতৃ-গৃহ হইতে বিদায় লইল। যাইবার সময় তাহার নয়ন-কোণে কয়েক বিন্দু অশ্রু দেখা দিল। যাইতে যাইতে সে ভাবিল ;—

“হায় ! ধর্মের কি কঠোর শাসন। আজ আমি মাতাপিতাকে একটা প্রণাম করিতে পারিলাম না। বৌদিদির প্রতি একবার চাহিতে পারিলাম না ! সর্বোপরি নিজের পুত্রকে একবার কোলে লইতে পারিলাম না ! ধর্ম ! তবু আমি তোমার দাসী, চিরদিনই যেন তোমার দাসী থাকি :”

## চতুর্থ পরিচ্ছেদ ।

চেতনা হইলে, বিমল দেখিল, সে একটা অপরিষ্কার, অন্ধভগ্ন-ক্ষুদ্র গৃহে, একটা মলিন শয্যায় শায়িত। তাহার দক্ষিণ পার্শ্বে— সেই বিছানায় বসিয়া একটা বালিকা তাহার গায়ে হাত বুলাই-তেছে। তাহার শিয়রে শুভ্রশ্মক-শোভিত, কৃষ্ণকায়, গলিতচর্ম্ম একটা বৃদ্ধ বসিয়া আছে। বিমল তখন অত্যন্ত দুর্বল ; ভাল করিয়া সব দেখিতে পাইল না, কিছু বুঝিতে পারিল না। তাহার চোক বুজিয়া আসিতে লাগিল, সে চোখ বুজিল। কারণ বুঝিতে

চেষ্টা করিল, পারিল না। ভাবিতে লাগিল। অনেকক্ষণ ভাবিয়া কিছু বুঝিতে না পারিয়া বালিকার সুন্দর মুখখানির প্রতি চাহিয়া ধীরে ধীরে জিজ্ঞাসিল ;—

“তুমি কে ?”

বালিকা।—আমি সন্তাসিনী, নাম লক্ষ্মী।

বিমল।—এ কাহার বাড়ী ?

বৃদ্ধ ধীরে বিনীতভাবে বলিল ;—

“আমার বাড়ী বাবা !”

বিমল কিছুক্ষণ চুপ করিয়া রহিল, পরে বলিল ;—

“কালার্টাদ আমায় সঙ্গে ফেলিয়া দিয়াছিল, আমায় কে তুলিল।”

বৃদ্ধ।—আমি তুলিয়াছি বাবা।

লক্ষ্মী বলিল ;—

“তুমি এখন অসুস্থ, বেশী কথা বলিও না।”

বিমল চক্ষু বুজিয়া চুপ করিয়া শুইয়া রহিল। কিছুক্ষণ পরে

বৃদ্ধ বলিল ;—

“কিছু খাইবে কি ?”

বিমল ধীরে ধীরে বলিল ;—

“একটু দুধ—”

বৃদ্ধ সাহসাদে বলিল ;—

“বেশ বাবা। বেশ ! আমি দুধ আনিয়া দিতেছি।”

এই বলিয়া বৃদ্ধ লাঠীভর দিয়া তাড়াতাড়ি চলিল। তাহার শুষ্ক-কটীদেশ যেন সোজা হইয়া উঠিল। কিছুপরে বৃদ্ধ বড়

## বিশ্বাবর্তী

এক বাটী দুধ নিয়া আসিয়া বলিল ;—

“এই নাও ।”

লক্ষ্মী দুধের বাটী হাতে নিয়া বিমলকে উঠিতে বলিল । বিমল উঠিতে চেষ্টা করিল, কিন্তু দৌর্য্যল্যবশতঃ পারিল না । লক্ষ্মী তাহাকে ধরিয়া উঠাইল এবং তাহার মুখের কাছে দুধের বাটী ধরিল । বিমল লক্ষ্মীর মুখপানে একবার চাহিয়া, দুধপানে প্রবৃত্ত হইল ; কিছু পান করিয়া আবার লক্ষ্মীর মুখপানে দৃষ্টিপাত করিল, আবার পান করিল, আবার চাহিল । এইরূপে দুধ নিঃশেষ হইয়া গেল, লক্ষ্মী পাত্র রাখিয়া হাত ধুইয়া ফেলিল, বিমল মুখ ধুইয়া শুইয়া পড়িল । বৃদ্ধ চলিয়া গেল । বিমল আবার কিছুক্ষণ নীরব থাকিয়া, লক্ষ্মীর মুখপানে চাহিয়া জিজ্ঞাসিল ;—

“তুমি কে ?”

লক্ষ্মী ।—বলিলাম ত আমি সন্তাসিনী ।

বিমল ।—এ বৃদ্ধ তোমার কে হয় ?

লক্ষ্মী ।—সম্বন্ধে কেউ নয়, তবে তোমার ও আমার উদ্ধার-কর্তা ।

বিমল ।—তুমিও কি জলে ডুবিয়াছিলে ?

লক্ষ্মী ।—হঁা ।

বিমল ।—কেমন করিয়া ডুবিলে ?

লক্ষ্মী ।—সে সব তোমার শুনিয়া কাজ নাই, তুমি ঘুমোও ।

বিমল ছাড়িল না, শুনিবার জন্য জিদ করিতে লাগিল । অগত্যা লক্ষ্মীকে সব বলিতে হইল । শুনিয়া বিমল স্তম্ভিত হইয়া গেল, বলিল ;—

“ধন্য তোমার পরোপকারিতা ! তুমি নারী, না দয়ার জীবন্ত  
প্রতিমূর্তি ! আর ধন্য ঐ বৃদ্ধ ধীবর !”

লক্ষ্মী মুখ শুঁড়িয়া বসিয়া রহিল, কিছু বলিল না। পরে বিমল  
আত্মপরিচয়, দাদার নিরুদ্দেশের কথা, জলে ডোবার কথা, সমস্ত  
বর্ণন করিয়া উচ্চৈঃস্বরে কাঁদিতে লাগিল। লক্ষ্মী মধুরবাক্যে  
তাহাকে সান্ত্বনা দিল। বিমল প্রকৃতিস্থ হইল ও ঘন ঘন লক্ষ্মীর  
সুন্দর মুখে চাহিতে লাগিল। সে দৃষ্টির অর্থ,—বিমল লক্ষ্মীকে  
ভাল বাসিয়াছে।

### পঞ্চম পরিচ্ছেদ।

তিন চারি দিন পরে বিমল সম্পূর্ণ সুস্থ হইলে, লক্ষ্মী এক  
ধীবরের নিকট বিদায় প্রার্থনা করিল। বৃদ্ধ অনেক আপত্তি  
করিল, অনেক দুঃখ প্রকাশ করিল, অনেক কথা বলিল ; কিন্তু  
লক্ষ্মী বিনীতস্বরে কহিল ;—

“আমার না গেলেই নয়, আমাকে গঙ্গানাগর যাইতে হইবে।”

অগত্যা বৃদ্ধ নৌকা করিয়া তাহাদিগকে কলিকাতায় রাখিয়া  
আসিতে চাহিল। বিমল তাহাতে স্বীকৃত হইল, কিন্তু লক্ষ্মী  
সম্মত হইল না, সে বলিল ;—

“আমি ব্রহ্মচারিনী, হাটিয়া যাইব।”

## বিভাবতী

বিমল হাসিয়া বলিল ;—

“কেন ?”

লক্ষ্মী ।— এক উপায় থাকিতে অন্য উপায়ের আশ্রয় লওয়া আমাদের ধর্মে নিষিদ্ধ ।

বিমল ।—এক উপায় কি আছে ?

লক্ষ্মী ।—হাটিয়া যাওয়া এক উপায় আছে ।

বিমল মনে মনে বলিল ;—

“এই ছাই ধর্ম আমার মানুষে গ্রহণ করে ।—”

পরে প্রকাশে কহিল ;—

“তাহা হইলে আমিও হাটিয়া যাইব ।”

তখন অশ্রুতে হাসিয়া বুদ্ধ বিদায় দিল । উভয়ে ঈশ্বরের নিকট বৃদ্ধের মঙ্গল প্রার্থনা করিয়া এবং তাহাকে মধুর বাক্যে সান্তনা দিয়া প্রস্থান করিল । বুদ্ধ কিছুক্ষণ নীরবে থাকিয়া, পরে পশ্চাৎ হইতে কম্পিতকণ্ঠে কহিল ;—

„দেখিও বাবা ! দেখিও মা ! যেন এ বুড়োটিকে একেবারে ভুলিয়া যাইও না ।”

উভয়ে কিরিয়া সমস্তরে কহিল ;—

“আমাদের প্রাণদাতাকে ভুলিব কিরূপে ?”

পরে আবার হাটিতে লাগিল । যখন তাহার দৃষ্টির অন্তর্হিত হইয়া গেল, তখন বুদ্ধ একটা দীর্ঘ নিশ্বাস ছাড়িয়া কহিল ;—

“ধানা, ডোবায় রত্ন থাকিবে কেন ?”

লক্ষ্মী ও বিমল বরাবর রাজ পথ পন্থিয়া দক্ষিণাভিমুখে চলিতে-



ছিল। সন্ধ্যা হইলে বিমল বলিল ;—

“এখন ?”

লক্ষ্মী।—এখন কি ?

বিমল।—কোথায় থাকিবে ?

লক্ষ্মী।—আমার থাকিবার ভাবনা নাই ; তোমার চেষ্টা কর ।

বিমল।—তোমার থাকিবার ভাবনা নাই কেন ?

লক্ষ্মী।—ঘর, বাড়ী, বিছানা, সব আমার সঙ্গে ।

বিমল।—কি বকম ?

লক্ষ্মী। কি বকম শুনিবে ? শোন.— এই সুজলা সুফলা শ্যামলা ধবনী আমার গৃহ, ঐ উর্ধ্বে নীল-নিম্বল-নারদ-মালা-শোভিত আকাশ আমার ছাদ, এই নব-শষ্প-বিমণ্ডিত ভূমিখণ্ড আমার শয্যা দেখ দেখি বিমল । এ অটালিকার কাছে তোমাদের ইষ্টক-গৃহ কত ক্ষুদ্র, এ ছাদের তুলনায় তোমাদের লোভাব ছাদও কত অল্পায়ু, এ শয্যার কাছে তোমাদের তৃষ্ণফেৰ্ণনিত শয্যাও কত অসার !

বিমল কিছুক্ষণ নীরব থাকিয়া পরে কহিল ;—

“কিন্তু ইহাতে যে পদে পদে বিপদ ।”

লক্ষ্মী।—কি বিপদ ? কোথায় বিপদ ?

বিমল।—বিপদ নয় ? এই ধব না-এখন যদি বাড় হয়, কি রুষ্টি হয়, তাহা হইলে কি করিবে ?

লক্ষ্মী।—কি করিব ? এরকম বিপদ কি তোমাদের গৃহে নাই ? তোমাদের গৃহে ইহার অপেক্ষা বেশী বিপদ আছে ।

বিমল।—কি ?

## নিষ্ঠানত

লক্ষ্মী পড়ে ; কড়ি বর্গা হইতে ঘুণ পড়ে,

ইত্যাদি

বিমল : “হাঃ হোঃ” করিয়া হাসিয়া উঠিল, বলিল ;—

“কুলপড়া, ঘুণ পড়ার সঙ্গে ঝড়বৃষ্টির সমান তুলনা করিলে ?”

লক্ষ্মী : “ভ.ব. কহিল ;—

“সমান নয়, কম তুলনা করিলাম ।”

বিমল : নীরবে লক্ষ্মীর মুখপানে চাহিয়া রহিল, ভাবিল ;—

“এ পড়া ক’ল পাগল নাকি ?”

লক্ষ্মী : কছুক্ষণ নীরব থাকিয়া পবে কহিল ;—

“বিমল ! গর্ব মনে করিও না, আমাদের পক্ষে ঝড় বৃষ্টি  
যত কষ্টকর, আমাদের পক্ষে কুলপড়া, ঘুণপড়া তাহার অপেক্ষা  
বেশী কষ্টকর । কেন না, আমরা সন্ন্যাসী,—তোমরা সংসারী ;  
আমরা সঙ্কল্পে, তোমরা অসহিষ্ণু ; আমরা পাথর, তোমরা মাটি ।”

লক্ষ্মী : কছুক্ষণ নীরব থাকিয়া কহিল ;—

“বিমল ! বুঝাযা দেখ, যে ব্যক্তি ঝড় বৃষ্টিকে কুলপড়া, ঘুণ-  
পড়া অপেক্ষা বেশী কষ্টকর মনে করে, সে কি কখনও এই পৃথি-  
বীকে ভাঙে নর, আকাশকে তাহার ছাদ, ভূগ-কন্টককে তাহার  
শয্যা, চন্দ্র সূর্যকে তাহার শদীপ মনে কবিতো পারে ? বিমল !  
হৃদয়ঙ্গম কর, আগে কষ্ট, তার পর কষ্ট ।

বিমল : কিছু বুকিল না, হাসিয়া বলিল ;—

“তাহার আমার এত উপকার করিয়াছ, আত্মকার এই  
ক্ষুদ্র রান্টি ক’ল তোমার ঘরে আয়ায় একটু যামগা দেবে না ?”

—\*—

## ষষ্ঠ পরিচ্ছেদ ।

রাত্রি তৃতীয় যামার্কে শেষভাগে আবারে ১২ উঠিল ।  
চাঁদের অমৃতবর্ষা কিরণ বটবৃক্ষেব শাখা, প্রশাল . পত্ররাছির  
মধ্য দিয়া আসিয়া, লক্ষ্মীর অনিন্দ্য সুন্দর বদনমণ্ড পাতত হইল,  
ফুরফুরে হাওয়ায় তাহার অলকগুচ্ছ কম্পিত হইতে লাগিল ;  
তাহার সুন্দর মুখখানা আরও সুন্দর দেখাইতে লাগিল । বিমলের  
চঞ্চল নয়ন দুইটী চুরি করিয়া ~~সুধা~~ সুধা পান করিতে লাগিল ।

দেখিতে দেখিতে বিমল বাহ্যজ্ঞান শূন্য হইয়া গেল এবং ধীবে  
ধীবে আবেশমাখা স্ববে ঢাকিল ,—

“লক্ষ্মী !”

লক্ষ্মীও বিমলের স্ববেব অনুকরণে উত্তর দিল ,—

“বিমল !”

বিমল কিছুক্ষণ নীরব থাকিয়া পনে ধীবে ধীবে কহিল ;—

“লক্ষ্মী ! এই জ্যোৎস্না-মধুব রজনী, এই রক্ষ-লতা-শোভিত  
প্রাসুর, এই নবীন শম্পবিমণ্ডিত ক্ষেত্র, কি সুন্দর !”

লক্ষ্মী বলিল ;—

“বিমল ! যাঁহার কিরণে চন্দ্র সূর্য্য কিরণময়, যাঁহার অপর-  
বিকাশে যামিনী হাস্যময়ী, যাঁহার অঙ্গেব আভাস এই পৃথিবী  
শ্রামলা ; তিনি কি সুন্দর !।”

বিমলের অস্ত্র ব্যর্থ হইল, সে নীরবে ভাবিতে লাগিল, কিছুক্ষণ

## বিভাবতী

ভাবিয়া অন্য অঙ্গের সন্ধান করিল। ডাকিল ;—

“লক্ষ্মি !”

“বিমল !”

“লক্ষ্মি ! তুমি আর একবার ডাক ! ঐ রকম সুধামাখা স্বরে, ঐ রকম গদগদকণ্ঠে, ঐ রকম আবেগ-পূর্ণ হৃদয়ে, আর একবার ডাক ! লক্ষ্মি ! তোমার কণ্ঠস্বর কি মধুর !”

“বিমল ! যিনি আমার কণ্ঠে এই মধুর স্বর দিয়াছেন ; যিনি ইহা অপেক্ষা মধুর কোকিল-কণ্ঠ সৃজন করিয়াছেন ; তাঁহার কণ্ঠস্বর কি মধুর ! !”

এবারও বিমলের অস্ত্র ব্যর্থ হইল। কিন্তু তথাপি সে লক্ষ্মীর হৃদয়রূপ অভেদ্য দুর্গে প্রবেশের বাসনা ছাড়িল না। আবার ডাকিল ;—

“লক্ষ্মি !”

“বিমল !”

লক্ষ্মি ! ভগবান্ সব সৃষ্টি করিয়াছেন, যেখানে যাহা সাজে, সেইখানে তাহাই দিয়াছেন ; কিন্তু—কিন্তু লক্ষ্মি ! তোমার হৃদয়ে ভালবাসা দেন নাই কেন ?”

“কিসে বুঝিলে ?”

“কিসে বুঝিলাম ? বুঝিলাম,—তোমার নিশ্চয় বাক্যচ্ছটায়, বুঝিলাম,—তোমার নীরস কণ্ঠস্বরে ; বুঝিলাম,—তোমার অচঞ্চল চাহনিতে।”

“কেন আমি ত তোমায় খুব ভালবাসি।”

বিমলের হৃদয়ে আবার আশার উৎস উঠিল, বলিল,—

“বাস লক্ষ্মি ?”

লক্ষ্মী ।—বাসি—ভালবাসি, যেমন মাতা পুত্রকে ভাল বাসেন,  
সেই রকম ভালবাসি ।

শুনিয়া বিমল দুঃখিত, বিরক্ত ও ক্ষুব্ধ হইয়া সজ্ঞারে একটা  
নিশ্বাস ছাড়িল । তদর্শনে দয়াবতী লক্ষ্মীর হৃদয় ব্যাধিত হইল,  
সে বলিল :—

“বিমল ! আমি বিবাহিতা ।”

“বিবাহিতা !”

বিমল চমকিয়া উঠিল, বলিল :—

“বিবাহিতা !”

লক্ষ্মী ।—হাঁ বিমল । আমি বিবাহিতা ।

বিমল ।—তবে তুমি গৃহ ছাড়িয়া, গৃহদগ্ন ছাড়া, স্বামী  
ছাড়িয়া, কেন যেখানে সেখানে থাক ?

লক্ষ্মী ।—কেন বিমল ! আমি ত কিছুই ছাড়া নাই । এই  
পৃথিবী আমার গৃহ, পরোপকার আমার গৃহদগ্ন, এবং ব্রহ্মাণ্ড-  
সম্রাট ভূতভাবন শ্রীকৃষ্ণ আমার স্বামী ।

শুনিয়া বিমল কিছুক্ষণ স্তব্ধ হইয়া রহিল, পরে বলিল ,

“লক্ষ্মি ! এতক্ষণে বুঝিলাম, তুমি বৈকুণ্ঠ-বিলাসিনী লক্ষ্মী ।

লক্ষ্মি ! অজ্ঞান-বোধে আমায় ক্ষমা কর ।”

লক্ষ্মী ।—বিমল ! সেই ক্ষম্যদের কাছে নমো চাপ ।

## সপ্তম পরিচ্ছেদ ।

পরদিন বিমল একবুক ভালবাসা লইয়া চলিয়া গেল । সে চলিয়া গেলে, লক্ষ্মী কয়েক দিন ঘুবিয়া ঘুরিয়া সন্ধ্যাসীর অনুসন্ধান করিল, পাইল না । তিনি ইতোপূর্বে লক্ষ্মীকে খুঁজিয়া না পাইয়া সাগরযাত্রা করিয়াছেন । লক্ষ্মী সন্ধ্যাসীর সন্ধান পাইবার কোন উপায় না দেখিয়া একটী বৃক্ষের ছায়ায় বসিয়া স্বামী ধ্যান করতে লাগিল । তখন বেলা দ্বিপ্রহর ।

লক্ষ্মীর স্বামী কে ?

যিনি বহির্জগতের বহির্ভূত, অথচ এ জগতের সকলের প্রতি সমভাবে দৃষ্টিমান্ ও রাজা প্রজা, ধনী দরিদ্র, উচ্চনীচ, ব্রাহ্মণ চণ্ডাল, রত্ন বালুকণা প্রভৃতি সকলেই সমভাবে বিরাজমান্ ; যিনি সকলের প্রভু, সকলের শ্রষ্টা, সকলের কর্ণের বিচার-কর্তা ; তিনিই লক্ষ্মীর স্বামী । যিনি জলাশয়ে জল, স্থলে মৃত্তিকা, শূন্যে বায়ু ; যিনি জীবের কর্ম, কর্মের কীৰ্ত্তি, কীৰ্ত্তির পরিণাম ; যিনি ক্রিস্চানের গড্, মুসলমানের খোদা, হিন্দুর ব্রহ্ম ; যিনি বিরাট, যিনি অনন্ত, যিনি অতুলনীয় , তিনিই লক্ষ্মীর স্বামী । যিনি নিষ্কল অর্থাৎ অসংখ্য গুণবান্ ; যিনি নিষ্কিঁকার, অর্থাৎ যাঁহার বিকারের সীমা নাই, প্রতি পলকে যিনি কোটী কোটী বার বিকৃতি প্রাপ্ত হইয়েন ; যিনি নিরাকার, অর্থাৎ যাঁহার আকার গণনার অতীত ; তিনিই লক্ষ্মীর স্বামী । যিনি পাপীর চক্ষে যমদূত, পুণ্যাঙ্গার চক্ষে অক্ষয় স্বর্গ ; যিনি ভক্তের চক্ষে ভক্তিময়ী প্রকৃতি,

প্রেমিকের চক্ষে প্রেমময় পুরুষ, তিনিই লক্ষ্মীর স্বামী ।

তাঁহাকে যে. যে ভাবে ডাকে, তিনি সেই ভাবে তাহাকে দেখা দেন । লক্ষ্মী তাঁহাকে প্রেমের দ্বারা উপাসনা করিতেছিল, তিনিও প্রেমময়ী মূর্তিতে তাহার সম্মুখে বিবাক্ষ কবিত্তে ছিলেন । এমন সময় একটা সন্ন্যাসী তথায় উপস্থিত হইয়া সেই বৃক্ষতলে বসিলেন । কিছুক্ষণ বসিয়া, পরে উঠিয়া বৃক্ষের ছায়ায় পদচাবণা করিতে লাগিলেন । অনেকক্ষণ পরে লক্ষ্মী চক্ষু মেলিল ; তাহার দৃষ্টি সন্ন্যাসীর প্রতি পড়িল । সে অনেকক্ষণ চাহিয়া সন্ন্যাসীকে নিরীক্ষণ করিল, পরে জিজ্ঞাসিল :—

“ঠাকুর ! তোমার নাম কি—”

“শিবরাম গোস্বামী ।”

“মিথ্যাবাদিনী !”

লক্ষ্মী দলিতা ফণিনীর মত গর্জিয়া কহিল :—

“মিথ্যাবাদিনী !”

সন্ন্যাসী ভয়ে, বিষণ্ণ, গজ্জায় বদন অবনত করিয়া রহিলেন ।

লক্ষ্মী হাসিয়া বলিল ;—

“দ্বিদি ! আমার সঙ্গে ও চালাকী ?”

সন্ন্যাসীর ভয় ও লজ্জা দূরীভূত হইল বটে, কিন্তু বিষয় তাৎপর্য বগাড়ল । তিনি পূর্ববৎ দাঁড়াইয়া লক্ষ্মীর মূখপানে সর্বিস্ময়ে চাহিয়া রহিলেন । লক্ষ্মী সন্ন্যাসীর হাত ধরিয়া নিজেইর পাশে বসাইয়া হাসিয়া বলিল ;—

“দ্বিদি ! বড় বিস্মিত হইতেছ বোধ হয়, যে এ সন্ন্যাসিনী বালিকা তোমাকে চিনিল কি প্রকারে ?”

## বিভাবতী

শিবরাম ঠাকুর কোন উত্তর দিলেন না, অবনত মস্তকে বসিয়া বহিলেন। লক্ষ্মী বলিল :—

“দিদি মনে পড়ে তোমার বিবাহের দিন ?”

শিবরাম লজ্জায় অবনত মুখে অক্ষুটস্বরে কহিলেন ;—

“পড়ে।”

“মনে পড়ে, তোমার বাপের বাড়ীর পূর্বদিকে একটা উদ্যান আছে।”

“পড়ে।”

“মনে পড়ে, তোমার বিবাহের দিন সেখানে একটা সন্ন্যাসিনী বালিকার সঙ্গে তোমার কথাবার্তা হইয়াছিল ?”

সন্ন্যাসী সানন্দে বলিয়া উঠিলেন,—

“তুমিই সেই লক্ষ্মী ?”

লক্ষ্মী।—হঁা বিভাবতী। আমিই সেই লক্ষ্মী। কিন্তু ধন্য! আমাকে চিনিতেই পারিলে না।

বিভা।—তুমি আমাকে চিনিলে কি প্রকারে ?

লক্ষ্মী।—চিনিলাম,—তোমার চলনে ; চিনিলাম,—তোমার চা শুনিতে ; বিশেষরূপে চিনিলাম,—তোমার কণ্ঠস্বরে।

পরে কিছুক্ষণ স্তব্ধ থাকিয়া কহিল ;—

“কিন্তু দিদি। তোমার এ বেশ কেন ?”

বিভা।—তোমার শিক্ষার গুণে। লক্ষ্মী। তুমি আমার গুরু, তোমার উপদেশে আমি ধর্মকে ভালবাসিতে শিখিয়াছি।”

এই বলিয়া সে আদ্যপাস্ত সমস্ত ঘটনা লক্ষ্মীর নিকট বর্ণন করিল। শুনিয়া লক্ষ্মী দুঃখিত হইয়া জিজ্ঞাসিল ;—

“দিদি। তোমার স্বামী কতদিন গৃহত্যাগী ?”



বিভা বলিল ;—

“আজ তিন মাস ।”

লক্ষ্মী ।—তাঁহার নাম কি ?

বিভা ।—নির্ম্মলচন্দ্র চট্টোপাধ্যায় ।

লক্ষ্মী ।—নির্ম্মল !

বিভা ।—হাঁ নির্ম্মল ; অমন করিয়া উঠিলে কেন ?

“হাঁ—না” লক্ষ্মী মনোভাব গোপন করিয়া বলিল ;

“তোমরা স্বামীর নাম ধরনা যে ?”

বিভা ।—কেন ধরিব না ? স্বামী আমাদের দেবতা, দেবতার নাম ধরিব না ? আর আমরা যদি স্বামীর নাম না ধরিতে পাই, তবে পুরুষেরা আর ঈশ্বরের নাম ধরিতে পাইবে না ।

লক্ষ্মী ।—আমিও তাই বলি ; কিন্তু দেখি, অনেকেই ধরে না ; এমন কি, স্বামীর নাম যদি হয় হরি, সে হরিবোল পর্য্যন্ত বলে না ।

বিভা ।—ও কেন ? এমন বাঁদরী বেটীরাও আছে, যাহাদের স্বামীর নাম যদি হয়, ক্ষীরোদ, দীননাথ, কি সতীশ ; তারা ক্ষীর দিন, সতী পর্য্যন্ত উচ্চারণ করে না, তবে কি জান,—যাহার তাহার কাছে বলিতে একটু লজ্জা করে ।

লক্ষ্মী ।—যাক্— আমার সে জন্ম ভাবনা কি ?

বিভা ।—কি বলিতেছিলাম ? হাঁ,—তুমি কি আমার স্বামীকে দেখে নাই ?

লক্ষ্মী ।—কেমন করিয়া দেখিব ? এ জীবনে তোমায় আমার মাত্র এই দুইবার দেখা । আচ্ছা, তাঁর কোন প্রতিচ্ছবি তোমায়

## বিভাবতী

কাছে আছে ?

বিভা ।—যদি থাকে ?

লক্ষ্মী ।—দেখি ।

বিভা ।—আগে বল, তাহা হইলে কি করিবে ?

লক্ষ্মী ।—দেখিই না ছবিটা ।

বিভা বন্ধবস্ত্র মধ্য হইতে একখানি ছবি বাহির করিল ।

লক্ষ্মী হাসিয়া বলিল ;—

“রাখিয়াছ ত ঠিক যারগায় ।”

“দেবতার আসন হৃদয়” এই বলিয়া বিভা ছবিখানি লক্ষ্মীর হাতে দিল । লক্ষ্মী ছবি দেখিয়া বলিল ;—

“দিদি ! যাহা অনুমান করিয়াছিলাম,—তাহাই । তোমার স্বামী আমার গুরুভাই । আমি তোমার স্বামীর সন্ধান করিয়া দিব ।”

বিভা সানন্দে বলিয়া উঠিল ;—

“পারিবে ?”

লক্ষ্মী ।—পারিব ।

বিভা ।—কবে পারিবে ?

লক্ষ্মী ।—তাহার কোন নিশ্চয়তা নাই । তবে যদি গঙ্গাসাগর যাইতে পারিতাম, তাহা হইলে সত্ত্বরই কাছ সিদ্ধ হইত ।

বিভা ।—গঙ্গাসাগর যাইবে কেন ?

লক্ষ্মী ।—তোমার স্বামী বাবার সহিত গঙ্গাসাগর চলিয়া গিয়াছেন ।

বিভা ।—বাবা কে ?

লক্ষ্মী ।—সন্ন্যাসী গৌরানন্দ । তিনি তোমার স্বামীকে দীক্ষিত  
করিয়েছেন ।

বিভা —তবে চলনা সাগরে ।

লক্ষ্মী ।—কিরূপে যাইব ? কাল সংক্রান্তি, সব যান চলিয়া  
গিয়াছে ।

বিভা ।—তাঁহারা ফিরিয়া আসিলে দেখা—

লক্ষ্মী ।—ফিরিয়া কবে আসেন, কোথায় আসেন, তাহার ত  
কিছু স্থিরতা নাই ।

বিভা ।—তবে কিরূপে—

লক্ষ্মী ।—তীর্থে তীর্থে অনুসন্ধান করিতে হইবে ।

— \* —

### অষ্টম পরিচ্ছেদ ।

ওদিকে বিভাবতী হাটিতেছে,—আর স্বামীর অনুসন্ধান করি-  
তেছে ; সেদিকে নির্মল কাঁদিতেছেন—আর রমণীর রূপ-লাবণ্যকে  
ধিকার দিতেছেন ; এদিকে আমি লিখিতেছি,—আর সমাজের  
গাল কুড়াইতেছি । পাঠক ! আমাদের তিনজনের অবস্থা কি  
একই রকমের নয় ? বিভাবতী কি ছিল,—কি হইয়াছে ! নির্মল  
কি ছিলেন,—কি হইয়াছেন ! আমি কি ছিলাম,—কি হইয়াছি !

## বিভাবতী

তবে বিভা ধর্মের জন্ম, নির্মল ভালবাসার জন্ম. আমি লেখনীর জন্ম ।

যাহা হউক, এখন এদিক ওদিক ছাড়িয়া দিয়া, সেদিকের বিষয় কিছু আলোচনা করি ;—সেদিকে অর্থাৎ গঙ্গাসাগর দ্বীপে অতি প্রত্যাষে একটি বালুকাময় সৈকতের উপর দাঁড়াইয়া নির্মল সে মহান দৃশ্য দেখিতেছিলেন । যতদূর দৃষ্টি যায়, দেখিতেছিলেন— কেবল নির্মলনীল জল, আব নির্মল নীল আকাশ,—কিছুদূর গিয়া পরস্পর মিশিয়া গিয়াছে । জলে উত্তাল তরঙ্গসকল খেলিতেছে— ফেনচয় ভাসিতেছে ; আকাশে খণ্ড খণ্ড মেঘ ভাসিতেছে,—তুই একটি নক্ষত্রও হাসিতেছে । উৎসব বোধ হইল, এই জঙ্গলময় সাগরদ্বীপ এবং জল ও আকাশ বাতীত পৃথিবীতে আর কোথাও কিছু নাই ।

ক্রমে সেই জলধির জলরাশি ভেদ করিয়া ধীরে ধীরে সূর্য্য উঠিতে লাগিল । প্রথমে খুব অল্প,—একটি স্বর্ণরেখার ন্যায়, পরে চতুর্থাংশ, তৎপরে সম্পূর্ণ উঠিল, তৎপরে জলরাশি ছাড়িয়া এক-বারে আকাশে উঠিয়া কিরণ ঢালিতে লাগিল । তখন তাহার উজ্জ্বল কিরণমালা সমস্ত স্থানকে আলোকিত করিল ।

বালুকাময় সৈকত ভূমি একে উজ্জ্বল, তদুপরি প্রভাকরের উজ্জ্বল কিরণসম্পাতে আরও উজ্জ্বল হইল, তদুপরি উজ্জ্বল উত্তাল তরঙ্গমালা প্রতিহত হওয়াতে আরও উজ্জ্বল হইল, তদুপরি সুন্দরী রমনীকুল অলঙ্কৃত চরণ বিক্ষেপ করিতে করিতে চিহ্না যাওয়াতে আরও উজ্জ্বল হইল । নির্মল কিছুক্ষণ উজ্জ্বল মনে সে উজ্জ্বল দৃশ্য দেখিয়া, পরে সন্ন্যাসীর সমীপে চলিয়া গেলেন ।

চরের উপর সন্ন্যাসী কুটীর। নিম্নলি কুটীবে উপস্থিত হইলে সন্ন্যাসী বলিলেন ;—

“নিম্নলি !, চল স্নান করিয়া আসি .”

তখন উভয়ে স্নানার্থে সমুদ্র কিনারায গিয়া দাঁড়াইলেন। ঘাটে অত্যন্ত ভিড়,—তন্মধ্যে অধিকাংশ লোক হিন্দুস্থানী। কোথাও সারি সারি লোক বসিয়া মাথা পাতিয়া দিয়াছে,—তরঙ্গ গুলার বড় আমোদ,—তাহারা ভীম বেগে, গম্ভীর কল কল নাদে, তাল প্রমাণ হইয়া আসিয়া, তাহাদের মাথান উপর প্রতিহত হইতেছে। কোথাও কোন কোন লোক দাঁড়াইয়া স্নোত্র পাঠ করিতেছে, তরঙ্গ আসিয়া তাহাদিগকে ফেলিয়া দিতেছে—লবণাক্ত জল খাওয়াইতেছে—হয়ত কাহাকে ঠেলিয়া ভীরে লইয়া বাইতেছে। কোথাও কোন যুবক জলে দাঁড়াইয়া, কোন সুন্দরীর প্রতি বিলোল কটাক্ষ হানিতেছে, উপযুপায় দুই তিনটা তরঙ্গ আসিয়া তাহাকে উত্তম মধ্যম প্রহার করিতেছে। কোথাও কেহ ভীমে বসিয়া গায়ে কাদা মাখিতেছে, তরঙ্গ আসিয়া তাহা ধুইয়া লইয়া বাইতেছে। আর সন্ন্যাসীও নিম্নলির পদতলে আছড়াইয়া পড়িয়া তাহাদিগকে আনন্দে যোগ দিতে ডাকিতেছে। তাহার তাহাদের কথা শুনিয়া জলে নামিলেন। সন্ন্যাসী ডুব দিলেন, কি প্রার্থনা করিলেন—জানিনা, নিম্নলি ডুব দিলেন, বলিলেন,—

“আমি যেন বিভার ভালবাসা পাই।”

স্নানান্তে উভয়ে কর্ণিল ঘূনির দর্শন আশায় চলিলেন, অথৈ গৌরানন্দ, পশ্চাতে নিম্নলি। কিছুদূর যাইয়া কদলী বনের মধ্যে কর্ণিলের কুটীর দেখিতে পাইলেন। উভয়ে কুটীর প্রবেশ করিয়া

## বিভাবতী

প্রণাম করিলেন এবং পূজা করিলেন। সন্ন্যাসী কিছু প্রার্থনা করিলেন কি না, নিশ্চল করিলেন ;—

“আমি যেন বিভার ভালবাসা পাই।”

একবার, দুইবার, তিনবার ; ঐ একই কথা ;—

“আমি যেন বিভার ভালবাসা পাই।”



## পঞ্চম খণ্ড ।

### প্রথম পরিচ্ছেদ ।

সন্ধ্যা হইল । সে দিন পূর্ণিমা, কিন্তু চাঁদ উঠিল না, আকাশে নক্ষত্র হাসিল না, শূণ্ঠে নীলিমা বহিল না । আকাশ ঘনঘোর কৃষ্ণবর্ণ মেঘমালায় সমাচ্ছন্ন, চারিদিকে নিবিড় অন্ধকার, প্রকৃতি নীরব ও গম্ভীর । মেঘগুলা জমাট বাধিয়া জলভরে টল মল করিতেছে, কিন্তু বর্ষণ করিতেছে না; পবন গম্ভীর ভাবে অবস্থিতি করিতেছে, কিন্তু বহিতেছে না; বিদ্যুৎ স্মন্দরী মেঘের উপর ছুটাছুটি করিতেছে, কিন্তু গর্জন করিতেছে না । সকলেই যেন যুদ্ধের পূর্বে সৈন্যের গায় বিশ্বসেনাপতির আদেশের প্রতীক্ষা করিতেছে ।

অতি বিস্তৃত প্রান্তর ; তাহার মাঝখান দিয়া রাজপথ বদ্বারব চলিয়াছে । রাজপথের একধারে নদী, অপরধারে গাভ জঙ্গল । তরুগণ ব্রততী-জড়িত হইয়া শোভা পাইতেছে, তাহাদের একটি পাতাও কাঁপিতেছে না । বৃক্ষে অনেক পাখী আছে, কেহ কলরব করিতেছে না । ভূমিতে নবজাত তৃণ সকল শোভা পাইতেছে, একটি পশুও তথায় চরিতেছে না । জঙ্গল মধ্যে অনেক হিংস্র জন্তু আছে, কেহ গর্জন করিতেছে না বা বাহির হইতেছে না । নদীতে তরঙ্গ নাই ; অনেক নৌকা আছে, কেহ চলিতেছে না,—তীরে বৃক্ষে দৃঢ়রূপে বাধা রহিয়াছে । হৃষ্যোগ

## বিভাবতী

বুঝিয়া—সকলেই সাবধান হইয়াছে । পথিক পথ ছাড়িয়া পল্লীতে আশ্রয় লইয়াছে, ; কৃষক কৰ্ষন ফেলিয়া গৃহে ছুটিয়াছে ; রাখাল গরু ফেলিয়া পলাইয়াছে । পক্ষিগণ গীত ছাড়িয়া নীড়ে লুকাই-  
যাছে । সমস্ত প্রান্তর নিঃশব্দ, নিম্পন্দ, নিৰ্জ্জন । কেবল রাস্তার পাশে দুইটী লোক নিমিলিত নেত্রে যোগাসনে বসিয়া আছে—সে লক্ষ্মী ও বিভা । বাহু জগতের এ ভীষণতা তাহারা অনুভব করিতে পারিতেছে, এরূপ বোধ হয় না ।

সহসা বুঝি বিশ্বসেনাপতি তর্জ্জনী সঞ্চালন করিলেন । ‘ঝর্ ঝর্’ শব্দে বৃষ্টি নামিল, ‘কড়্ কড়্’ শব্দে বিদ্যুৎ গর্জিল, ‘সাঁই সাঁই’ শব্দে বাতাস বহিল ; —বনভূমি কম্পিত হইল, নদীতে ভীমনাদে প্রকাণ্ড প্রকাণ্ড তরঙ্গ উঠিল, লক্ষ্মী ও বিভা পূর্ববৎ বহিল ।

মড়্ মড়্ শব্দে গাছ ভাঙিতে লাগিল ; তদস্থ পক্ষিসকল আশ্রয়চ্যুত হইয়া আকাশে উড়িতে লাগিল, ঝড়্ বৃষ্টি খাইয়া পড়িতে লাগিল, কত মরিল । জলে সমস্ত প্রান্তর প্লাবিত হইয়া গেল,—সর্পের বিবর জলে পুরিয়া গেল, সর্প বাহির হইল, কত মরিল । শৃগালের গহ্বর জলে ডুবিয়া গেল, তাহারা চীৎকার করিয়া ইতস্তত ছুটাছুটি করিতে লাগিল, কত মরিল । শূকরের আবাশ-জঙ্গল চূর্ণ হইয়া গেল, তাহারা প্রাণভয়ে পালাইতে লাগিল, কত মরিল । লক্ষ্মী ও বিভা পূর্ববৎ রহিল ।

উভয়ে স্ব স্ব স্বামীধ্যানে নিমগ্নিতা । প্রকৃতি প্রান্তরে এত উপদ্রব করিতেছে—তুধু প্রান্তরে নয়, তাহাদের উপরও চলিতেছে, তাহা তাহারা বুঝিতেছে ; কিন্তু বুঝিয়া কি করিবে ?



যখন মনুষ্য একমনে কোন চিন্তা করে, তখন তাহার মুণ্ড কাটিয়া পড়িলেও তাহার চৈতন্য হয় কিনা সন্দেহ, অথবা হস্তে কণ্টক বিদ্ধ হইলেও কে নীলপদ্ম তুলিতে ক্ষান্ত হয় ?

তখন তাহাদের বর্হিচক্ষু নিমিলিত, মনশ্চক্ষু স্বর্গসুখ উপভোগ করিতেছিল। সর্বাঙ্গ জলে, বাতাসে, শীতে, উৎপীড়িত, আত্ম আনন্দস্রোতে ভাসিয়া যাইতেছিল। রক্তমাংসনির্মিত কর্ণ বিদ্যুতের ঝড়, ঝড়ানিতে বধির প্রায়, অন্তরের কর্ণ এক অপূর্ণ সঙ্গীতে মজিতেছিল।

তখন তাহাদের মূর্তি হুইখানি জননীর স্নেহের মত নির্মল, দেব-ধির সঙ্গীতের মত প্রশান্ত, উপাস্তের নামের মত পবিত্র ! সে মূর্তি দেখিলে অতি পাষণ্ডের হৃদয়ও ভক্তিতে বিস্ফারিত হইয়া উঠে, কামুকের চিন্তেও মাতৃভাব জাগিয়া উঠে, সে মূর্তি সতীত্বের পবিত্র প্রতিমা, ভক্তির নির্মল প্রস্রবন, প্রেমের অমৃত উৎস।

ক্রমে মেঘগুলি সব জল হইয়া নামিয়া আসিল, আশ্রয়হীন হইয়া চপলা পলাইল, সঙ্গীহীন হইয়া ঝটিকা পলাইল, অন্ধকার পলাইল। তখন আকাশ নির্মল হইল, তাহাতে অসংখ্য নক্ষত্র ফুটিল, তাহাদের মাঝে চন্দ্র হাসিল। তটিনী শান্ত হইল, প্রকৃতি সুন্দরী সাজিল। রুষ্টি-ধৌত বৃক্ষসকলে কোবুদী অধিষ্ঠিত প্রতিফলিত হইল, শ্যামলক্ষেত্র সকল অধিকতর উজ্জ্বল হইল, নদীর জল অধিকতর নীলিমায় হইল।—এ যে দুঃখের পর সুখ, বিরহের পর মিলন, অভিমানের পর আলিঙ্গন।

লক্ষ্মী ও বিভা যখন চৈতন্য প্রাপ্ত হইল, তখন রজনী হাস্তময়ী ; কিন্তু পথে বড় কর্দম। বিভা হিলিল ;—

## বিভাবতী

“কি করিবে ?”

লক্ষ্মী ।—কি আর করিব, এই কাদার উপরেই থাকিব ।

বিভা ।—চল না, এক বাড়ীতে গিয়া থাকি ।

লক্ষ্মী ।—কে যায়গা দেবে, বল ?

বিভা ।—যে হয়, দেবে বৈকি । যদি একাস্তই না পাই, তখন কাদাই সহি । রাত ত বেশী হয় নাই ।

লক্ষ্মী ।—চল ।

তখন উভয়ে গ্রামাভিমুখে চলিল । কিন্তু রাত্রে কেহই তাহা-  
দিগকে আশ্রয় দিতে স্বীকৃত হইল না । অগত্যা তাহারা “পুণ-  
মুষ্ণিকঃ ভব” । সবই সেই সীলাময়ের লীলা !

## দ্বিতীয় পরিচ্ছেদ ।

অনেক তীর্থে সন্ধান করিয়া বসন্তের শেষভাগে লক্ষ্মী ও বিভা  
মহাতীর্থে হরিদ্বারে পৌঁছিল । হরিদ্বারের প্রাকৃতিক দৃশ্য বড়  
নয়নরঞ্জক ও চিত্তাকর্ষক । বিভাবতী সে মহান দৃশ্য দেখিয়া  
আত্মহারা হইল । লক্ষ্মী অনেকবার দেখিয়াছে, তথাপি মোহিত  
না হইয়া থাকিতে পারিল না । তাহারা ক্ষুধা তৃষ্ণা ভুলিয়া গেল,  
কেবল সতৃষ্ণনয়নে সেই সৌন্দর্য্যময় দৃশ্য দেখিতে লাগিল । কি  
সে দৃশ্য ! স্তরে স্তরে পর্ব্বতমালা সুসজ্জিত হইয়া সোপান শ্রেণীবৎ

নীল-নির্মল-অনন্ত-আকাশ ভেদ করিয়া উঠিয়াছে। তদুপরি অনন্ত শূণ্ণে প্রকাণ্ড ধূমপিণ্ডবৎ গুহ্র জলদঙ্গল সজ্জিত হইয়া আসিতেছে। আর সেই মেঘমালার অন্তরাল দিয়া, শৈল-গাত্র বহিয়া, নীল-নির্মল-অনন্ত-সলিলা জাহ্নবী নদী কল কল স্বনে ঝরু ঝরু করিয়া ঝরিয়া পড়িতেছে; তাহার উভয় তীরে পুষ্পময় শ্যামল বৃক্ষসকল শোভা পাইতেছে। কি সে দৃশ্য! মহান্, অনন্ত, অতুলনীয়!

লক্ষ্মী ও বিভাবতী একখানি শিলার উপর গুইয়া পড়িয়া সে দৃশ্য দেখিতে লাগিল। দেখিতে দেখিতে তাহারা তন্ময় হইয়া গেল। তখন তাহাদের বোধ হইল যেন তাহারা স্বর্গে আসিয়াছে। তাহাদের তখন জাহ্নবীকে মন্দাকিনী, তাহার কলধ্বানকে অম্বর-কণ্ঠ-নিঃসৃত সঙ্গীত বোধ হইতে লাগিল; গিরিগাত্রস্থ কুসুমধচিত বৃক্ষ লতাময় স্থানকে নন্দন-কানন মনে হইল; অস্তমিত-প্রায় অংশুমানের সুস্নিগ্ধ অংশুমালাকে স্বর্গের জ্যোতিঃ বলিয়া মনে হইল। দেখিতে দেখিতে তাহারা ঘুমাইয়া পড়িল।

কিছুক্ষণ পরে জনৈক সন্ন্যাসী সেই শিলার নিকট আসিয়া দাঁড়াইল। সন্ন্যাসী লক্ষ্মীকে চিনিলেন এবং কিছু নিশ্চিত ও ক্রুদ্ধ হইয়া ডাকিলেন;—

“লক্ষ্মি!”

লক্ষ্মী শুনিতে পাইল না; কিন্তু সে স্বরে শিবরাম-বেশী বিভাবতী চমকিয়া উঠিল এবং চক্ষুরুন্মীলন করিয়া একদৃষ্টিতে নবাগত সন্ন্যাসীর প্রতি চাহিয়া রহিল। সন্ন্যাসী ঠাকুর তাহা দেখিয়াও দেখিলেন না, আবার লক্ষ্মীকে ডাকিলেন। শিবরাম

## বিভাবতী

“আমি ডাকিয়া দিতেছি” বলিয়া লক্ষ্মীর গাত্র স্পর্শ করিলেন ।

তাহাতে সন্ন্যাসী আরও ক্রুদ্ধ হইয়া বলিলেন ;—

“তোমাকে কে ডাকিতে বলিতেছে ?”

একজন পর-পুরুষ যদি কোন স্ত্রীলোকের পাশে শুইয়া থাকে এবং তাহার পায়ে হাত দিয়া ডাকে, তবে মানুষের প্রাণে সহ্য না । এই সন্ন্যাসীর প্রাণে সহিবে কেন ? তজ্জন্য তিনি অত রাগিলেন । শিবরাম বলিলেন ;—

“না হয় ডাকিলাম না, কিন্তু আপনিও ডাকিবেন না ।”

সন্ন্যাসী ।—কেন ?

শিব ।—ডাকিবার আপনার কি অধিকার আছে ? জানেন, লক্ষ্মী আমাকে বিবাহ করিয়াছে ।

শিবরামের কথাগুলি তীব্র হইলেও অতি মিষ্ট । তাহার মিষ্ট স্বরে সন্ন্যাসীর রাগ কিছু কমিল । তিনি বলিলেন ;—

“লক্ষ্মী আপনাকে বিবাহ করিয়াছে ?”

উভয়ের কথাবার্তায় লক্ষ্মীর ঘুম ভাঙ্গিল ; সে সন্ন্যাসীকে দেখিয়াই বলিয়া উঠিল ;—

“কে ? নিশ্চল দাদা যে !”

এই বলিয়া শিবরামের মুখে একটা কটাক্ষ হানিল । শিবরাম তাহার অর্থ বুঝিলেন এবং প্রতিকটাক্ষ হানিলেন । দেখিয়া নিশ্চল আরও রাগিলেন । লক্ষ্মী জিজ্ঞাসিল ;—

“বাবা কোথায় ?”

নিশ্চল তাহার উত্তর না দিয়া, শিবরামের প্রতি অঙ্গুলী নির্দেশ করিয়া কহিলেন ;—

“লক্ষ্মি ! তুমি ইহাকে বিবাহ করিয়াছে ?”

লক্ষ্মীর উত্তরের আশায় না থাকিয়া শিবরাম বলিলেন ;—

“ই! মহাশয় ! বিবাহ করিয়াছে । কিন্তু আপনি অত রাগিতেন কেন ? বিবাহ করিয়াছে ।”

নির্মল ।—বেশী কথা বলিবেন না—বলিতেছি ।

শিব ।—তা—না হয় বলিলাম না । কিন্তু আপনি নয় করিয়া আমার লক্ষ্মীর সহিত কথা কহিবেন না ।

নির্মল তীব্র দৃষ্টিতে শিবরামের প্রতি চাহিয়া রহিলেন ; শিবরাম স্নিগ্ধ দৃষ্টিতে নির্মলের প্রতি চাহিয়া রহিলেন । লক্ষ্মী হাসিয়া বলিল ;—

“নির্মল দাদা ! তুমি কি পাগল হইয়াছ ?”

নির্মল পাগল না হইলেও নানাবিধ কষ্টে ও বিভার চিন্তায় বাস্তবিকই তাহার মস্তিষ্ক কিঞ্চিৎ দুর্বল হইয়াছিল । লক্ষ্মী কিঞ্চিৎ তাহা জানিতে পারে নাই, কেবল তাহার ব্যবহার দেখিয়া বলিল ;—

“তুমি কি পাগল হইয়াছ ? আমি কি যাহাকে তাহাকে বিবাহ করি ?”

নির্মল শিবরামের মুখ চাহিয়া বলিলেন ;—

“কি ঠাকুর ?”

শিব ।—কি ?

নির্মল ।—কবে তুমি লক্ষ্মীকে বিবাহ করিয়াছ ?

শিব ।—কে বলিল, আমি লক্ষ্মীকে বিবাহ করিয়াছি ?

নির্মল ।—তুমি শু কড় মিথ্যাবাদী । এই বলিলে, লক্ষ্মীকে

## বিভাবতী

বিবাহ করিয়াছি. —আবার—

শিব । —মিথ্যাবাদী আমি না, তুমি ? আমি কখন বলিলাম—

নিশ্চল । —এই কেবলই । তুমিও ত শুনিয়াছ লক্ষ্মী !

শিব । —আমি বিবাহ করিয়াছি—বলিয়াছি ? না লক্ষ্মী  
আমাকে বিবাহ করিয়াছে—বলিয়াছি ?

নিশ্চল । —বেশ, তাহাই হউক । কিন্তু লক্ষ্মী ত তোমার স্ত্রী ?

শিব । —কেমন করিয়া ?

নিশ্চল । —তুমি ত বড় বেল্লিক ! লক্ষ্মী তোমাকে বিবাহ  
করিয়া কি তোমার মা হইল ?

শিব । —তাহাই বা হইল কেন ?

নিশ্চল । —বল তবে বেটা ! লক্ষ্মী তোমার কে ?

শিবরাম বুঝিল, নিশ্চল অত্যন্ত উত্তর হইয়াছেন ; আর  
বেশী বিরক্ত করা উচিত নয়—বলিল ;—

“ঠাকুর ! বোঝো ; বি—বহ—ঘঞ-বিবাহ, অর্থাৎ বিশেষরূপে  
বহন করা । লক্ষ্মী আমাকে বিবাহ করিয়াছে অর্থাৎ বিশেষরূপে  
বহন করিয়াছে ! আমি কেবল তাহারই অনুকম্পায় এতদূর  
আসিতে পারিয়াছি ; বুঝিলে ?”

লক্ষ্মী হাসিয়া উঠিল । নিশ্চলের ক্রোধ দূরীভূত হইল ।  
তিনি লক্ষ্মীকে জিজ্ঞাসিলেন ;—

“তুমি এতদিন কোথায় ছিলে ?”

লক্ষ্মী আনুপূর্বিক সমস্ত ঘটনা নিশ্চলকে বলিল । সেই  
শ্রামনগরে গঙ্গার তীরে নিদ্রার কথা, জলে ঝলপ প্রদানের কথা,  
ধীবরালয়ে অবস্থিতির কথা, বৃদ্ধ ধীবরের কথা, বিমলের কথা,

একে একে সকল বলিল। বিমলের জলে ডোবার কথা শুনিয়া নিৰ্মল চমকিয়া উঠিলেন। বিমল জীবিত আছে জানিয়া বিভা আহলাদিত হইল ; ধরা পড়িবার ভয়ে কিছু বলিল না। নিৰ্মল জিজ্ঞাসিল ;—

“বিমল জলে ডুবিয়াছিল কিরূপে, জান কি ?”

লক্ষ্মী।—জানি, তাহারই মুখে শুনিয়াছি।

সে যাহা জানে, সমস্ত খুলিয়া বলিল। শুনিয়া নিৰ্মল একটা দীৰ্ঘ নিশ্বাস ছাড়িয়া বলিলেন ;—

“আমারই জন্ম এত !”

পরে অপেক্ষাকৃত নিম্নস্বরে কহিল ;—

“হায় বিভা !”

বিভার মুখ প্রফুল্ল হইল। লক্ষ্মী জিজ্ঞাসিল ;—

“দাদা ! বিমলের নাম শুনিয়া অমন কবিতা উঠিলে কেন ?

নিৰ্মল আবার একটা দীৰ্ঘ নিশ্বাস ছাড়িয়া বলিলেন ;—

“বিমল আমার ভাই।”

পরে অনেকক্ষণ সকলে নিস্তব্ধ হইয়া রহিলেন। শিবরাম একদৃষ্টিতে নিৰ্মলের আপাদমস্তক নিরীক্ষণ করিতে লাগিলেন।

নিৰ্মল তাহা লক্ষ্য করিলেন, ভাবিলেন ;—

“এ ঠাকুর আমার পানে অমন কবিতা চাহিতেছে কেন ? একি ছদ্মবেশী ? স্বর ত ঠিক স্ত্রী কর্ণেব। অনেক দিন তাহার স্বর শুনি নাই, কিন্তু এ স্বর যেন তারই। তবে কি বিভা আমার—আমার জন্ম ছদ্মবেশ ধরিয়া এতদূর আসিয়াছে ? বিভা আমার ! আচ্ছা, যা দিয়া দেখি।”

## বিভাবতী

পরে প্রকাশে বলিলেন ;—

“কি ঠাকুর ! আমার পানে অমন করিয়া চাহিতেছ কেন ?”

বিভা অপ্রতিভ হইলেন ; কিন্তু ধরা দিলেন না । হাসিয়া বলিলেন ;—

“আপনার চেহারাটা ঠিক আমার বামনীর মত, তাই দেখিতেছি ।”

পূর্বেই বলিয়াছি, নানাবিধ কারণে নিশ্চলের মস্তিষ্কের কিছু দৌৰ্দ্ধল্য ঘটিয়াছে, তজ্জন্ম তাঁহার রাগের ভাগ কিছু বেশী ; আর একরূপ কথা শুনিলে কাহার না রাগ হয় ? নিশ্চল রাগিয়া বলিলেন ;—

“আমি না তুমি ? বরং তোমার গলার সঙ্গে আমার বামনীর খুব সাদৃশ্য আছে ।”

বিভা হাসিয়া বলিল ;—

“তাই না হয় হইলাম ? তবে প্রাণ ! আজ রাতে আমার কুঞ্জে তোমার নিমন্ত্রণ !”

কণ্ঠস্বরে নিশ্চল যুদ্ধ হইল, কিন্তু রাগিতেছে ; বিভা আশা-ম্বিতা হইল, কিন্তু রসিকতা করিতেছে ; লক্ষ্মী সব বুঝিল, কিন্তু হাসিতেছে । তাহাকে হাসিতে দেখিয়া নিশ্চল আরও রাগিয়া কহিলেন ;—

“তুমি হাসিতেছ কেন ?”

লক্ষ্মী আরও হাসিয়া বলিল ;—

“তোমাদের ভণ্ডামি দেখে ।”

নিশ্চল ।—কি ভণ্ডামি দেখিলে ?



নির্মল ।—কি ভণ্ডামি দেখিলে ?

লক্ষ্মী ।—তোমরা উভয়েই ভণ্ড । যে সন্ন্যাসী, তার কখনও  
এত রাগ বা রসিকতা সম্ভবে না ।

তুনিয়া নির্মল আরও রাগিলেন, শিবরাম আরও রসিকতা  
করিতে লাগিলেন, লক্ষ্মী আরও হাসিতে লাগিলেন, সূর্য্যদেব  
আরও ডুবিতে লাগিলেন । কিছুক্ষণ পরে লক্ষ্মী কহিল ;—

“ধুব ত রাগারাগি করিলে ; এখন একবার বাবার কুটীরে  
চল ।”

নির্মল কিছু না বলিয়া চলিতে লাগিলেন, লক্ষ্মী ও বিভা  
পিছু পিছু চলিল ।

### তৃতীয় পরিচ্ছেদ ।

কুটীরে গৌরানন্দ ধ্যাননিমগ্ন,—চক্ষু নিমিলিত,—যোগাসনে  
প্রস্তর-মূর্তিবৎ বসিয়া আছেন । সম্মুখে শালগ্রাম শিলা ; শিলার  
সর্বাঙ্গে সচন্দন তুলসী সকল শোভিত, পার্শ্বে স্তূপীকৃত পুষ্পরাশি ।

নির্মল, লক্ষ্মী ও বিভাবতী তথায় নীরবে উপস্থিত চইলেন ;  
একে একে নীরবে প্রণাম করিলেন, কিন্তু কেহ পাদস্পর্শ করি-  
লেন না । পরে নীরবে সন্ন্যাসীকে ঘেরিয়া বসিলেন । কেহ  
কোন কথা কহিতেছেন না,—পাছে উপাসনার ব্যাঘাত ঘটে ।

## বিভাবতী

কিছুক্ষণ বসিয়া থাকিয়া নীরবে নির্মল উঠিলেন, কি ভাবিয়া নীরবে প্রস্থান করিলেন। লক্ষ্মী ও বিভা নীরবে পূর্ববৎ বসিয়া রহিল। প্রায় অর্দ্ধযাম অতীত হইলে গৌরানন্দ চক্ষুরুন্মীলন করিলেন, চক্ষু মেলিতে লক্ষ্মী তাঁহার দৃষ্টি-পথে পড়িল, তিনি বলিলেন ;—

“লক্ষ্মী ?”

লক্ষ্মী “হাঁ পিতা” বলিয়া তাঁহাকে আবার প্রণাম করিল ও পদধূলি লইল। বিভাবতীও তদ্রূপ করিল।

বহুদিন পরে তনয়াতুল্যা লক্ষ্মীকে দেখিয়া সন্ন্যাসী সন্তুষ্ট হইলেন—কি অসন্তুষ্ট হইলেন, জানি না ; কিন্তু তাঁহার মুখে বা কথায় কোন ভাব প্রকাশ পাইল না। পূর্ববৎ গম্ভীর রহিয়া তিনি তাহার নিরুদ্ধেশের কারণ জিজ্ঞাসা করিলেন। লক্ষ্মী পিতৃ-চরণে সমস্ত নিবেদন করিল। সন্ন্যাসী তদ্রূপ গম্ভীর। পরে বিভার প্রতি চাহিয়া জিজ্ঞাসিলেন ;—

“তুমি কে ?”

বিভা যুক্তকরে কহিল ;—

“প্রভু ! আমি একটা অভাগিনী।”

“অভাগিনী !”

গৌরানন্দ সবিস্ময়ে তাহার বৃথপানে চাহিয়া রহিলেন।

বিভা মুখ নত করিয়া বলিল ;—

“আমি নারী।”

তাহার বড় লজ্জা হইল, ঘন ঘন নিশ্বাস পড়িতে লাগিল, সমাটে বিন্দু বিন্দু খেদ দেখা দিল, গণ্ডদেশ রক্তিম হইল, ওষ্ঠাধর

কঁপিতে লাগিল । সে অনেকক্ষণ মাথা তুলিতে পারিল না ।  
সন্ন্যাসী বলিলেন ;—

“তুমি নারী ? পুরুষ বেশ কেন ?”

বিত্তা পুরুষ বেশের কারণ সন্ন্যাসীকে নিবেদন করিল, পরে  
তাঁহার চরণ-প্রান্তে পতিত হইয়া কহিল ;—

“দেব ! আমি বড় অভাগিনী—হত-সর্কস্বা—পথের ভিখারিনী ।  
সন্ন্যাসী তাহাকে উঠাইয়া বলিলেন ;—

“তুমি কি চাও ?”

বিত্তা ।—প্রভো ! আমায় পতি-ভিক্ষা দিন ।

সন্ন্যাসী অনেকক্ষণ ভাবিলেন, ভাবিয়া বলিলেন ;—

“মা ! নির্মল কি তোমার স্বামী ?”

বিত্তা বাষ্পাকুল-নয়নে কহিল ;—

“হাঁ দেব !”

সন্ন্যাসী আবার অনেকক্ষণ কি ভাবিলেন,—পরে তাহার মন  
বুঝিবার জন্য বলিলেন ;—

“মা ! তুমি রমণী-রত্ন ! কিন্তু জিজ্ঞাসা করি,—স্বামীকে  
ধর্মচ্যুত করিতে ইচ্ছা করিতেছ কেন ? জান, পত্নী পতির  
সহধর্মিনী ।”

বিত্তা ।—জানি ; কিন্তু প্রভু ! আমি তাঁহাকে ধর্মচ্যুত করিতে  
আসি নাই, অধর্মচ্যুত করিতে আসিয়াছি ।

ক্রয়গল কুঞ্চিত করিয়া—সন্ন্যাসী অনেকক্ষণ তাহার যুথপানে  
চাহিয়া রহিলেন, পরে বলিলেন ;—

“তুমি কি বলিতেছ ? সন্ন্যাস ধর্ম অধর্ম !”

## বিভাবতী

বিভা সন্ন্যাসীর পদধূলি মস্তকে লইয়া বলিল ;—

“না দেব ! আমি তা বলি নাই । সন্ন্যাস ধর্ম—শ্রেষ্ঠ ধর্ম । কিন্তু এ ধর্ম গ্রহণ করিতে হইলে, ভক্তি চাই, প্রেম চাই, প্রতীক্ষা চাই । এগুলি যাহার নাই, তাহার এ ধর্ম গ্রহণ করা, মহা পাপের পথ পরিষ্কার করা মাত্র । আমার স্বামীর ইহার একটা গুণও নাই ।

সন্ন্যাসী ।—মা ! তুমি সত্য কথা বলিয়াছ ; এ ধর্মে প্রেম চাই, ভক্তি চাই, প্রতীক্ষা চাই । এগুলি যার নাই, তার দীক্ষিত হওয়াও মহাপাপ, তাকে দীক্ষিত করাও মহাপাপ । আমি নির্মলকে দীক্ষিত করিয়া মহাপাপ সঞ্চয় করিয়াছি ।

বিভা ।—প্রভু ! যে প্রেমে নিমাই উন্মত্ত হইয়াছিলেন, যে ভক্তিতে বুদ্ধদেব সর্বস্ব ত্যাগ করিয়া বনবাসী হইয়াছিলেন, যে প্রতীক্ষায় আপনার সর্বস্ব-ত্যাগী । আমার স্বামীর যদি তাহার কোনটার লক্ষাংশের একাংশও থাকিত, তাহা হইলে আমি তাঁহাকে বাধা দিতাম না ; বরং তাঁহার সাহায্য করিতাম । কিন্তু তাঁহার কিছুই নাই ; তিনি এখন কোন ধর্মের মধ্যে নহেন । এরূপভাবে থাকিলে অধর্ম বৈ আর কি হইতে পারে ? তিনি গৃহীও নন, সন্ন্যাসীও নন ; কর্মীও নন, নিকর্মীও নন ।

লক্ষ্মী এতক্ষণ নীরবে বসিয়া উভয়ের কথাবার্তা শুনিতেছিল ; এবার হাসিয়া বলিল ;—

“নির্মল দাদার হ’য়েছে—হরিশ্চন্দ্রের স্বর্গবাস । ন স্বর্গ, ন মর্ত্য ।”

সন্ন্যাসী ।—নির্মল বোধ হয় রাগ করিয়া সন্ন্যাসী হইয়াছে ?

বিভা মুখ নত করিয়া রহিল, কিছু বলিল না ।

সন্ন্যাসী জিজ্ঞাসিলেন ;—

“আচ্ছা, তোমার নাম কি বিভাবতী ?”

বিভা বিস্মিতভাবে বলিল ;—

“হঁা দেব !”

সন্ন্যাসী ।—আমি নির্মলের মুখে অনেকবার ঐ নাম শুনযাছ, উপাসনা করিতে করিতে ঐ নাম করে, ঘুমাইয়া ঘুমাইয়া ঐ নাম করে, খাইতে খাইতে ঐ নাম করে ।

বিভা ।—তাঁহার বিশ্বাস, আমি তাঁহাকে ভালবাসি না, তাই তিনি সংসার ত্যাগ করিয়াছেন ।

সন্ন্যাসী কিছু বলিলেন না ; নীরবে অল্প অল্প মাথা নাড়িতে লাগিলেন, তৎসঙ্গে বৃহৎ জটাভার অল্প অল্প নাড়িতে লাগিল, শুভ্র শ্রুগুণ্ড অল্প অল্প নাড়িতে লাগিল । কিছুক্ষণ পরে তিনি বলিলেন ;—

“যাও মা ! রাত্রি অনেক হইয়াছে । যাহা কর্তব্য, কান করিব । যাও লক্ষ্মি !”

উভয়ে সন্ন্যাসীর পদধূলি লইয়া প্রস্থান করিল ।

### চতুর্থ পরিচ্ছেদ ।

কুটীর হইতে বাহির হইয়া নির্মল একটা বৃক্ষতলে পিয়া বসিলেন । অত্যন্ত শীত বোধ হইতেছিল বলিয়া, কতকগুলি

## বিভাবতী

পাতালতা যোগাড় করিয়া সম্মুখে আগুন করিলেন। অগ্নি-সেবন ও চিন্তা একসঙ্গে চলিতে লাগিল। কিছুক্ষণ পরে বিভা তথায় আসিয়া দাঁড়াইল। নির্মল জিজ্ঞাসা করিলেন ;—

“কে ?”

বিভা হাসিয়া বলিল ;—

“মহাশয়ের কি একটু স্মৃতি-বিকৃতি রোগ আছে নাকি ? দেখিতে দেখিতে ভুলিয়া যান।”

নির্মলের কর্ণে সে কথাগুলি বীণার বন্ধার-তুল্য শ্রবিত হইল। তিনি রাগিলেন না, বলিলেন ;—

“আমি চিনিতে পারি নাই।”

বিভা।—না পারাই সম্ভব।

নির্মল সে কথার কোন উত্তর চাহিলেন না, জিজ্ঞাসিলেন ;—

• “মহাশয়ের নাম কি ?”

বিভা।—আজ্ঞে, শিবরাম গোস্বামী।

নির্মল।—বর্তমানে কোথা হইতে আসিতেছেন ?

শিব।—বঙ্গদেশ হইতে।

নির্মল ঔৎসুক্যসহকারে জিজ্ঞাসিলেন ;—

“বঙ্গদেশে কোথায় ছিলেন ?”

শিব।—কমলপুরের জমিদার বাড়ীতে।

নির্মলের কৌতুহল আরও বাড়িল, বলিলেন ;—

“কতদিন ছিলেন ?”

শিব।—জমিদারের বিষয় মহাশয়ের কিছু জানা আছে নাকি ?

নির্মল একটা দীর্ঘশ্বাস ছাড়িয়া বলিলেন ;—

“আমিই সেই কমলপুরের জমিদার ।”

শিব ।—য়্যা, বলেন কি ? আপনি জমিদার ? এ বেশ কেন ?

নির্মল আবার একটা দীর্ঘশ্বাস ছাড়িয়া বলিলেন ;—

“বড় দুঃখে এ বেশ গ্রহণ করিয়াছি ।”

শিবরাম তাঁহার মনোভাব জানিবার জন্য বলিল ;—

“মহাশয় ! দুঃখের কথা আর তুলিবেন না । সংসারই দুঃখময় ! কি বলিব, মাতা পিতা, ভ্রাতা বন্ধু, কেউ আপনার নয় ।”

নির্মল সহায়ানুভূতি পাইয়া গলিয়া গেলেন, বলিলেন ;—

“সব যায়, তাহাতে আমার দুঃখ হয় না । কেবল মাহাকে ভালবাসি, সে যদি আপনার না হয়—”

তিনি আর বলিতে পারিলেন না, তাঁহার কণ্ঠ রুদ্ধ হইল, চুই চক্ষু দিয়া অবারিত-ধারে অশ্রু পড়িতে লাগিল । শিবরাম বলিলেন ;—

“মহাশয় কাহাকে ভালবাসেন, জানি না । কিন্তু যদি স্ত্রীকে ভালবাসেন, তাহা হইলে বলিব, আপনার মত স্ত্রী পৃথিবীতে খুব বিরল । আপনার স্ত্রী—”

নির্মল বাধা দিয়া উচ্চ-কণ্ঠে কহিলেন ;—

“ও নাম আর করিবেন না ওই—ওই আমার সর্বনাশ করিয়াছে ! আমাকে পথের ভিখারী করিয়াছে ! আমাকে পাগল করিয়াছে !”

## বিভাবতী

শিব ।—কেন মহাশয় ! আপনার স্ত্রী ত আপনাকে খুব ভালবাসে ।

নির্মল ।—ভালবাসে না—বাসে না । আগে বাসিত, আগে আমাকে একদণ্ড না দেখিলে কাঁদিত, কত অভিমান করিত ; কিন্তু যেই দেশে তুর্ভিক্ষ উপস্থিত হইল, অমনি সে আমাকে দুই চক্ষের বালি দেখিতে লাগিল ।

শিব ।—না মহাশয় ! আপনি ভুল বুঝিতেছেন, আপনার স্ত্রী আপনাকে খুব ভালবাসে । আপনার জন্ম সে—

নির্মল উদ্ভ্রাস্তবৎ বলিলেন ;—

“বল, বল, আমার জন্ম সে কি করিয়াছে ! সে পাপিষ্ঠা প্রেমহীনা আমার জন্ম কি করিয়াছে !”

শিব ।—মহাশয় ! সে প্রেমহীনা নয়, আমি বিশেষরূপে জানি, সে প্রেমময়ী ।

নির্মল ।—সে পাপিষ্ঠা প্রেমময়ী !

শিব ।—মহাশয় ! আপনি বোধ হয় প্রেমের প্রকৃত অর্থ জানেন না, তাই তাহাকে প্রেমহীনা বলিতেছেন । আপনার কথা শুনিয়া ও ভাব দেখিয়া আমি বেশ বুঝিতেছি, আপনার প্রেম রূপলিপ্সা বা সহলিপ্সা ব্যতীত আর কিছুই নহে । সে প্রেম চায় আলিঙ্গন, চুম্বন, ভালবাসা, ইত্যাদি কামাদির মত ইহা একটা ঋণ বই আর কিছুই নয় । কিন্তু যাহা প্রকৃত প্রেম, তাহাতে স্বার্থের গন্ধ মাত্র নাই । সে প্রেম শুধু একটা ধর্মভাব মাত্র । আপনার স্ত্রী সেই স্বর্গীয় প্রেমের অধিকারিণী ।

নির্মল কিছুক্ষণ স্তব্ধ থাকিয়া সন্ন্যাসীর কথা বুঝিয়া কহিলেন ;—



“সত্যই কি সে আমার এই রকম পবিত্র প্রেমের অধিকারিনী ?”  
শিব।—হাঁ মহাশয় ! তবে সে যে একেবারে কাম ও  
লিপ্সাদি বিবজ্জিতা, তাহা নহে । কিন্তু সে কাঁচ ও কাঞ্চন চিন্তনা  
নহঁতে পারে —হৃদয় দমন করিতে পারে ।

নিশ্চল উদ্ভ্রাস্তের মত কাঁহলেন ;—

“আমি কি তবে কাণ্ডজ্ঞানহীন ? নির্দোষে তাহাব উপর  
বাগ করিয়াছি । উঃ ! আমি কি কাণ্ডজ্ঞানহীন ।”

নিশ্চলের সর্ব্বাঙ্গ দিয়া ঘর্ষ নিৰ্গত হইতে লাগিল । তাহান  
উন্মত্তের ন্যায় হইলেন, ধীরে ধীরে কি বাল্যে বসিতে তথ্য হইতে  
চলিয়া গেলেন ।

### পঞ্চম পরিচ্ছেদ ।

নিশ্চল শিবরামের নিকট হইতে উঠিয়া গিয়া, একপানি  
শলাব উপর বসিয়া, উদ্ধানেত্রে পর্ষিত শিখরে দৃষ্টি বসু করিয়া  
ভাবিতেছিলেন । “.....আচ্ছা.—আঃ ! বড় বড় হইয়াছে.—  
আগে কেন জিজ্ঞাসা করিলাম না যে, ‘তুমি বিভাব সিন্ধে হই  
জানিলে কিরূপে ?’ আব কিরূপেই বা জানিল ? শিবরাম সন্নানী,  
আব বিভা অন্তঃপূর্বদাসিনী মহিল । না, বা সন্দেহ করিয়াছি.

## বিভাবতী

নিশ্চয় তাই । এ নিশ্চয় ছদ্মবেশিনী বিভা, কখনই সন্ন্যাসী নয় ।  
নিশ্চয় তাই ; নহিলে কণ্ঠস্বর ঠিক বিভার মত কেন ? একজনের  
কণ্ঠের সঙ্গে কি আর একজনের কণ্ঠ মিশে না ? কদাচিত্তে  
মিশিতে পারে ; কিন্তু একেবারে পুরুষে আর স্ত্রীলোকে  
অসম্ভব—সম্পূর্ণ অসম্ভব ! বিভা বোধ হয় লক্ষ্মীর সাহায্যে  
আসিয়াছে, তাই বলিয়াছিল ‘লক্ষ্মী আমাকে বিবাহ করিয়াছে ।’  
তাহা হইলে আমাকে ভালবাসে ? বাসে—বাসে—বাসে ? বিভা  
আমার, আমারই জন্ম আসিয়াছে । সত্যই সে প্রেমময়ী, আমিও  
কাণ্ডজ্ঞানহীন, তাই তাহাকে চিনিতে পারি নাই । আমি বানর,  
বড়হারের মস্ত কি খুঁজিব ? বিভা আমার, আমারই জন্ম  
আসিয়াছে । ও শিবরাম নয়, ছদ্মবেশিনী বিভা—নিশ্চয় বিভা ।  
নহিলে লক্ষ্মী আমাকে ও তাহাকে ভণ্ড বলিল কেন ? আমি  
ঝাগলাম, সে একটু হাসিল মাত্র । আমি ভণ্ড, কারণ আমি  
ঝাগ করিয়া সন্ন্যাসী সাজিয়াছি ; সে ভণ্ড, কারণ সে ছদ্মবেশিনী  
বিভা ! আচ্ছা,—তাই যদি হয়, আমি কি করিব ? কি আর  
করিব ! আমি আবার তাহাকে হৃদয়ে লইয়া গৃহে যাইব !—দীক্ষা,  
শিক্ষা, সব অতলজলে নিক্ষেপ করিয়া আবার তাহাকে হৃদয়ে  
লইব । আবার তাহাকে ভালবাসিব । আবার দেশে ফিরিয়া গাইব ।  
তাহার পায়ে ধরিয়া কৃতঅপরাধের জন্ম ক্ষমা চাহিব । কিন্তু—  
কিন্তু এ যদি—না,—ওসব কথা আর ভাবিব না । না—ভাবি, না  
ভাবিয়াও থাকিতে পারিতেছি না । ভাবিলে ক্ষতি কি ?  
যা আছে অদৃষ্টে—হবে । কি ভাবিতেছিলাম ? হাঁ,—এ যদি  
বিভা না হয়—

এ চিন্তায় নিশ্চল উত্তর হইয়া উঠিলেন, তাহার মাথা ঘুরিয়া গেল, তিনি দশদিক অঁধার দেখিতে লাগিলেন। তখন তিনি উদ্ধৃষ্টিতে কুতাঞ্জলিপুটে ভক্তিতরে কহিতে লাগিলেন ;—

“ভগবন্ ! বিশ্বপতে ! একবার বল,—‘ঐ তোর বিভা’। ভূমি দয়ার সাগর, এ অধমকে দয়া কর—একবার বল,—‘ঐ তোর বিভা’।”

নিশ্চল দাঁক্ষা গ্রহণেব পর কখনও এরূপ ভক্তিতবে ভগবান্কে ডাকেন নাই, যেরূপ আজ ডাকিলেন। তিনি ক্রমাগত ডাকিতে লাগিলেন। তাহার স্বর ক্রমে ক্ষীণ হইল, অস্ফুট হইতে লাগিল ; তাহার পর ক্রমে কণ্ঠ মধ্যে বিলীন হইয়া গেল। কিন্তু তিনি মনে মনে ডাকিতে লাগিলেন।

চিন্তার অবশাদে, হৃদয়ের কাতরতায়, ভক্তিব প্রাচুর্যে, ক্রমে তাহার তন্দ্রা আসিল ; তিনি তন্দ্রাঘোরেও ডাকিতে লাগিলেন। ক্রমে গভীর নিদ্রা, তিনি নিদ্রাঘোরেও মেন ডাকিতে লাগিলেন। তিনি দেখিলেন,—এক অত্যাচ্চ গগনস্পর্শী ভূষারম্বল পর্বতশৃঙ্গ, সুনীল আকাশগাত্রে চিত্রিত ছবির মত দেখা যাউতেছে। পর্বতগাত্রে শত শত শ্যামল বৃক্ষলতা, তাহাতে সহস্র সহস্র প্রস্ফুটিত পুষ্প, সমীরণে মন্দ মন্দ আন্দোলিত হইতেছে, আকাশে চাঁদ হাসিতেছে,—কিরণে নদী, নিকর, ভূমি, বৃক্ষ, সব অতি উজ্জ্বল দেখাইতেছে ! কোথাও কোন শব্দ নাই। নিশ্চল দাঁড়াইয়া পর্বতের সেই চন্দ্রকরোজ্জ্বল শৃঙ্গ পশ্চরদেশে দৃষ্টি গুস্ত করিয়া একমনে ভগবান্কে ডাকিতেছেন !

এমন সময় সেই সূক্ষ্ম শিখর ভেদ করিয়া একটা জ্যোতিঃ

## বিভাবতী

বাহির হইল। জ্যোতিঃ—শুভ্র, ঈষৎ নীলাভ। ক্রমে সমস্ত আকাশ  
মণ্ডলে ছড়াইয়া পড়িল। ক্রমে বৃক্ষের মস্তক উজ্জ্বল কাবল,  
তাহার পর তাহাদের গাত্র উজ্জ্বল করিল; পরে অধঃদেশ  
উজ্জ্বল করিল—তখন চন্দ্র-কিরণ ম্লান বোধ হইল। নদা,  
প্রান্তর, গহ্বর, তরুকোঠর পর্য্যন্ত সে জ্যোতিতে উদ্ভাসিত  
হইল, আর পর্বতশৃঙ্গে শতসূর্যের মিলন হইল।

নিশ্চল তখন সেই জ্যোতির প্রতি দৃষ্টিপাত করিলেন,  
বুঝিলেন,—জ্যোতিঃ প্রথর নহে; চন্দ্র কিরণ অপেক্ষা স্নিগ্ধ।  
দেখিলেন,—তাহার মাঝে এক অপূৰ্ব মূর্তি। মূর্তি স্ত্রীর কি পুরু-  
ষের, জানি না; তাহারই অঙ্গ হইতে জ্যোতিঃ নির্গত হইতেছে।  
নিশ্চল যুক্তকরে সে মূর্তির প্রতি চাহিয়া রহিলেন। কিছু পবে  
সেই মূর্তি ক্রীমূত-গর্জনবৎ গস্তীরস্বরে কহিলেন;—

“যুবক! ঐ নবাগত সন্ন্যাসীই ছদ্মবেশিনী বিভাবতী। তুমি  
নিঃসন্দেহ হও।”

নিশ্চল তখন ধীরে ধীরে সেই মূর্তিকে জিজ্ঞাসিলেন;—


“আপনি কে?”

মূর্তি পূৰ্ববৎস্বরে কহিলেন;—

“আমি সতীত্ব। আমার শরীরে যে সকল জ্যোতিঃ দেখি-  
তেছ, ইহা সতীদিগের কীর্তি মাত্র। তোমার স্ত্রী সতা, তাহার  
অক্ষয় কীর্তিতে আমার শরীরে অনেক জ্যোতিঃ বৃদ্ধি পাইয়াছে।  
যতদিন ভারতে আমার নাম থাকিবে, ততদিন বিভাবতী অমর।”

তাহার পর সেই দশদিক উজ্জ্বলকারী জ্যোতিরামি ক্রমশঃ  
একত্রীভূত হইতে লাগিল। সে মূর্তিও ক্রমে শিখরমধ্যে ডুবিতে

লাগিল। তাহার পর মূর্তি একেবারে শূন্যমধ্যে বিলীন হইয়া  
গেল। মূর্তি অন্তর্হিত হইলেও, জ্যোতিঃ কিছুক্ষণ আকাশের অল্প  
স্থান অধিকার করিয়াছিল, তাহার পরে একেবারে বিলীন হইয়া  
গেল। নিশ্চলের স্বপ্ন ফুরাইল, সঙ্গে সঙ্গে নিদ্রাও ভাঙিল,  
পূস্বাকাশে প্রভাত হাসিল।



### ষষ্ঠ পরিচ্ছেদ।

চেতনা হইলে নিশ্চল দেখিলেন,—এক অপূর্ণ সুন্দরী তাঁহার  
পাদমূলে বসিয়া আছেন। সুন্দরী যুবতী, জটাজুটপারিণী,  
শুভ্রবসনারূতা, অবগুঠনহীনা, নিরাস্তরনা। অসংযত জটারামি  
তাহার শ্রবনদ্বয়, ললাটের উভয়পার্শ্বের কিয়দংশ ও আরক্ত  
কপোল প্রদেশের কিয়দংশ আচ্ছাদণ করিয়া, কতক পৃষ্ঠপার  
ছড়াইয়া পড়িয়াছে—কতক স্কন্ধের উপর দিয়া বক্ষের উপর  
পড়িয়াছে। মন্দ-বসন্ত-বাত্যান্দোলিত নবপল্লব-তুল্য তাহার  
আরক্ত ওষ্ঠাধর অল্প অল্প কাঁপিতেছে। সে দক্ষিণ হস্তের তর্জনীর  
কোমল অগ্রভাগে চিবুক স্পর্শ করিয়া আছে। আঁত নয়ন  
কোনে করুণ্যর জ্যোতিঃ ঝরিতেছে। দৃষ্টি অচঞ্চল, নিশ্চলে  
যথেষ্ট। যুবতী নিশ্চল, নিস্পন্দ, গম্ভীর। নিশ্চল সে মূর্তি  
চিনিলেন—অনেকক্ষণ তাহার শ্বানে চাহিয়া থাকিয়া কহিলেন ;—

## বিভাবতী

“বিভা ! তুমি ?”

“নাথ ! প্রাণেশ্বর ! আমায় ক্ষমা কর ।”

এই বলিয়া বিভাবতী আকাশচ্যুত নক্ষত্রের ন্যায় নিশ্চলের পদতলে লুপ্তিত হইয়া পড়িল ।

নিশ্চল তাড়াতাড়ি উঠিয়া, তাহার কমণীয় বাহুযুগল ধরিয়া, তাকে বক্ষের মধ্যে টানিয়া আনিয়া, বাষ্পাকুললোচনে কহিলেন ;—

“বিভা ! আমি তোমায় ক্ষমা করিব ! আমি মহাপাতকী, তুমি পুণ্যময়ী, আমি তোমায় ক্ষমা করিব !! আমি দুর্গন্ধ, তুমি গন্ধবহ ; আমি গলিতশব, তুমি গঙ্গা ; আমি পাপ, তুমি পুণ্য ; আমি তোমায় ক্ষমা করিব !!! না বিভা ! তুমিই— আমায় ক্ষমা কর ।”

তখন উভয়ে দৃঢ় আলঙ্গনে আবদ্ধ হইল । উভয়ের মস্তক উভয়ের স্কন্ধে হেলিয়া পড়িল ; উভয়েই কাঁদিতে লাগিল । উভয়ের স্কন্ধদেশ উভয়ের অশ্রুতে সিক্ত হইল । এমন সময় লক্ষ্মী করতালি দিতে দিতে হাসিতে হাসিতে তথায় উপস্থিত হইয়া বালিল ;—

“বলি নিশ্চল দাদা ! কাল তোমায় ভণ্ড বলিয়াছিলাম বলিয়া যে বড় রাগিয়াছিলে, এখন তোমার সে সাধুত্ব কোথায় গেল ?”

নিশ্চল ও বিভাবতী কেহ কোন কথা কহিলেন না; অধোবদনে বসিয়া রহিলেন । কিছুক্ষণ পরে সন্ন্যাসী তথায় উপস্থিত হইলেন এবং নিশ্চলের পানে চাহিয়া হাসিমুখে বলিলেন ;—

“নিশ্চল ! দীক্ষার সময় যে বলিয়াছিলে, কখনও স্ত্রীলোকের

সংশয় করিব না ; এখন এ সব কি ?”

নির্মল কিছুক্ষণ নীরব থাকিয়া পবে উঠিয়া যোড়-কণ্ঠ  
কহিলেন ;—

“গুরুদেব ! শুনুন, আমি মহাপাতকী ; আমি ঈশ্বরলাভেব  
আশায় সন্ন্যাসী হই নাই, সংসারের উপর রাগ করিয়া সন্ন্যাসী  
হইয়া ছিলাম ।”

সন্ন্যাসী ।— কেন সংসারের উপর রাগ করিয়াছিলে ?

নির্মল ।—প্রভু ! আমার বিশ্বাস ছিল,—আমাব স্ত্রী আমাকে  
ভাল বাসে না । তাই আমি সংসার ত্যাগ করিয়া ছিলাম ।  
এখন বুঝিয়াছি, সে আমাবই ; তাই আবার সংসারী হইতে  
যাইতেছি । গুরুদেব ! আমার অপরাধ মার্জনা করুন ।

সন্ন্যাসী ।—কিন্তু নির্মল ! তুমি দীক্ষার সময়, আমার সঙ্গে  
মিথ্যা কথা বলিয়াছিলে ?

নির্মল ।—কি গুরুদেব ?

সন্ন্যাসী ।—তোমার স্ত্রী তোমাকে চায় না, এরূপ কথা  
বলিয়াছিলে না ?

নির্মল ।—বলিয়াছিলাম, কাবণ তাহার ঐ রকম মত বলিয়া  
জানিয়াছিলাম । সে বলিয়াছিল,—ধর্ম আমার সব ; আমি  
তাই—

বিভাবতী বাধা দিয়া তেজপূর্ণস্বরে কহিয়া উঠিল ;—

“সে কথা পূর্বে বলিয়াছি, পরেও বলিব, এখনও বলিতেছি  
— ‘ধর্ম আমার সব’ । কিন্তু নাথ ! নারীর ধর্ম কি ? পতিসেবা,  
পতি ভক্তি পতিকে ভালবাসা, পতির মনোভূষ্টি, পতির আদেশ—

## বিভাবতী

পালন ব্যতীত রমণীর আর কি ধর্ম আছে ? রমণীর যাহা, সব পতির। তবে নাথ ! কিরূপে বুঝিলে, যে, আমি তোমায় ভালবাসি না ? তোমাকে ভাল না বাসিলে যে আমি ধর্ম পতিত হইব। তবে আমার ভালবাসা স্বার্থহীন ; আমার নিজের সুখের জন্য নয়।”

নির্মল।—বিভা ! ক্ষমা কর ; আমি জ্ঞান হারাইয়া ছিলাম।

সন্ন্যাসী বিভার মুখপানে চাহিয়া বলিলেন ;—

“মা ! এখনও ভারত-সাগরে তোমার মত অমূল্য রত্ন আছে, ইহা জানিতাম না। দেবি ! তোমার পবিত্র চরিত্রের দৃষ্টান্তে হিন্দুললনাগণ আবার পবিত্র পন্থা চিনিবে। পাশ্চাত্য অমূলক প্রেম ছাড়িয়া হিন্দুর স্বর্গীয় প্রেম শিখিবে।”

লক্ষ্মী হাসিয়া বলিল ;—

“আর নির্মল দাদার দৃষ্টান্তে রাগ করিয়া কেহ সন্ন্যাসী হইবে না।”

তখন বিভাবতী জানু পাতিয়া যোড়কবে কহিল ;—

“দেব ! আমায় ভিক্ষা দিন।”

সন্ন্যাসী।—কি ভিক্ষা মা ?

বিভা।—পতি-ভিক্ষা।

সন্ন্যাসী।—মা ! তোমার স্বামী তুমি অধিকার করিবে, তাহাতে আমি কি ভিক্ষা দিব ?

বিভা—তাহা জানি। কিন্তু আপনি যখন আমার স্বামীর গুরু, তখন তিনি আপনার নিকট বিক্রীত। প্রভু ! আপনার দাস নির্মলকে, আপনার দাসী বিভাবতীকে ভিক্ষা দিন।



নিশ্চলের প্রতি চাহিয়া সন্ন্যাসী বলিলেন ;—

“নিশ্চল ! তুমি নিছদোষে যানিক হারাইয়াছিলে, তাপ্য-  
ক্ষণে পুনঃ প্রাপ্ত হইয়াছ। বুদ্ধিগা চলিও। যাও, সংসারে  
গিয়া কর্ম কর।”

লক্ষ্মী হাসিয়া বলিল,—

“কিন্তু একটু বিলম্বে ; সব তীর্থ ত দর্শন করিলে, আর  
লক্ষ্মীকাশ্রমটা বাকী থাকে কেন ?”

নিশ্চল তাহাতে সন্মতি প্রদান করিলেন। বিভা বলিল ;—

“আমার তীর্থ দর্শনে প্ররোজন নাই, আমার মহাতীর্থ—এই  
যে আমার সন্মুখে—আমার স্বামী।”

এই সময় বিভাবতী একবার প্রভাতসূর্যের পানে চাহিল,  
সাহার যেন মনে হইল, সূর্য্য বৃহু হাসিয়া বলিতেছেন;—

“ই প্রকৃত ধর্ম্মপ্রাণ।”

## সমাপ্তি ।



মহাতীর্থ বদরিকাশ্রমে তুষার-ধবল সমস্তলক্ষেত্রে প্রকাণ্ড বিষ্ণু-মন্দির উন্নত মস্তকে শোভা পাইতেছে ; মন্দির-মধ্যে প্রগাঢ়-কৃষ্ণ-প্রস্তর-নির্মিত প্রকাণ্ড চতুর্ভূজ মূর্তি বিরাজমান—শঙ্কচক্র গদাপদ্মধারী,—মণি-যুক্তা-হীরক-কাঞ্চনাদি-নির্মিত নিবিধ অলঙ্কারে বিভূষিত ; অলঙ্কারের উজ্জ্বল আভাষ মন্দিরমধ্য সৌরকরোজ্জ্বল। উষা সুন্দরীর মত দেখাইতেছে । বিগ্রহের সম্মুখে গৌরানন্দ, নির্মল, বিভাবতী ও লক্ষ্মী যুক্তকরে জাহ্নু পাতিয়া বসিয়া, স্থির-নেত্রে সে মহান্ দৃশ্য দেখিতেছেন । তাঁহাদের নয়ন হইতে গঙ্গা যমুনার তায় প্রেক্ষা গড়াইয়া পড়িতেছে, মুখে প্রশান্তভাব ঝরিতেছে ।

কিছুক্ষণ পরে সন্ন্যাসী ধীরে ধীরে অথচ গস্তীরস্বরে কহিলেন ;—

“নির্মল ! পাপ পুত্র, ধর্ম অধর্ম, শোক তাপ, ভূত ভবিষ্যৎ বর্তমান, সব ঐ পবিত্র-মনোহর মূর্তির চরণে অর্পণ কর, আর বল,—

“তয়া হৃষীকেশঃ হৃদিস্থিতেন

যথা নিযুক্তোহস্মি তথা করোমি ।”

তখন নিশ্চল ও লক্ষ্মী একসঙ্গে মিলিতকণ্ঠে বলিল ;—

“তয়া হৃষীকেশঃ হৃদিস্থিতেন

যথা নিযুক্তোহস্মি তথা করোমি ।”

সন্ন্যাসী তাহার সঙ্গে কণ্ঠ মিলাইয়া কহিলেন ;—

“তয়া হৃষীকেশঃ হৃদিস্থিতেন

যথা নিযুক্তোহস্মি তথা করোমি ।”

মন্দির মধ্যে প্রতিধ্বনিত হইল ;—

“তয়া হৃষীকেশঃ হৃদিস্থিতেন


যথা নিযুক্তোহস্মি তথা করোমি ।”

আর একটী মন্দিরেও ঐ কথা বাজিয়া উঠিল ;—

“তয়া হৃষীকেশঃ হৃদিস্থিতেন

যথা নিযুক্তোহস্মি তথা করোমি ।”

সম্পূর্ণ



গ্রন্থকারের

দ্বিতীয় উপন্যাস

“মা”

প্রকাশিত হইবে।











